

Apukorio Naka Edeke
Jeffersonville, Indiana, U.S.A.
64-0614M

1 Asalakisi ibwoi ipak edit kwape kitulurwo kwesiwok kwap kanuka ailip.

Ejakaitikosi loka asianut, iyalama isio noi lolo kanuka arereng kana ebe itukokin isio nepepe kotoma akwap eroko Abongun naka Ejakait. Kangicata isio ikositauon lolo, kede Akirotokon, kasdoete aanyun arai ijai toma Aiyuun, tetere ikapakin, ebe, adolu esawa loka AtakanuniKe. Tetere isio ijaun kwape ebalor Naiwadikaere ebe ibuni isio ajaun, "Adakario kaju nepepe, ka ngul luejotoete, kasodete airiamun ka Ejakait kotoma apak, kasodete ajaun ka Nges apaarasia kere."

Isiayalamikit isio Ijo kanuka Emoyo Lokabeit loka Ekristayone loeroko ejai toma akwap, kakidingot naka itunga, ebe erokosi iyuunitos Ijo ka Aokinikirot. Aso ilipit isio Akonirereng kotomakosi lolo, ebe ibukuni Ijo neejai nginidiopet kotomakosi iboro ngul luipuda isio, tetere isio kicokicokio kede Akiro, tetere isio ipoloo kiton araun iboro lutwasama kotoma akaniniKon, kotoma apak kana nakawasia. Naarai ilipisio Kokiror loka Yesu Kristo, Ecokionikosi lokapolon loidarit isio atakanun. Amen.

Ipedorete aboikin.

2 Ido akoto eong alimun ebe ayangari eong arereng na atupuruc na naka ajaut ne bobo. Ido ilipit aitimio ebe imameotor oni aiboisit naiboikina nailosikina. Ido ilosi aitam, atibong na, kwana ajaun kede ailipanakin lukadekak; lolo, atupuruc na, ebuni ti araut naetiono mot.

Ido-ido abeit eong aikam Aisiraret na atepu lolo. Eong...Asubit Ejakalai bala ajai aismamanar keong kanuikamunitos ngin, oo, elap ediope arai iarei kau, ido adau aojau. Ido amameotor eong apak kokinga kotoma airiamununeta, naarai icamakin itoni ngin kanuka idakikan akaisauni, akaisaongon luka aijaanakin. Kasodete do oni...Kanu naarai ebeit itunga alosit aswam ka iboro, abu eong adum ebe ejok adepar arai eturian eong Akaisiraret. Ido amameotor kesi apak kokinga kangina kanu aikam ngin, aso aomit eong ebe abuni eong aidareun kiton eong abunore okanisa ne kasodi aikam ngin kane. Ido eojaojat mot, ido ajeni eong ebe ibwoete yesi, ido alosi eong-eong aisunyakini katipet noi kwape kapedoria kere. Ido, kwana, mam bobo yesi ipote aitapas eong arai ijulanakis yesi iicolongo, arai idiobore kere, ebuni-ebuni ngin araut naejok noi noi kaneajai eong naarai erai na apaaran naitegelikina naikamanakina oni akiro atepu.

Aso kijaar oni akiro nukaumokin nuka nueswama Ejakait kokinga koisawe, konye ibuni aticepak ainakin nuipu kotoma kangun atibong na neipedoria oni ainakin apak naepol neejai ngin, ajaun apak naepol kanu ainakin.

3 Ido kwana imuno oni ebe isirerengi Ejakait nginidiopet kayesi. Ajeni eong ebe ileleba itauonokus aiyalama, kidarit Abongun naka Ejakait. Ka loka da, ibulibukitoi, asesen iboro iswamasi koipone kalo ejaatar. Ka-ka amamus ainapakin naka akwap, ka ekanisa kotoma ojautene loejai toma, ka asesen aanyuneta nuka Abongunike, kotoma akuan ka kotoma omoyo, ido kajenete ebe apak na nakatanunike eapie noi, ilelebit ngin ikositauon kede aiyalama ajenun ebe ilosio oni aijulakin adiopet kotoma apaarasia kanu. Ilosio oni aijulakin kotoma osuban kalu luiwai oni.

4 Kwana, eyuunit eong, arai amisiikinit eong, ejaas kesi ekodakina osimu kanenice, ebe elosi Aisiraret alomar Phoenix ka kiton-ka kiton aiboisio nuegelegela, kosimu. Ido kwana imuno oni ebe arai erai ngin kwangin...mam eong ajeni; aponi alimokin eong ngin eroko elomuna toma. Ido-ido ejaas itunga kere kokinga kangina ebeit cut ejaas ainumunum angaleu najokan ka-ka Aibuses naka Ejakait kamakec.

5 Ido kwana-kwana ilosi oni apukor Akiro naka Ejakait. Ido nuijaar oni kere ne nges anumunun aijarawok kasodete aitup ngun nuebeit oni...Mam oni-oni ibunit ne ido ijai oni...Emamei itunganan yenejai ne ejeni ebe epedori idiotunganan aiboi kotoma amwanis bala kwape kana, ido kanu bon ajaut ne. Ijai oni ne kanuka alosikinet adiopet, ido ngin nges, "alosit die kede Edeke." Kesi ngun kere nuipedori oni aswam, nges aiyuun ebe ejai Ejakait Yesu kede kaoni. Ido ijai oni ne kanu-kanu alosit die ka Nges.

6 Kwana amwanis na eninik mot kamakang. Abu eong asub bala abu anaik amwanis ngin naeonit ko Tucson, naerai...Adoketait naka amwanis ka alilim kane kwana; amwanisikosi kangina emwana noi adepar na, konye eonit. Akosimwanis acepakio erai atutubet adiopet naka akaisarei naka idiopet kanngunukwatat, aticepak, icebore kwape kangin, nepetai esubit bala aijar kokwap naka ewema loka ekwam loyenganarete itunga toma loenyaritai oxygen. Konye kane ejaatar a-a-akipi tomake, ido einakini ijo aipup bala "irujurunjun," kwape atapitor oni anyarit ngin. Aso etiono kanukus, aso ajeni eong ngun, ido yesi nuka toto nuijaas kede idwe ludidik ka yesi itunga luibwoete, ipolok ka ludidik, ido kibwaikinitai nepepe kwape kijaatar yesi. Ido kwana imuno oni-imuno oni ebe isirerengi Edeke yesi kabaraara kanuka ainakinakus.

7 Amisiikit eong ebe ejai Onac Roy Borders ne nenice. Abu eong apup nges elimorio, konye aomit eong aticepak mam nges abu kopedo alomun toma. Eebo. Ngol nges erai ekayaiton loka airiamununeta.

Ido kwana ikoto oni alimor bobo da ebe ediopet loatapit ajaut kakidingotowok abu kolot ajaun ka

Ejakait atupuruc na, ekiliokit, Onac Jackson ko Sturgis, Michigan. Emamei itunganan yenejeni eipone loabu ngesi konyounia arai nuikamunito ngun. Angalei ngesi, kosodi ngesi...aomit eong bala aponi kodumunai nges etwanit arai icebore mam eong adumunit aileleba naka ngin. Ido iyalama oni noi neejai Edeke ebe arai Onac Jackson Ekristayot. Mam eong aanyunitor nges ikar luipu, konye eboienenei ngesi kakidingotowok ido erai ngesi ediopet kaoni, kisiyeng Edeke eketau loetiting! Alosit koipone kangol, iyuunit oni ebe aticepak erai ngin iceboere, arai ngin apak naka nges alosit. Mam Ejakait abu ikwenya oni nuikamunitos ngin, arai ngesi kanuka ngin, abu ngesi kolot kwangin. Kwangin nges ajaar. Ido akoto eong anyaraar akeberu katipet noi kwape kapedoria eong kere, kasodi alimokin nges nuka aitururuwok. Ido ikoto oni kere aisiyalamikin Edeke kanuka ajarake nakatiting naka Ekristayone, ka nuarai ngesi kere kane kotoma akwap, aitelekarit newok kane kotoma atukonokinet naka ne.

8 Kwana atibong na, alimorit eong ebe ebuni ajaun ailipankinio naka lukadekak atibong na, ido abuni eong einer nuipu nuikamunitos lukadekak atibong na.

Konye apak na, arasakisi alomar toma Akirot kwana, naarai eridakina ido emwana. Ilosi oni arasar neejai Akirot. Akoto eong asiomun kotoma atutuben aarei nuka Naiwadikaere atupuruc na, eojak, aso ebuni ngin ainakin eong apetetait kotoma kanu akoto eong alimun.

Ido, kwana, korai ti kopedorete aitikokin atepu, Onac Sothmann ka ngul, eroko egwelara, arai epedori, ido abuni eong akotokin aipup eroko oni...eroko elomara kinga otunga.

9 Kwana kotoma...Akoto eong asiomun kama ejaas Ipilipin, esula lokiareit, 1 kiton 8; kosodi Ikorinton Lukiareit 3, ageun kede 6, kasodete aisiom kiton esula lokiwonget loka Ikorinton Lukiareit, kanu apesikin apetetait. Kwana kotoma Opilipin, esula lokiareit, ageuni ber eong aisiom.

Eroko esioma, kelipeta.

10 Ejakait Yesu, Akonikirot nges Abeit. Ido kotoma osawa kalo lokationis loijari isio kotoma, akwap asurwokin akwap, adekasinei, amaran naka akwap kotoma aiboisio nuipu, epirisiaros itauon luka itunga, akurian, iseseni isio aiwadikaet kotoma arwatat. Kwana, erai adoketait naka akuan, tetere akwap kere eanyuni nu. Konye kwana ejai adoketait nakomoyo, da, ido iseseni isio akiro nukapolok nuiswamasi, ido ikoto einer nukec lolo.

Kisirereng Akonikirot kotoma otaunokosi. Ijeni ebe emamei itunganan kotoma Akuj arai akwap yenibusakinit aijaun Eitabo, apukor Aipuceta, arai asesen toma Ngol, da. Konye ejai Loabu kotakan, Imerekek yenaaritai, koriapiaritos aokot, yenabu kobu kosodi aijaun Eitabo, ido ebusakinit ido kopedorite apukor Ngol. Wu Imerekek yenika Edeke, kopukok Akonikirot neejaas itauonokosi lolo, kanuka ainapakin. Irai isio ikonibulesin. Kitim akosidiakanareta, Ejakait. Ido idiobore yenepedori aitukurwoor Akirot alosit ngaren kede apedor ka aisuparet naepol lolo kotoma ajarakosi, kolema awai, Ejakait, adiogalisit kere, tetere isio idumuni angaikinio naileleba neejaas arerengusio kere nuisumunikitai kotoma Akirotokon. Kilipisio Kokiror loka Yesu. Amen.

11 Ipilipin 2:

Aso arai ejai aitalakar kotoma Kristo, arai eidicane loka Emoyo, arai aisioni ka aitim,

Kitiodolete akaiyalama, tetere iwomitos adiopekirot, ijaas ka amin adiopet, luka emoyo ediopet, iwomitos nepepe.

Sirikiswamata akirot kere kanuka angolopa, karaida eitur atai, dimarai kaitasono nginitunganan kitopoloorite aupake, itia nges ilopet.

Kinyek nginitunganan asesen nuke bon, konye nuka luce da.

Koomitos yesi kotomakus kwape aomitor Kristo Yesu:

Lokejai einono loka Edeke, komam imarakina ariakakin ka Edeke kwape ibore yenimariauna:

Konye kitisilikin, koyanga einono loka ebulesit, kouriai kotoma aput naka etunganan:

Abu kotakan ejaas kasubunet bala naka etunganan, kitasonikin, korima kiton atwanare, atwanare da naka emusalaba.

12 Kwana arai ipedori oni apukor Ikorinton Lukiareit, esula lo 3, igeuni kede ekokoro lo 6, kasodete aisiom kiton lo 18, cut kwap kiton atutubet naka esula lo 4.

Lokisilosikini isio araut ikejaanakinak luka aitutuket nakitetet, mere luka enyukuta, dimarai luka Emoyo; naarai eari enyukuta, konye Emoyo einakini ajar.

Aso arai aijaanakin naka atwanare naigirigiritai kinyukutan kamoru, abu kobu aibuses,

tetere mam idwe loka Isirael epedorete asesen akonye nuka Musa kanuka aibuses naka akonyeneke, aibuses ngin naitapalaunio:

Mam kereka aijaanakin naka Emoyo itelekarit kaaibuses?

Naarai arai ejai aijaanakin naka atubokinio kaibuses, itelekarit noi aijaanakin naka adolit ajaun kaibuses.

Naarai naitubusikinitai mam itubusikinitai kanuka kakirok kana, kanuka aibuses naepedori noi noi.

Naarai arai naitapalaunio kejai kaibuses, itelekarit noi naesalenenei ajaun kaibuses.

Aso kijai kamun naikoni nen, kitwasamai atiting naepol.

Kwabo mere Musa loemukorit akekonyen, kinyeis idwe; luka Isirael asesen awasia naka naitapalaunio.

Konye kitininikitai ikecetaun. Ido kiton naesiomenenere aitutuket namojong eringa esalit aimukoret ngipengin mam epukoritai, naarai kotoma Kristo kitapalaunitai.

Konye kiton lolo naesiomenerere nuka Musa epesikina aimukoret otauonocek.

Konye naibelokinor itunganan mama ejai Ejakait, elemario aimukoret.

Konye erai Ejakait Emoyo, ido neejai Ejakait nepenen da ejaikin aosikinio.

Konye oni kere kiseseni aibuses naka Ejakait kwape kotoma aroet, kakonyen numam imukoritai, kilocokinio aputor Nges, anyoun kaibuses kiton aibuses, naarai epote ngun kama ejai Ejakait, loerai Emoyo.

Kanuka ngun, kija kaijaanakin na kwape kidumunitor atimio, mam kitapalikina.

Konye kinger nuibwaitai nuka ileic, kwabo mam kilosenenei ketute karaida aipurujaun Akirok naka Edeke kaingal, konye kaitodiar naka abeit kitubusikina mama ejaas aomisio kere nuka itunga kakonyen nuka Edeke.

Ido arai imukoritai Akosikoro Nukajokak, imukoritai kama kalueoliorito:

13 Kiyatak Edeke Akerereng toma asiomio naka Akekirot!

Kwana, akou naka akirotoka atupur na, amuno eong ebe epukori Edeke nu. Ido nginipak, arai yesi luyangarete atepun kosodete eipup, amuno eong ido amunokina eong ebe-ebe ijaunos yesi kede amisiikin nakomoyo nuka ngun nuajai Edeke etamit aitodoliikin toma Okanisa komam arasakin cut aitebeikin alimun ngin. Ianyu? Erai ibore, icesawan ejai oni alimun iboro tetere epedori aitidisiar, epedori aidupor ice alomar kinga, ice anyoun, ka ice aomoom ngun. Konye iswamao ngun kede alosikinet. Ibusakinit kismwai kwangin.

14 Epedori aticepak araun ebe etemarete ice ebe, "Iwomit kereka ijo ebe epedori Edeke apeleikin aswam ibore kwape kangin?" Abeit cut abu kismwamate kolo. Eroko iswamai da.

Abu kolim apak adiopet, neajaatar kede ilukumin elukunitos Nges, ebala ebe, "Arai mam inyamete Akuan naka Okoku loka Edeke, arai Okoku loka etunganan, ka aimat Akeokot, emamei Aijar kotomaks."

Anyoika tikiwomit ijo eomoom emuron arai anaasit, arai idiotunganan lokacoa kanuikamunitos alimunet kwape kangin, kanuka Etunganan loajaatar aijaanakin kwape kana ajaatar Ngesi? Inyobo, ti etema ebe, "Ainyam akuan? Erai ngol ekanyaman itunga! Aimat aokot nuka etunganan? Erai ekamatan aokot! Kakiro ace, ekoto Ngesi oni araun ikanyamak itunga ka ikamatak aokot nuka itunga." Kosodi esipan kere anyoun kama ejai Ngesi.

15 Ido ajai atukos naka ijaanakinak kede Nges, naka akaisakanykaarei, luasenitai. Kosodi Ngesi aibelokin neejaas ngul, kosodi atemar atiar, "Ipote aomoom anyoika nakianyuniata Okoku loka etunganan edokari toma Akuj nekebunio?" Kwana, mam abu kitacau ngin. Mam abu kitacau ebe eipone ali; Paul nges abu kitacau ngin ekaulo. Abu bon Ngesi kolim Ngin. Ianyu? Ido neabu Ngesi kismwama nu, ebala ebe, "Kilimunete anyoika," neejaa ikejaanakinak lu, "nekianyuniata Okoku loka etunganan edokari kuju nekebunio?"

Komam abunonokin apotu itunga ngul kotemas ebe, "Kwana, ipak edit ber. Oo, oni ainyam Nges. Iloki oni agaria kede Nges. Ijotoi oni kede Nges. Ijeni oni-oni neeurikinitai Nges. Ianyunit oni atuba naerupakinitai Nges-Nges toma. Ido eipone ali Etunganan lo...Erai na alimunet naeninik."

Ido abala Ebaibuli ebe, "Mam apotu kiyatakisi aupa ka Nges." Apotu kojalakis Nges.

16 Kosodi Nges asalakin kede itomon ka luarei luedeuna. Abu Ngesi koseunite itomon ka luarei, ido ediopet kakesi arai ejokit, abala Ngesi. Aso abu Ngesi kibelokin neejaas kesi.

Ido amamei idiotunganan yenapedori aitetemun nualimunit Ngesi. "Eipone ali ilosio oni ainyam Akekuan kasodete aimat Akeokot? Ido eipone ali abu Ngesi kijesunor kwap, neaurunere Ngesi kane kotoma akwap?" Ianyu? Mam apedorete amisiikin Ngin.

Kosodi Ngesi aibelokin neejaas ikiyakia, kosodi atemar atiar, "Yesi da ikotosi alosit?"

Ido nen nges abu ekiyakia Petero kitolomuna alimunet ngin nakapolon, "Ejakait neejai ingai kilosi?" Ianyu? "Naarai isimonikina isio. Ijeni isio cut ejok ebe Ijo, ido Ijo bon, ijaatar Akirot naka Aijar naka esawa kalo." Ianyu? "Ido isimonikina isio kanuka ngun." Itei ijo, mam apedorete aitetemun Ngin. Ngul..

Mam ijo ipedori aitetemun aiyuun. Erai ibore yenicamuni ijo, ido egogong noi ebe emamei icebore yenyangari aiboisit naka ngin.

Kanuka ngun, ajenete kesi ebe Akirot naaponi kiwadikai kanuka atur kangin najarete kesi kotoma, atur naka Mesia, ebe abu Ngesi kibecokin aiboisit ngin cut bec. Ido inyobo apotu ngul kiswamata abongor neejaas ikanisan ngul lualilim, luka einono luapotu kesi kolomunitos kotoma? Ebalas "Aibo kilosi?" Ianyu? "Isinyikokina isio ejok ebe ijaatar Ijo Akirot naka Aijar." Ianyu? Ido mam kes apedorete aitetemun Ngin, konye apotu kiyuutu Ngin. Ianyu?

17 Kosodi Yesu atemar atiar aregakin kwap Aketukos, itei ijo, kiton Nges atukokin Aketukos nepepe. Ido kotoma otunga ngul kere, ngul, itomon ka ludiopet bon kes amisiikinitos Loarai Ngesi. Ajenete ngul ebe arai Ngol Edeke, ido Edeke bon. Kwana, e..

Akakou naka akirot atupuruc na erai apukor, arai, aibelear Edeke ngol.

Abu duc Edeke, kotoma nginitur, kongop kokau naka aimukoret, aturio kere, konye arai duc Ngesi Edeke apak kere. Ianyu? Konye enyikoki angopit kama ejaas akwapin, kosodi apukor neejaas LuseunaKe, kwape bala ikiyakia kapak kangin. Kwana, arai ngol Edeke kinera kotoma Kristo.

Kwana, duc etunganan, erai duc einono loka etunganan, amoot Ngesi aanyun (kakonye) Edeke ngol. Akoto duc ngesi aanyun Ngol. Eswama Edeke isuban luputos bala Nges. Eomoomoete kesi nuka e... Amaete itunga luka India akololong. Ido-ido idumuni oni, kotoma Africa, iponesio luegelegela luka itiang, kaiceda. Ido kalaije...ipirin lukaputosia ko Alaska, ka-ka iponesio luegelegela lueomitos kesi ebe ejai Edeke lo toma. Kwape kinerar Paul kalaije ko Asene kapak kangin, korongat lo Mars, kosodi alimokin kes ebe araas kesi luamamei aijen kanuikamunitos Edeke lo lomam ejena, ebe, ajenete kesi ebe ejai konye kereka komam ejenete Nges.

18 Aso ianyuni oni ebe karaida kokau kiton Yob. Ajeni Yob ebe ajai Edeke. Ajeni ngesi. Ido emamei e-e-etunganan, loecai akou, kidimarai ejeni ebe ejai Icebore nenice. Ido, kwana, akoto Yob ainerakin kede Nges.

Ido akoto eong ijo amisiikin ejautene loabu Edeke kosek ainerakinor ka Yob kotoma. Arapiara Edeke nakenerakinotor ka Yob. Arapiara Ngesi kotoma otapipiro, abu kobu kwap kotoma otapipiro. Yesi iyuuniitos ebe eroko Edeke ebunenei kotoma otapipiro epedori abunore neisesenia ijo? [Kotemari atukos ebe, "Amen,"-Ekewa.]

19 Ejaas luipu iboiete kane, enaaba loepol, luajaas kasio kapak kaya neabu kobunio kotoma otapipiro. Abu kolimokinite isio apaaran eroko, Onac Banks Wood ka ngul, neabu kolimuna, "Kolem amoru na, kocaka kuju apak, kosodi atemar atiar, 'EBALA EJAKAIT KWANATA! Irasakini ijo aanyun ngin arasakin.'" Kasodi eong alemun amoru, kokuju naka emoru, abu acaka ngin kuju apak, kosodi e...ejena, napebonguni kwap abu kitegea etapipiro, ianyu, apedor naka ngin.

Ejai ber ijo aswam icebore kanu aidupor icebore atupakin ngin. Abu Yesu kolem atutubet naka emugaati kosodi abilibil, kosodi aitupuar kama ejai atutubet naka emugaati kangol. Abu kolem akipi, kosodi abukokin opipa. Abu Eliya kolem amunyu kosodi aibwaikin toma amot; kosodi abilun akitoi, kosodi acakakin akipi. Erai icebore yenerai aitupuset.

Kasodi alemun amoru na kasodi acakar kuju apak, ido ebinguni kwap abu kitegea etapipiro.

20 Apak natupakini, inyobo, ajai ejaanakinan kasio kosapaali loka amej. Abwoi ngesi kosiep, kosodi ngol atemar eong atiar, "Einanakini kereka Ejakait aitapoeta kokinga kwana, Onac Branham?"

Abu eong atema atiar, "Eebo, konye abunenenei duc eong kinga lailo aiyengun." Ido kanepekanin kobuni aitapoet.

Kosodi Onac Borders, aomit eong ejai ngesi kinga kwana, ajai ngesi. Onac Banks Wood, aomit eong, ido, oo, luipu ajaas ngina, ikanykauni arai itomon. Ido edarekinit Onac Wood Banks nu. Cut komoru, cut

kakan kaya, cut bec, nepetai atutubet adiopet naka amairo neapotu Imalaikan ikanykaarei kotakanuniata, ebe abu eong anyou kane kanu alosit ngina kanukec, luapotu kobongutu kosodete einer e...nepetai Aipuceta akanykaarei. Nepetai atutubet naka amairo anyoun kanen.

21 Kosodi do apak natupakini, neajaar na elosi ngaren, inyobo, e...abu eong alimok onac, onac lo, eong ebe, "inyobo akonitionis, ijaatar ijo ationis akongukon. Atamata imurok adaun ikar iarei aitobwoun ngin ido mam apedorete aswam ngin. Ebalas ebe ilosi ijo ai...elosi anyamar akonikongu." Kasodi eong atemar, "Konye mam ipodo, acamu Ejakait Yesu akoniyuun." Kosodi ngol acakar akemudu. Kasodi eong atemar, "Totokon," nuarai ngesi ka ibore yenarono kede ngin.

Kosodi ngesi atemar, "Abeit ngin."

22 Onac Roy Roberson kokanisa kane, ejai ne ebwoi, amuno eong yesi kere ijenete nges. Kajenete ebe arai ngesi ekeyengunan, ido ajeni eong nualosete aismamaun, abu edokok akakan okeperike; eong ebe, "Onac Roberson, kocoite, kocoikina, iburit icebore aismamaun."

Abu eong abongo kau neabeit eong ajaut abwoio, ido kotoma apak kobuni etapipiro, kalaije kotoma aditot naka ecilet, kokuju, arai ngol loapol agogong noi kiton neabu kopakununa amor, inches ikanykauni arai itomon toma, kokuju naka emoru, kosodi acakar ngun iyaadin akwataarei awai. Kosodi aretokin irwanauni koipone kangol, kosodi Eporoto alomun kotomake. Ianyu?

Ido ngul kere abwoiete kangina. Abu Onac Banks, loejai ne kwana, konyou kosodi atemar, "Ngun kesi nuabu ijo kolimokite eong bian?"

Eong ebe, "Eebo, ipa, kesi ngun."

Ebala ebe, "Kwana, abala Ngol biai?"

Eong ebe, "Kwana, erai ngin naebeit eong bon aijen, Onac Banks, itei ijo, naarai arai ngin...Ti ngin isiriengu itunga."

23 Konye abu Ngol kolot ngaren, abu kismamaun cut mot...kolosi ewai lokagolitome. Mot, ekaulo naka apaarasia adis abu kodo toma angolol, ido ianyunitos yesi nuapotu kismamaunos ko Fairbanks. Arai aanyunet naka etube. Kwana ianyuni oni ebe-ebe eroko Edeke...Itei ijo, Apedori acakakin itunga toma amaran. Ido kwangin do ajaatar kesi...Ajai ngin aismamaun, itei ijo. Ejai ngin aismamaun, kwape kwangin. Itei ijo, elosi aismamaun, kwape kwangin.

24 Abu Musa kapak adiopet kimielakin aanyun Edeke, kosodi Edeke alimokin nges aibwo kokuju moru. Kosodi, kokuju moru, abu Musa kobwo kosodi aanyun Edeke etubor, ido kosubite Ekepur bala epur loka etunganan. Ajai Edeke toma otapipiro, kosodi Edeke...kwape kabwoio Musa kokuju moru.

Amuno eong yesi kere kianyunito aput ngin kokinga kangina apak kaya, kipou abwoata kosiep naka emoru. Ido ejai Aica ngin ne, Emalaika loka Ejakait, cut kanen neabu Ngol kokut. Abwoi...Ejai cut toma abao naka iyemuto kangina kwana, bobo.

25 Koany, Yawe loka Aitutuket Namojong nges Yesu loka Aitutuket Nakitetet. Ianyu? Ngesi Edeke ngopengol, ijulanakini bon Ngesi Ekejautene.

Kwana, abu ecetunganan kotema kapak kaya, ejaanakinan lo Baptist kalaije ko Tucson ebe, "Eipone ali itemaria ijo ebe-ebe Yesu ka Edeke eraas Etunganan ediopet?"

Abu eong atema ebe, "Eebo, epatana ngin noi kolema bon ijo aoomokon awai, kosodi aoomokon akiro nuka Obaibuli nuikamunitos ngin. Eraas ngul Etungananane elopet. Erai Edeke Emoyo; Yesu nges akuan narapiara Ngesi kotoma. Ianyu? Eong ebe, "Bala kwape kokaleka. Neejai akaberu, arai eong okilenike. Ido kijaar eong akooka nadidi, Rebeka, arai eong papake. Ido kijaar eong etatait, ido erai ekekiror Paul, arai eong kwaruke. Arai eong ekiliokit loaberu, papa, ka kwaru. Ido mam akaberu enyarit eong kwape papa arai kwaru; enyarit bon ngesi eong kwape okilenike. Ido mam akooka enyarit eong kwape okilenike arai kwaru; erai ngesi ikakoku. Ianyu? Konye kereka koraas itunga lu iuni kere etunganan ediopet. Ianyu? Ikoni Edeke nen; Papa, Okoku, ka Emoyo Lokalaunan, erai bon anyaraeta nuka adokena." Erai Edeke nges ngopengol, Edeke ngopengol.

26 Abu Edeke kijulak Akekuan, ijukakini Ejauteneke. Arai kiany ijo kane kama ejaas Ipilipin, abala ebe, "Komam eomit bala kwape namariauna, konye koyanga adoketait naka etunganan."

Kwana, akirot naka Ayonanin kanen kanuka ejautene kangol, abu eong ajai aingic ngin apaaran kere bian, atamite amoun nuarai ngin, abu eong adum, abu eong adum akirot ebe en morphe. Iwadikao kwanata e-n-m-o-r-p-h-e. Aingic kotoma Ayonanin, kanu aanyun nuarai en morphe...aticepak apedori eong alimun ngin erono, konye apolou naalimununia eong anyukutanake, tetere arai kitolomun atepu, epote itunga, epote luesiomitos, ajenun nuapeleikinit eong-nuapeleikinit eong kotoma akirot kangin. Nges, neabu en morphe, akepolou ebe abu Ngesi kijulak ejauteneKe. Nges, abu kobu kwap. Kwana, akirot

naka Ayonanin kanen erai akepolou, ebe, "Ibore yenimam apedorio asesen, konye korai ibore yenejai, kosodete aijulakin tetere akongu epedori aanyun." Inayu?

27 Kwape ajaar Eliya ko Dothan. Itei ijo, mam e-ebulesit loka Edeke apedori asesen aimalaikan ngul luajaas nen, kosodi Edeke aijulakin; mam arai ebe ayangaun Imalaikan kwap, konye abu kijulak asesen naka ebulesit. Ido ajaas imor luka Imalaikan, ka akim, ka asigirian nuka akim, ka agalin nuka akim, irimoritos enabiKe kere. Itei ijo, ngul, abu Ng3esi kijula asesen. Adaunit ibore ngin ajaut sek.

Aso, ngun kes atamit eong alimun, ebe Edeke loajai sek ejai ne. Ibore bon yenabu Ngesi kiswama neabu Ngesi koraunor etunganan, abu kijulak inapen. Ianyu? Ngol-Ngol en morphe lo, abu kijulakin anyoun kanuarai Ngesi kiton nuerai Ngesi kwana, araibo akerapiaret aswamisiot ace.

28 Bala kwape kotoma abolia nakapolon. Kwape abu eong eneritor atupuruc na, asubit bala adolokin nuikamunitos ekewadikan lo loenyaritai Shakespeare. Ayangaiki apak naepol. Konye neabu Shakespeare kiwadika a-a-abolia, e...kanuka Ekabaka James lo England, neabu ngesi...iponesio luka ekabaka lo Scotlang loanyaritai Macbeth. Itei ijo, mam Shakespeare eyuunit nuka ikacudak, aso abeit ngesi aitolomikin ikacudak da toma. Ianyu? Ido kwana, kanu apedor aswam nu, ijulakinete kesi abolia.

Becky na, ko Carmen, apotu kesi koboliata abolia ngin ko-kosomero neabu ngesi kongetakina asioman isabiitin idis kau. Kwana, aticepak apedori idiopetunganan abolia atutuben auni arai aongon. Kanu apedor aswam ngun, abu ngesi-ngesi kijulak ikenapen. Icesawan elomuni ngesi, erai ngesi loka eceptene. Konye erai etunganan ediopet ngopengol apak kere.

29 Ido ikoni Edeke nen. Ijulanakin Ngesi anyoun-anyoun araut Epir loka Akim, kiton araut Etunganan. Kosodi aijulakin kanen, abongor toma Omoyo bobo, tetere epedori aiboi kotoma otunganan. Edeke itodianari nuarai Ngesi obe kotoma otunganan. Yesu Kristo, arai Edeke itodianar kotoma Otunganan, kotoma Otunganan. Kotoma Otunganan, ngun nges Loarai Ngesi. Abu Ngesi kijulakin anyoun araut Epir loka Akim, kosodi do alomun toma; naarai aimukoret kotoma amodingot, nabu kibwa Edeke kama ejai Isirael. Abu Musa koany esubune loka Akakekuan, konye kotoma abeit cut angopit Ngesi apak kere kokau naka Epir kalo loka Akim, loarai Aijar naabuni kama ejai Edeke

Kwana kidumuni oni kane, kwana anyoun ko Pentekosit, mam bobo Edeke iswamai kotoma otunganan, araibo aswam...kwana iswamai kama ejai etunganan. Ianyu? Eswamai Ngesi kotoma Otunganan kapakio kangun, Yesu. Kwana iswamai kama ejai etunganan loesekunit Ngesi kanuka alosikineteKe. Edeke, kotoma ojautene loka etunganan.

30 Abu kobu kotoma okiroria iuni. Abu kobu kotoma Okoku...okiror loka Okoku loka-loka etunganan, Okoku loka Daudi, Okoku loka Edeke; ikiroria iuni luka Okoku.

Kwana, abu kobu nasodit ber kotoma Okoku loka Da-...Okoku loka etunganan, naarai arai Ngesi Enabi. Kwana, Yawe obe abu koworo Esekiel ka inabin kobala ebe, "Okoku loka etunganan, inyobo kiany ijo?" Mam Yesu anyaraikinia kwape Okoku loka Edeke; abu Ngesi konyaraikina kwape Okoku loka etunganan, naarai mam Nuiwadikaere epedorio aibil.

Emamei ibore yenedepedori abilio kotoma Nuiwadikaere. Kanginikirot ekoto korai kwape kwangin. Eipone ngol nges eyuunitor eong ngin. Kwape kwangin nges ebeitor Ngin ajaut, mere naarai ebe eyuunit eong ngin, naarai erai Ngin Akirot naka Edeke.

31 Kwana arai kiany ijo kotoma ageunet, Akirot adiopet, apapula nasodit kotoma Obaibuli, kotoma Ageun 1, ianyuni oni ebe kere...Adekesia kere, aiturur kere, ariebasinei kere nuka etau, ka idiobore kere yeniswamaikinar itunga, abu kobu kanuka itunganan idiopet amamus aiyuun Akirot adiopet, abu koyangau nu kere. Losodit ngol loka Obaibuli. Kotoma neejai lokawasia loka Obaibuli, Apukokinio 22, abu Edeke ngopengol kotema atiar, "Ngin yenelemari Akirot adiopet awai kotoma Na, arai aiyatakin akirot tomaKe." Itei ijo, ibusakinit korai Akirot kede Akirot, koipone kalo ejaar Ngin.

32 Aso, kanuka ngun, ido ijo alemar ibore idio bala kwape kalosio eong...icetunganan duc alosit ngaren abunore neajai eong kanuikamunitos angor aitub ikecetim. Kwana, kaneajai eong, bon ebe iswamai ngesi ngun, mam eong apodo arai ejokuka nuiswamai ngesi biai ido arai itiasi ai nuejeni ngesi, ediakarit ngesi kwape kwangin. Arai enapi ipelei luuriesik ka igoen kwape kangul; mam eong apodo nuiswamai ngesi, kwape kepedoria ngesi awoere, eipone loepedoritor ngesi alimonokin, nuepedori ngesi aswam kere, eipone loka aijar naejari ngesi, eroko erai ebe ebilil Akirot ngin adiopet. Ianyu? Itei ijo, ekoto korai nginikirot. Mere ekokoro ediopet; Akirot, Akirot adiopet! Aso, mam Ebaibuli epedori idiotunganan aijul kanuke bon. Ekoto korai Akirot kede Akirot, koipone kalo iwadikaterere. Ibusakinit oni aiyuun Ngin.

33 Ido mere aiyuun bon, konye aijar Ngin. Arai mam oni ipedori aijar Ngin; akepolou mam do oni iyuunit Ngin; inera do oni einer ebe iyuunit. Bala eong...Apesikinite kau toma nuabu eong alimunit, mam ikiyakia ngul apedorete atetemun Ngin, konye apotu kiyuutu Ngin, kwape kwangin, kosodi aitolomun alimorikec kosodete aijar ngin. Neapotu luce kwi kere konyounatar kama ejai Ngin, apotu ngul kosalakisi kede Ngin! Apotu kiyuutu Ngin! Mamace nuiswamai idiotunganan kere, iyuunit oni Ngin kosodi do kiswamai oni Ngin.

Arai mam ijo iswamai, akepolou mam do ijo iyuunit Ngin.

34 Kwana koany kwana kwape kabunio Ngesi, abu Ngesi kobu kwape Okoku loka etunganan naarai abalar Nakalaunan Naiwadikaere ebe abeit Ngesi abunore, "Abuni Edeke aitonyoikin kes Enabi." Aso mam Nges apedori abunore konyaraikina ebe Okoku loka Edeke, naarai mam arai adoketaiit ngin. Arai Ngesi Okoku loka etunganan edwari, kanu aitodolikin, ka apukokin kes iboro kere luaponi kiswamatete, ido kitupusitos nuarai Ngesi. Kwangin ajai do Ngesi toma akwap kwape Okoku loka etunganan.

35 Koany aberu nako Suropenike nabu koker neejai Ngesi, kosodi atemar, "Ijo Okoku loka Daudi, kitimo eong!" Mam abu karaida akeun Akekou. Amameotor ngin kede apedor anyara Nges ebe Okoku loka Daudi. Arai ngin Amoit.

Kwape emameotor akooka apedor anyara eong ebe okilenike; arai, akaberu kwape akooka. Konye, kereka korai ngesi akooka ka akaberu, erai ngesi akokuka kotoma Oijiri. Konye, kotoma akwap, emameotor ngesi apedori anyara eong ebe papa. Ianyu?

Kwana koany, aberu na naarai Amoit amameotor apedor anyara Nges kwape Okoku loka Daudi. Konye emudik Batimayo ajaatar, itei ijo, arai ngol Eyudayat. Kwana, abu kobu kwape Okoku loka etunganan.

Ebeit ijo ojoni akiro nu ka iboro lu. Koany ber ijo Hattie Wright kapak kangin, apak naka Ariunet Nakiuniet. Yesi iitunitos ngin. Kakere nginibore, abu aberu ngin kolim ibore yenika abeit. Ekoto ijo alimun akirot ngin nakabeit, ibore yenikabeit neejai Edeke.

36 Koany kwana, abu Ngesi kobu ber nasodit kwape Enabi, kosodete aibubu Ngesi. Iketunga obe ebubue Nges. Abu kobu kwape Okoku loka etunganan.

Kosodi do akaulo naka Emoyo Lokalaunan abunore, abu do Ngesi koraun Okoku loka Edeke. Erai Edeke Emoyo. Arai Ngesi Emoyo Lokalaunana, Okoku loka Edeke. Abu kajar kotoma aturio nuka ekanisa kwape Okoku loka Edeke.

Kwana, kotoma Apugan naka ikar Elukumit, ebuni Ngesi araun Okoku loka Daudi, iboie koicolong loka Papake, Daudi. Erai Ngesi Okoku loka Daudi.

Kwana, ido, kiitu, kiding naka Okoku loka Edeke...Kotoma atur naka ekanisa lo Laodikia, aponi kirengearai Nges kinga. Ido kotoma Luka, abala Ngesi ebe aponio apukor Nges bobo kwape Okoku loka etunganan, Enabi, atodolikin nenice kere naka ngin. Ianyu? Eupasi Nuiwadikaere kere nepepe ejok cut noi. Okoku loka etunganan, Okoku loka Edeke, Okoku loka Daudi. Inyobo ngin? Erai Edeke ediopet ngopengol, ijulanakini Ekejautene, en morphe. Ijulakini bon Ngesi ngin. Erai aitodianar nakaumokin kaneejai Ngesi. Ejai ngesi aitodianar.

37 Abu kobu kwape Okoku loka etunganan, Enabi. Abu kiswama ngun cut becebec. Karaida aberu ngin kotoma adiakarike, kalaije katan, abu komisiik Nges. Ebal ebe, "Ijeni ebe ebunit Mesia, loenyaritai Kristo, ngun kes ebuni Ngol aswam." Itei ijo, abu komisiik naarai arai aberu ngin Icofat yenasekunitai sek. Kosodi ngin...

Nemam, luce kere apotu komisiikintar Ngol. Amameotor kesi ibore yenimisiikinet. Ajaas ngul toma adiakar, kageunet ber sek.

38 Naarai, Akeswamisio, ijulanakini Ngesi Ekejautene. Kosodi do Ngesi abunore kotoma ojautene loka Okoku etunganan.

Kanuka atur naka ikesikwarunak, Wesley, Luther, ka ngul kere anatar, aso ianyuni do oni ebe apotu kesi kotukokisi ngin kere nepepe, kwape abu Isirael kiswama, kiton neatakanunia Ngesi kotoma apaarasia nukawasia, kotoma atur naka Pentekosit, kwape Emoyo Lokalaunan, apotu kongeroto Ngol. Apotu kiswamata ibore ngipengin yenabu Isirael kiswamate.

Ido inyobo iswamai Ngesi kwana? Abongun kwape Okoku loka etunganan. Kosodi do, anyoun kanen, Okoku loka Daudi. Itei ijo eipone lokiyapikinitor oni? Okoku loka etunganan, Okoku loka Daudi, Okoku loka Edeke. Epukorio Nges kotoma apaarasia nukakawasia kwape Okoku loka etunganan, kwape ejaar kotoma Malaki 4, adwaranuto nuce kere nuikamunitos esawa lo. Emamei bobo aismamanar kede ekanisa akaulo naka Nges...Apotu kirengeasi Nges kinga; ejai kinga ikungukungi ekek. Eroko ejai Icofat ice yeneseikinitai sek toma ngina. Ejai Nges adolokin ngul.

39 Kosodi Edeke, kotoma otunganan, abu kobukun kere. Yoel 2:28, idumuni oni ebe, abu kotema atiar, "Abukokini, kotoma apaarasia nukawasia, Ekamoyo." Kwana, arai kimisiik ijo akiro ngun kanen, akirot naka Ayonanin. Apedori eong adumunite na erono, konye nabu eong apedo adumun...

Ekoto ijo aingic akiro ngun. Amusugun ecesawa ejaatar apolou irwanaarei. Bala kwape akirot naibala oni ebe "edeke." "Abu Edeke kosub akuj ka akwap," Ageun 1. Konye kwana, kotoma Obaibuli, abala ebe, kotoma ageunet abu Elohim." Kwana, Elohim, enyaritos Amusugun ebe "edeke," konye cut abeit mam

arai...Elohim...Idiobore kere epedori araut edeke, kaneejai akirot ebe edeke; ipedori ijo aitarauun aput edeke, ipedori ijo aitarauun apiano ngin edeke; ipedori ijo aitarauun idiobore kere edeke.

Konye mam ngin erai akirot Elohim; erai Ngin akepolou ebe, "Loejai kanuke bon." Ianyu? Mam apiano ngin epedori ajaut kanuke bon, emamei icebore yenepedori ajaut kanuke bon. Aso, akirot ebe Elohim, erai akepolou, "Ngol loajai duc." Edeke epedori korai idiobore. Kosesen atiaketait kotoma akirot kangin? [Kotemari atukos ebe, "Amen."-Ekewa.]

40 Kwana, neabalar Ngin kane ebe abu Ngol kobukun, araibo abukokin, kwana, ti oni iomoom kwanata, ebe abu Ngesi "kolek kinga," akirot naka Amusugun kanuka abukor, araibo abukon kama ejai Ngesi, itei ijo, abu icebore kolom kinga kama ejai Ngesi yenetegelikina kama ejai Ngesi. Konye akirot ebe kenos kotoma Ayonani, mam erai akepolou ebe abu Ngesi "kolek kinga," araibo abu ace... Abu Akekan kobilar, araibo ebe abu Akekongu konyou, neejai icetunganan.

Erai ngin ebe, abu kijulak ejauteneKe, Nges "abu kobukok Akeijar toma," (Amen!), toma onapen ice, toma ojautenece. Mere ebe ecetunganan abu konyou kinga kamaKeng, loanyaritari Emoyo Lokalaunan, konye arai Ngesi cut elopet. Ianyu ijo ngin? [Kotemari atukos ebe, "Amen."-Ekewa.] Ngesi elopet nges abu kobukok Akeijar toma otunga. "Kristo kotomakon!" Eipone lobusiar, eipone loeumokinar, aomoom ebe, Edeke abukokin Akeijar toma otunganan, neejai ikeyuunan. "Abukun!" Arai atutubet naka aitodianariKe, aswam kwangin.

Edeke, aileleba kere, Edekeone kere kotoma akuan ajai toma Otunganan lo, Yesu Kristo. Arai Ngesi Edeke, ido Edeke bon. Mere etunganan lokiuniet arai etunganan lokiareit, araibo etunganan losodit; konye Etunganan, Edeke erapiara kotoma akuan naka etunganan.

41 Timoteo Losodit 3:16, "Komam abunokin epol aiyeiyea naka ayongit Edeke; naarai E-d-e-k-e, Elohim," E-d-e-k-e kede anyukutan nukapolok kotoma Obaibuli. Kinyaka ber ijo ngin kau, idiotunganan. Erai akepolou, kotoma ageunet, abala ebe, "Elohim." Kotoma ageunet, Elohim." Ianyu? "Ido, Elohim, komam abunokin epol aiyeiyea naka ayongit Elohim; naarai abu Elohim koraun akuan, katirosi da Nges." Elohim, erapiara kotoma akaun! Yawe lokapolon loarapiarit akwap kere, apak, ka nginibore kere, aponi kitaraunai Ngol etunganan. Kipou atirosi Nges, Elohim. "Kageunet, Elohim. Ido abu Elohim koraun akuan, kiboiororoi kakidingosiwok."

42 Inyobo? Ekeipone lo, atutubet naka Aketodianar. Ngol nges eipone loitolomunia Ngesi ngin, eiponeKe loka apukor mamawok kwape ecetunganan loitegelikina. Irai oni luitwaki. Ijeni bon oni kwape luitwaki. Ijeni bon oni kwape einakina oni aijenewok ajenun, ido nuce kere ebeit oni acamun kanuka aiyuun. Ejai oni alimun ebe ejai Edeke; arai kiseseni oni Nges, arai mam, iyuunit oni ngin, kwape kwangin. Ianyu? Arai ejai arai mam, isalakini oni iyuunit ngin naarai abala Edeke kwangin.

43 Bala kwape Aburaam, mam apedori asesen ikoku ngin, amameete aanyuneta, amamei apotu naka-naka Sara, amamei karaida adek naka angor naka nginilap arai idiobore, konye kereka kolimunit Edeke kwangin. Amun kere, karaida ake-akekoik atwanit, ido akeijar kotomake adauna, aleles da naka ajarake adaunit aonikin, ido adaunit ajar naka ngin-ngin aonikin kotomake. "Ido kereka mam abu kiriangiriangaikin kanuka aisumunet naka Edeke kotoma amamus aiyuun, konye kogogongor, kimalai, kojoni ebe apedori Edeke aswam idiobore yenebala Ngesi ebe abuni aswam."

Ngol nges eipone loebeitor oni aiyuun Akirot ngin lolo. Elosi ajaun biai? Mam eong ajeni. Abala Edeke ebe elosi ajaun koipone kangol, ido kodaun kwangin.

44 Ingaibo erai Etunganan lokapolon lomam etakani? Ingaibo lo loaseseni Aburaam kotoma atapoeta? Cut kotoma awasia, abu, kitodiar kotoma akuan eroko okoku ebuno. Edeke elopet Nges abu kobu neejai Aburaam kotoma ojautene loka etunganan, kotoma apak nakawasia. Kitodiaritari! Abu koany Ngol kotoma Aica apak adiofet; abu koany Ngol kotoma aitapoeta; abu kopup Eporotoke; apukonokineta nuihu. Konye naperoko okoku loesumunikitari ebuno, abu ngesi koany Ngol kotoma ojautene loka etunganan, kosodi ainerakin kede Ngol, kosodi aityanyam Nges akiring ka aitamat. Ianyu? Koany, Edeke elopet erapiara kotoma akuan naka etunganan.

45 Erai na atutubet naka Ekeipone. Lo nges eipone loitudunor Ngesi mamawok, itodiari Akirot Namam Edaun, Edeke, Yawe eraun akuan. Bala kwape kotoma Yokana Eijiri 1, "Kageunet ajai Akirot, kojai Akirot mama ejai Edeke, ido ko...Kageunet ajai Elohim, kojai Elohim nee...koraun Akirot, korai Akirot Elohim. Koraun Akirot Elohim." Ianyu? Erai ibore idiopet ngipengin, ejai apukonor.

Bala kwape eipitene, itei ijo, ejai toma naka Edeke. Eipitene nges aomisioitikon. Abu Edeke kageunet, Lomam Edaun, mam ber Nges arai Edeke da. Arai Ngesi Lomam Edaun. Mam ber Nges arai Edeke da; erai Edeke "ibore yenemaio," arai icebore. Ianyu? Aso mam Nges arai ngol da. Arai Ngesi Elohim, Lomam Edaun. Konye tomaKe ajaas aomisio. Akoto Ngesi araun ibore. Ido inyobo abu Ngesu kiswama? Kosodi Ngesi alimun Akirot, kosodi Akirot araun ibore. Ngin nges aput kere, anyoun Ageun kiton Apuukokinio. Emamei ibote yenerono. Erai Elohim ejai aismaaun tetere Ngesi epedorio atiror, apupu aitirorio. Ido

kotoma Apugan naka ikar Elukumit, Elohim ngol ejai ngin iboie Oicolong, itei ijo, edolit ngin, kede iketunga kere kosiepiKe, luabu Ngesi kosekunte sek eroko epesikina apetetait naka akwap.

46 Bala kwape etunganan loejai adukun arai loejai aiswamaun ababairet, ekejean. Ejai kanginidongot a r u o k i t e g e l i k i n a k a n e e j a i l o c e . I b o r o l u e s u b e r e ngupengul.....

Eipone ngol nges abu Edeke kiswama. Abu Ngesi kijulak idiopet kiton neejai yenice, kiton ngin kiton neejai yii, yen kiton kiton neejai ngin, kiton neabu kodumuna cut bec ibore yenakoto Ngesi. Kwangin nges abu Ngesi kobunio kwap. Abu Edeke kopukor kotoma Opir loka Akim kotoma onabin, kosodi toma Okoku loka Edeke, lo da, arai Ngol Edeke. Itei ijo, erai Edeke ngopengol ejai alomun cut becebec, anyoun aitekoro kiton aitekoro, anyoun aibuses kiton aibuses. Kwangin nges elosio Ekanisa.

47 Koany, anatar aturio, eipone ediopet ngopengol, kotoma onabiniKe, apukor Ngesi. Mam ngul cut bec araas inabin, araas kesi idekesio. Abala Ngesi kwangin. Naarai nueneras ngul arai Akirot naka Edeke. Araas kesi awat nuabu Edeke kiboie kotoma. Araas ngul idekesio. Abu Yesu elopet cut kobala ebe, "Kanukiinyo kitoroniata Eong neabalar ebe erai Eong Okoku loka Edeke, ido kobalas ikisilakus obe ebe ngul lukebuni Akirot naka Edeke mamakec ebe eraas idekesio?" Ianyu?

Aso arai Edeke iswamaunia kotoma otunganan loanyaritai enabi. Ianyu? Ido abuni Akirot naka Edeke neejai etunganan lo, aso mam arai enabi; arai enabi aimukoret, konye Akirot arai Edeke. Mam akirot naka etunganan epedori aswam kwangin. Kiany ijo nuapeleikinit eong? Mam epedori aswam koipone kangol. Konye arai Edeke. Itei ijo, arai Ngesi Akirot naka Edeke kotoma ojautene loka etunganan, loanyaritai ebe "etunganan."

Koany, mam Nges abu ijulak Ekesubune, bon Ekejautene Iburanian 13:8, ebala, "Erai Ngesi ngopengol bian, lolo, ka ikar kere." Aso mam Nges abu ijulak Ekesubune neabunio. Erai duc Ngesi Enabi ngopengol, anatar aturio kere, ibore idiopet ngipengin: Akirot, Akirot, Akirot, Akirot. Ianyu? Mam Nges epedori aijulakin Ekesubune, konye abu ijulak Ekejautene. Iburanian 13:8, ebala, "Nges ngopengol bian, lolo, ka ikar kere." Abu bon Ngesi kijulak ikenapen.

48 Kwape abu eong ejulakinor anyoun araut ekiliokit loka eberu, neaurunere ikakoku, araun do eong papa. Neaurunere itataitika, araun eong kwaru. Ianyu? Konye mam eong ejulakina; eroko-eroko erai eong ngopengol. Ianyu? (Ido ikoni Edeke nen.) Abu bon eong ejulak aka...Itei ijo, ibusakininit ngin kijulak ejautenekon. Ianyu?

Koany. Ido esube ijulakini ngin cut anyoun araut ikoku kiton araut etunganan loka okidingkiding, kiton araun etunganan loemojongit. Ido ikoni nen, itei ijo, ijulakini bon ijo ejautenekon.

Kwana, mam ijo ipedori alimun ekesa ngol lodidi loabwoi kokuju kane, ikar itomon ka lukanykape lukapolou, atema ebe arai ngesi kwaru. Mam apedori araut. Ejai ekejautene aijualakinio. Ikar idis ijulakin ngin, kosodi do ngesi araun kwaru. Itei ijo nuapeleikinit?

Konye erai Etungana ngopengol apak kere, Etunganan ngopengol, Edeke apak kere. Koipone kalo nges epukoror Ngesi neejaas Iketunga, kotoma aswam nu. Koany, anatar atur naka Epir loka Akim, abu Ngesi kopukokin neejaas Iketunga. Kotoma atur naka Emoyo Lokalaunan, kwape Okoku loka Edeke. Okoku loka Daudi...Epukor duc Ngesi koipone kangol neejaas Iketunga, ainakin itunga ajenun Nges. Erapiara Ngesi kokua naka icebore, koany, kopoine kangopekangol, arai esubune ngopengol, nginipak kere.

49 Edeke erapiara kotoma Yesu, kanu aswam aswam naka alakunio komusalaba. Mam Edeke apedori atwanare, kwape Emoyo. Erai Ngol Lomam Edaun. Konye ajai Ngesi anapakin aimukoret kosodi aswam ewai loka atwanare. Abu kotwana, konye mam apedori- aswam ngun kotoma ojauteneKe loka araut Edeke. Ajai Nges aswam ngun kotoma ojautene loka Okoku, kwape Okoku loka etunganan, kotoma akwap. Ianyu? Ajai Nges ajaun ojautene loka Okoku. Kosodi nakebungunia ko Pentekosit, arai Okoku loka Edeke bobo. Itei ijo nuapeleikinit eong? Arai ngesi...

50 Ajai do Nges abunore alomar toma akuan naka etunaganan, kanu...ido komamei idiotunganan, komamei eimiel loka aelo. Naarai itogogongoori bobo ngin alimunetewok naka aur naka emun, itei ijo, "aelo," aelo cut alopet. Mere araito naka apple; aelo! Edolit ngin. Ajai araut ngin. Koany kane, itei ijo, kanuka etunganan edio lokajokan...Kosesen ber ijo inabin ngul kokau kangina, konye akoto Nges korai loadeparit enabi. Ianyu? Tetere iswamai ngun, akoto Nges kobunite kotoma aurio kama ejai abekot, aitodun ebe aurunio kama ejai abekot etogogongoorit ebe...Ajai Nges aurunio aurio naka abekot, kanu alemar ekenit awai, ekia loka Ekato. Itei ijo nuapeleikinit eong? Aso akoto korai aelo. Abu Ngesi kitogogong ngin kotoma abunoreKe alopet; mam abu kobu kotoma oimiel loka aelo, konye kotoma aurio naka abekot. Kosodi aijulakin aimukoreteKe anyoun araut Yawe kiton Yesu, tetere iswamai aswam naka alakun kotoma aitodiaret najai Ngesi aswamaun, kotoma naka Edeke komusalaba.

51 Epudas Iyonanin aanyun Nges. Kotoma Yokana Eijiri 12:20, luipu kotoma kayesi apotu kopuputu eong alimonokini kotoma alimunet kangin, "Ijako ikoto isio aanyun Yesu." Ijo imisiikinit ngun?

Kwana, araas Iyonanin itunga luesisiatos, araas itunga lukaumokin. Ido ajaatar a-ajaatar e-eipud loapol noi kanuka Edeke, kwape alimonokina Paul kes korongat lo Areopago. Ido araas kesi, engarenikitos kesi-engarenikitos kesi akwap kotoma science ka-ka asioman, araas kesi itunga lukapolok. Konye amaete kesi ido kiyuunitos italesio ido kwangin, itaabon luinomitai aputosia ka aputosia nukapaar, kaceda.

Konye apotu kesi-kesi-kesi komwakutu kanuikamunitos Etunganan lo Loapedori aitangal lukadekak ido apedori aidwar iboro lueswamaunos, kiton acunyakinet. Kosodete kesi ariengun, tetere eanyunete Nges. Kwana, kopupok ejok kwana, sirikitwania na. Ianyu? Kosodete aponere ka alimokin Pilip, loarai loko Betesiada ebe, "Ejakait, ikoto isio aanyun Yesu." Kosodi Pilip kede ekesisian ece ayangaun nges kiton neejai Yesu, aanyun Yesu.

Kwana kopupok akiro akulepek nuabu Yesu inyakak ngul, naarai aponitos kesi aanyun Nges. Apotu kesi koanyutu ejautene, konye ajai Ngesi oyekaluKe. Ajai Edeke toma oyekaluKe, erapiara kotoma akuan naka etunganan. Kopupok akiro nuabu Ngesi kolim, "Dimikito edo icokat yenika akimait alupok, itei ijo, ido ebeit nges kotubor kotoma akwap kana. Ido kidimikito kedolu esawa lo, mam ijo ibuni apedor aanyun Ngin." Ianyu?

52 Kane, inyobo mam keesapedoriata aanyun Nges arai kanuka arapoiaret. Arapiara Edeke. Akotosi Iyonanin Edeke, ido ajai Ngesi ne, konye mam kes apedorete aanyun Nges kanuka aimukoret. Ido erai ibore ngipengin lolo, mam kes epedorete aanyun Nges kanuka aimukoret. Ejai toma oreetinikec. Arapiaritai Iyonanin, araibo ebe arapiara Yesu kama ejaas Iyonanin lu.

Koany, abu koyema kes atiar, "Dimikito kedo icokat yen yenika akimait toma alupok, esalakini bon."

Ngul, mam apedorete amisiikin eipone loabeitor, inyobo araar ebe mam kes apedorete aanyun Nges. Abwoi kanen etunganan. Aponitos kesi aanyun Edeke, ido apotu kesi koanyutu etunganan. Ianyu? Mam apedorete aanyun Edeke naarai arapiara Edeke kotoma otunganan. Apedorete atemar atiar, "Emamei etunganan loepedori aswam aswamisisio nu kidimikito arai erai Edeke. Emamei etunganan loepedori aswam ngin, ido eipone ali etunganan lo ebwoi kane ido kereka aswamisisio nuka Edeke kes itodiara kotomaKe!" Itei ijo, mam apedorete amisiikin ebe arapiara Edeke.

53 Erapiara Ngesi kotoma otunganan, kwape duc arapiarar. Konye, arapiara Ngesi neejaas ngul, ajai Ngesi toma oyekaluKe loka etunganan. Ajai Edeke toma oyekalu loka etunganan. Kwana, kocoite noi, kwana erai Nges ngopengol bian lolo ka ikar kere. Ianyu? Edeke erapiara, engopit kama ejai akwap, erapiara kotoma otunganan. Ianyu? Arai lo Edeke! Iyonanin ngul lubalas ebe, "Ikoto isio aanyun Nges."

Kosodi Yesu atemar atiar, "Ejai ecokat loka akimait adoere kwap kosodi atwanare." Ekoto ij atwanare neejaas aomisiokon kere. Ekoto ijo alomun kinga naka aomisiokon elopet.

Bala kwape ikiyakia kangul, mam kes apedorete aitetemun nuekamnito ainyam Akekuan ka-ka aimat Akeokot, konye, itei ijo, adaunitos ngul atwakare neejaas iboro ngul. Atwakito kesi neejai Ainapetai, atwakito kesi neejai Kristo. Mamace nuerai ngin, araibo etia ai aipikorio nasubit bala ajaatar Ngesi, eyuunitos kesi Ngin kwape kwangin. Ianyu? Asesenete kesi kotoma Otunganan kangol; Etunganan loanyami, loamasi, loaloki agaria, loajotoi nginibore kere, aurunitai kane kotoma akwap, kosodi aup kakes, einer kakes, konapite igoen kwape kakesi kere, konye arai ngol Edeke.

54 Aso mam Iyonanin apedorete aanyun Nges, naarai arapiara Ngesi kamakec, kotoma otunganan. Koany Akekirot neejaas ngul, "Arai mam ecokat loka akimat edoi alupok."

Edeke erapiara kotoma ojautene loka etunganan, abu kongop kama ejai asesenekec. Apedorete bon kesi asesen etunganan. Konye ngul luasekikinitai sek apotu loanyutu Edeke. Abu ediopet koany etunganan, loce je abu koany Edeke. Ianyu? Ido arai Edeke erapiara kotoma otunganan, aitarau kes iarei kere kwape luedolito, konye eraun akoniyuun neejai ibore ngin yenimam ijo iseseni. Iyuuni ijo ngin, kwape kwangin. Edeke erapiara kotoma otunganan. Ajai Ngesi toma akuan ngin, ido akuan ngin nges arai Akerapiaret. Mam aigalisit acilitai, itei ijo, tetere Edeke itodiar.

55 Kotoma Aitutuket Namojong, angopit Edeke neajaar toma oicolongoKe loka aitim; toma oicolong loka aitim, kede aigalisit. Kotoma Aitutuket Namojong, ajai Edeke toma oyekaluKe. Konye apote itunga toma kosodete aima koipone kalo, konye, kiitu, ajai aigalisit (amen) naarapiarit Edeke. Ajenete kesi ebe ajai Edeke. Mam apedorete asesen Nges. Mam Epir loka Akim abu kiyatak atakanun bobo kangina. Ijo abu komisiik? Emamei karaida apak adiopet kotoma Naiwadikaere, anyoun kapak nabu Epir ngol kobongoria kau naka aigalisit, ebe mam abu kotakan bobo, kiton neabunio kotoma Yesu Kristo. Erapiara Edeke!

Neabu kobwoio kotoma akwap abu kotema atiar, "Abunit Eong kama ejai Edeke ido alosi mama ejai Edeke."

Kosodi do Paul, (akaulo naka atwanareKe, anukio, ka ajarun), korotoke alosit Damasiko, ajai Epir ngol loka Akim bobo. Inyobo arai Ngin? Alomunit kokau naka aigalisit! Aibuses kojai neejai Edeke!

56 Ajai Ngesi kau naka aigalisit. Kwana ajai Ngesi kau naka inyo? Aigalisit naka emukule. Itei ijo, "imukulen luka itunga," kau naka aigalisit. Ido neacilere aigalisit kotoma apaaran naka aibubuo, aigalisit naarapiaritari Nges kotoma aponi kocilai kotoma apak kangin naka abubuo, abu eicolong kere loka aitim kosodi kideleleu.

Kwana, mam Iyudayan apedorete amisiikin eipone loaraar ebe apedori Edeke ajaun kede aitim neejaas ikadiakanarak, itunga lukarokok kwape kaoni. Konye mam apedorete asesen Lo loajai ainakin aitim, naarai ebwaa Ngesi. Ajai Ngesi kau naka eicolong loka aitim, kotoma, kede imukulen luka itunga ikajas, erapiaritos Nges. Naperoko...

57 Sek ber, arai elomu idiotungan toma kokau naka aigalisit kangin, arai atwanare nakatipet. Amen. Oo, Ilosi oni adumun nusiauna kane kotoma adakikat, itei ijo, arai ipedorete yesi-ipedorete yesi aijaun Ngin. Alosit kokau naka imukulen kangul...Karaida ediopet kotoma odwe luka isasedotin abu kotam aswam ngun apak adiopet, kosodi atwanare. "Mam ilosi kau naka aigalisit kangin." Etunganan loalosi kau... Inyobo amamei ber alakunio, kotoma ngun. Arai aitupuset. Arai atupuset. Ido ibore yenerai aitupuset mam erai ibore obe ber, itei ijo, arai bon ber aitupuset. Arai alakunio...Arapitai adiakar, mere aijal... atemasi, alemar. Alemar erai ekepolou, "aijal ka abwaikin awai." Ido kwangin aokot nuka amerekekin ka akinei mam apedorete aswam ngun, aso arapiara Yawe kotoma agalisit. Kwana, kokau cut naka aigalisit naarapiaritari Ngesi, alomar toma ngin, abu etunganan kodo kiton atwanare, kanu aitam alomar tomaKe.

58 Konye kageun ko Pentekosit, ageun kapak naka Aibubuo, neacilere aigalisit ageun kokuju kiton kwap, kanuka atur kangin...Yesu nges arai Edeke ngol, loarapiara. Ido neabu kotwania ko Kalvari, abu Edeke kijuk akim ka ekipie, kosodi aicil aigalisit ngin ageun kokuju kiton kwap, abu eicolong ngol kere loka aitim kideleleu. Konye amudukaka kesi noi ebe mam apedorete aanyun Ngol. Kwape kabalar Musa kane, karaida, arai... Abala Paul, esiomi nuka Musa, ebe, "Nakesiomenenere Musa, ber, eroko aimukoret epesikinana toma otuonokec." Oo, onac, inac, ngun kes apotu Iyudayan kiswamata neacilere aigalisit kosodete aisideleleun Edeke, ikaja omusalaba. Ajai Ngesi idelelei, konye mam ngul apedorete aanyun Ngin.

59 Epedori kereak korai ebe erapiara Imo da kama ejai ibore ngipengin? Wu Edeke! Kojauna kesi kede aturio nuka ekanisa, nuka Okoku loka Edeke; konye do kwana nakeraar aimukoret naka idiinin kalu ka iboro, aimukoret na naka einono loijaatar oni ageun ko Pentekosit, neacilere einono loka ekanisa, iboro luineras itunga ebe, "Atuburos apaarasia nuka nukaumokin, ka iboro lu," ido alema Edeke aimukoret awai kotoma Ngol, kosodi ayangaun Ngol toma aidelel, ido ekapakina kesi aibubu Ngol bobo, becebec cut koipone kangopekangol.

60 Edeke loepukoritai, idelelei, ebusakinit ti kes koanyunitos Nges ebwoi kangina. Konye kereka edelelei ngesi noi, arai Ngesi etunganan loka nginiduc. Mam apedorete aanyun Ngol. Itei ijo, abwoi etunganan kanen. "Eebo," apotu kotemas, "ekesa lo, osomero bo ali elomunitor Ngesi nakecumia akwara ngin Akekuan, abu Emoyo ngol kojai Nges, eyekalu... aponi kirokinai arwatatin nuka asubanasia kwap, kosodi ekipie kitor toma oyekalu kosodi aicil aimukoret. Inyobo ngin? Ajai ekecedeke nen eikaja ko Kalvari, ido amuduka kesi kanu aanyun ngin.

Abu kideleleu Nges, ido mam kes eanyunete Ngol kwape kwangin! Emudukaka kesi. Edeke, erapiara kotoma otunganan!

61 Kiitutu, abu do Ngesi kobong neejai Paul akaulo kangun, kosodi kanu aibwaikin Petero toma aenis, kwape Epir loka Akim. Kiitunitos yesi ngun? [Kotemari atukos ebe, "Amen."-Ekewa.]

Konye kotoma apaarasia nukawasia ebeit Nges abongun bobo kanu aitodiar Okoku loka etunganan, itei ijo, kanu aitodiar Akirot, Aica. Inonosio, aponi, eponio apiar awai. Emamei ibore yenebuni aitokokol Ngol; elosio aswam, kwape kwangin. Abu Edeke kobilak idiinin ngul ka inonosio kwap.

Eipone Emoyo enyoin ebuni Ngesi aswam kede ngin? Kwape abu Ngesi kiswama kotoma ageunet. Kosesen nuabu Ngesi kiswama kotoma apaarasia nuka Eliya, kotoma apaarasia nuka Yokana. "Mam kereka iomoomoete kanukus ebe, 'ejai yesi Aburaam papakus,' naarai epedori Edeke aitonyoikin Aburaam idwe kotoma amor kanu." Ianyu? Mam kereka iomoomoete ebe, "Naarai, arai eong loalomunit kane ido arai eong loalomunit kangina." Ianyu? Edeke ecilari aimukoret, itei ijo, kanu aitodun Loerai Ngesi. Itei ijo, kosesen aimukoret naecilar kane kwana, ianyuni oni kwana.

62 Kwana, ido apak adiopet, arai eloma etunganan toma aimukoret ngin, arai atwanare katipet. Kwana erai atwanare araim mama ijo itori ilomari tomake! Amen. Arai mam ijo ipedori aicil aimukoret ngin naka einono, kolom da kotoma arwatat kangin naka ediini, kanu aanyun Edeke kotoma Apedorike, erai atwanare. Sek ber nearaar atwanare alomar toma, kwana erai atwanare aiboi kokinga. Eicolong kere loka Aitim iboie kotoma aiboisit naidedelei, idiotunganan kere epedori aanyun Ngol, acili aigalisit. Aibuses kojai neejai Edeke! Eicolong kere loka Aitim edolokini toma aideleleun.

63 Eipone loapedoria Edeke ajaun kede aitim neejai ikadiakanarak lukaronok kwape kaoni, neabu

korapiaror, arai aiyeiyea. Ido kwana idelelei Ngol, araibo toma aidelel, epukoritai kede Akekirot. Erai duc Akirot, kainyikokinit, ngol nges Edeke. Erai Akirot naepukoro. Korai kojenuitos itunga ngul Akirot naka Edeke kapaka kangin nabu Yesu kotwania, ti kes eanyunito Eicolong loka Aitim, ti eanyunitos Loarai Ngesi.

“Arai bo ingai Ngol kapakio kangun? Inyobo ainakini aimukoret ecila?” Kiitu, arai atwsnare alomar toma naka Ngin. Amamei itunganan yenapedori aanyun Ngol. Abu Musa kkoany Ngol kotoma ojautene ece. Arai etapipi...arai e-epur loka Etunganan. Eebo, ikoni neta, epur loeyii, Etunganan ngopengol! Arai bo inyo Ngin? Akoto Edeke aitodikin kes Eicolong loka Aitim. Akoto aitodikin kes Loarai Ngesi. Aso aimukoret naajai oyekalu, kama ejai akan naka Edeke, lokuju, aponi kocilai anyoun kokuju kiton kwap, kosodi aisideleleun Edeke cut. AraiYesu Kristo Ikaja omusalaba, Eicolong loka Aitim. Ido inyobo ngin? Amudakaka itunga noi ebe mam apedoerete aanyun Ngo.

64 Kwana enyogoikin bobo, ikecenonosio! Eipone, loabu, apakio kangun, kapak nako Pentekosit, abu Akirot kobu ido arai kotoma ojautene loka “Okoku loka Edeke.” Kosodete kesi ageun aitarauun ngin erionget ko Nicaea, Rome. Ido ibore yenisodit, kolosete neejaas luka Methodist, Baptist, Presbyterian, Pentekosit, kaiceda. Erai erionget loka einono kiton neemamm itunganan ejenia neebwoio.

Konye kojai aibuses neejai Edeke, abu kisumunikite kotoma apaarasia nukawasia inyobo abuni Ngesi aswam. Abuni aitodun Akekirot kotoma aidelel, kopukoro neijai oni bobo, itei ijo, apukor Ngin.

Korai kijenuitos Akirot, tikejenuitos Loarai Yesu. Korai kojoni itunganan Akirot naka Edeke, ti ejeni apak naijaria oni ka nuejaas alosit Ngaren. Engerete kesi ainger apupokin Akirot ngin. Ikecenonosio! Inyobo abu idupo Iyadayan ngul aanyun ngun? Inyobo? Asubit bala ti kes cut eanyunito, konye aponi kocilarai ngin cut idelelei. Aponi kocilarai kanuka alosikinet.

65 Inyobo ejaar aisikwarunio na alosit ngaren kwana? Eipone ali epedoria akerianar? Eipone ali epedoria araut loisirerengitai? Mam eong apodo arai ejaatar aitupuseta amwaasi ai, arai idiobore kere, mam ngin... Nealosio Musa, ajai esipan loenyalinyala loabu kouparos kanges. Konye kanukiinyo iswamaere ngin? Erai Yawe elopet ejai alemar aimukoret naka Edeke awai, kanu aitodun atiaketait kiding adolit ka aronis. Naerai luka Methodist, Baptist, Presbyterian, arai ingaibo edolit? Akirot naka Edeke nges edolit! “Koraun Alkirot naka nginitunganan aingal, konye naKang Abeit.” Mam Edeke ipuda ekejulan. Ijuli Ngesi elopet. Itodiari Ngesi Ngin, ido e-...einakini aijulunet. Ejai Edeke apukor. Oo, ikatunga! Cut kakidigotowok, iseseni oni Akekan nakaumokin inera aboro lu, iswamai da iboro lu.

Kijaar icebore kotoma ngun atibong na, itei ijo, nuka eipone loka angicakinit akan naka Edeke, nuiswamai Ngin, eipone loepukoror alopel. Ianyu?

Ido ebalas itunga ebe, “Oo, emamei ibore kanen. Erai ngin aikerepikinit ejai nen. Emamei ibore kanejaas Ngun. Emamei ibore kanen. Erai Ngol Ebelesebul. Erai ngin ajokit. Erai ngol ekadwaran. Erai ngin nu.” Itei ijo, ibore ngipengin yenapotu kwi kinerata kanuikamunito Nges.

66 Wu ekanisa, ido arai keloma etepu na kinga, mam yesi isesenete, ijaanakinak luka Eijiri, neijariata yesi? Mam kereka yesi ipedorete aanyun esawa loijai oni toma? Edeke itodiar elopet, asipokin osiep... Koany, abu koleam aimukoret ngin naka oyekalu kosodi acilicilaar, tetere eanyunete Edeke etakani idelelei, ido amudukaka kesi noi kanu aanyun Ngin. Ido eswama Ngesi ibore ngipengin lolo, aibwaikin Akekirot cut ngaren, nuabu Ngesi kisumunikinite. Kanginisumunet kotoma Akirot, eperi cut koingarenwok idelelei!

Ijenete yesi nuiswamai ekanisa loka Imo? Ibore ngipengin yenabu ekanisa loka Iyudayan kiswamata, amudukaka noi mam apedorete aanyun Ngin. Odaun. Ebuni ajaun otauonokec kwape ajaar kotoma apak ngin.

67 Koany, erai atwanare, asalakin kinga kama ejai Ngin kwana. Ekoto ijo alomar toma naka Ngin kotoma aimukoret kana, arai mam mam do ijo ibuni. Eipone loapedoria Edeke ajaun kede aitim neejaas ngul, konye kiitu nuarai ngin, ebe ejai Edeke aitodiar nuajaas kau naka aimukoret. Koany nuajaas kau naka naka aimukoret, Akirot! Inyobo arapiarit ngin? Akirot! Arai bodo ngin inyo? Erai ataker. Arai Akirot nges abu aimukoret ngin korapiarite. Ianyu? Ido arai Yesu nges Akirot ngin, ido erai Ngesi Akirot ngin, ido aimukoret naka Akekuan nges arapiarit Ngol.

Ido lolo erapiarit aimukoret naka einono Akirot bobo, kobala ebe, “Mam ngin erai kwangin.” Konye erai Ngin kwangin! Kitejeni Edeke nuka Ngin, aipelun elopet bon kinga kocai noi kwape akolong, koingaren naka nginitunganan, ido ekurwokini kes aanyun Ngin. Edeke kitimoi isio.

68 Kotoma aituput, Musa ebuni Akonyen nuka Edeke, kede Akirot naka Edeke kanuka atur kangin. Kwana koany, ijai kwana oni toma Anyoun 19. Mam itwaniari ngin kwana. Anyoun 19, ajai Musa abunore kotoma Akonyen nuka Edeke, arai 20 ka 21, 19:20 ka 21. Abuni Musa Akonyen nuka Edeke. Ajai Ngesi toma Akirot naka Edeke. Ewadikai Akirot. Ido ngesi, Kakonyen nuka Edeke, kede Akirot, ajaatar ngesi Akirot naka atur. Ejai Akirot kanuka nginitur. Ido abu Musa kolom, kocai ekereet kwangin! Ianyu? Ajai Akirot tomake, kokapakina aitodiario, ainakinio neejaas itunga.

Akirot naka Abeit, Edeke abu kiwadikate Ngin, ido ajai Ngin kede Musa. Koany, ajai Ngin ka Musa ido akapakina aitodiario. Arai ngesi Akirot neejaas ngul, arai ngesi Akirot nakajaran, erapiaritari. Abu korapiar elopet, ajai Musa aibwaikin aimukoret koreeteke elopet. Inyobo? Arai Ngesi Akirot ngin. Amen. Kiton naketejenunere Akirot ngin, ajai Musa aimukor elopet. Amen!

Ianyutu yesi Ngin? Neejai Akirot kere, erapiara Ngin.

69 Ajaatar Musa Akirot. Kwana kiitu, akaulo naetodiarere Akirot, abu Musa koraun Musa bobo. Ianyu? Konye nakejaar Akirot ngin tomake kanu akorario, arai Ngesi Edeke; eebo, mam nges arai Musa bobo. Ajaatar Akirot naka Ejakait kanuka atur kangin. Amamei ibore yenapedor atiror nges kiton neangetakinor ngin; ajaatar Akirot ngin kanges. Aso, kanuka ngun, neabunio ngesi, apotu itunga kitulurwoto akecekwes; mam apedorete amisiikin. Aponi kes kijulakinai. Arai ngesi etunganan loetegelikina. Abu kobu kede Akirot ngin. Abala Ebaibuli ebe "Kosodi aibwaikin aimukoret," "koreeteke," naarai ajaatar Akirot. Konye arai ngesi Akirot nekec.

70 Kwana koany, arai abu Musa...Wu onac, elosi na araun amorosit. Konye arai abu Musa...Kwape abalar Paul kane kotoma Okorinton Luareit, esula lo 3. Arai abu koraun Musa aimukor ekereet kede aitupuset ngin naka Aibuses kamake...itei ijo, naarai arai ngin abuses, naka akuan, ekisil loka akuan. Ido arai abu Musa, kojoni da ebe abeit ekisil ngol amudiar, ido apol Aibuses noi kiton ebe abu kitumudak itunga, aso ajai do kes aibwaikin aimukoret koreeteke, ikwaikini bodo Ngin ai? Itunga luemudukaka omoyo! Uh-huh. Abeit aibuses ngin adaun, konye mam Aibuses na ebuni adaun. Ianyu? Ajaatar Musa ikisila luka akuan, atubokinio, emamei asianut, emamei idiobore; atubokini bon ngol ijo atubokin. Konye Na najai oni einer nuke...Amameotor ngol aitim, alimokini bon ngol ijo nuirai ijo. Na einakini ijo eipone loka alomun kinga.

Ido nakepukore Akirot ngin, oo, ikatunga, eipone ali loka ereet ebuni Ngol araut? Ebuni Ngol araut loerapiara. Ebeit araut loerapiara. Kwana koany. Aso erapiara Emoyo kotoma oyekalu loka etunganan, itei ijo, Nges einer akiro nuka akuan kede aimukoret naka akuan.

71 Kwana, Paul kinera kane kwana, ido kotoma na-apupetai na, Akirot naka Emoyo, "Irai oni ijaanakinak, mere luka enyukuta, ekisil; konye ijaanakinak lukapedor loka Emoyo," ebe elemuni Emoyo enyukuta kosodi aitodiar Ngin.

Arai bon ngol ekisil, ajai ijo alosit asesen ngol, ebala ebe, "Siridotei. Sirikokoi. Sirisabanakinenei. Sirikiswama nu, ngun, arai kwa." Ianyu? Ajai ijo asesen ngol.

Konye lo nges Emoyo loebuni toma Akirot naka atur kana, kosodi aitolomun ka aitodiar, mere amor aarei, konye Akonyen nuka Edeke lokajaran. Mere aomisioit ace naka aibe nabu icetunganan kopwak, araibo icudeta, acoasinei; konye aisumunet alopset naka Edeke epukoritai ka aitodiar cut koingarenwok. Eipone ali loka aimukoret ebuni ngun araut kokau? Ido kanu-kanu alacakin ngin...

72 Itei ijo, apol ngin noi kiton neapotu itunga da kotemariata, apotu kotemas neanyuniata Yawe ijusun kwap kotoma Opir kalo loka Akim, kosodi ageun aitamaran akwap, ka-ka iboro luabu Ngesi kiswama, ka emoru loka akim. Ido da arai ketam idiotunganan alosit moru ngol, amudiar ngin. Apol ngin kiton Musa akurianar amaran. Kwangin, arai abu Ngesi kapak kangin kitamaran emoru, ilolo kana ebuni atamaran akuj ka akwap.

Dobodo Aibuses Na? Arai arapiaritari ngin kede aimuloret naka akuan, erai na...erapiariatai kede aimukoret nakomoyo. Aso mam itamakini asesen naka akuan; koloma toma Omoyo kosodi aanyun neijai ijo, itei ijo esawa loijari oni kotoma.

73 Biai iswamai kereka ngin ajokis nekus? Itei ijo, aimukoret nakomoyo naejai kuju naka itunga, ebe, "Arai eong loka Methodist. Ajok eong da kwape idiotunganan kere. Arai eong loka Baptist. Ido arai eong lo Pentekosit." Yesi mam imisiikinitos ngin, erai ibore ngin aimukoret naka einono? Ibwait ngin Edeke kama ijai ijo. Ibore ngin nges irieborit ijo kotoma ainumunum kere...

Oo, ibala ijo ebe, "Eluluei eong ido asomanar kuju ka kwap."

Abala ebe, "Nginikirot!" Eyuunit Kebe Nginikirot kidimarai adiopet. Ianyu? Erai Akirot naileleba naka Edeke, aisumunet naka esawa itodiaritari. Ianyu?

Koany kwana kwape kilosio ngaren. Kijaar eong nuipu ne nuebeit einer, konye kijaar eong nepetai apapulai akaisarei, konye ngin...nuka-nuka akiro nuiwadikatai, konye mam eong-eong abuni einer ngun kere. Itei ijo, abuni eong aisuburikin.

74 Erapiaritari nges kede arapiaret naka akuan eroko nges elimokina itunga Akirot. Kwana, ejai Edeke arapiar elopet, kwape kesumunikitor Ngesi, kotoma akuan naka etunganan. Edeke! Yesi imisiikinito Ngin? [Kotemari atukos ebe, "Amen."-Ekewa.] Ebeit Edeke arapiar kotoma akuan naka etunganan, kosodi aibwaikin aimukoret nakomoyo kujukec, (atemar ebe, "Eebo, arai lo ido arai eong ngol"), kanuka ainerakin kede itunga. Naeraar ngin aimukoret, naerai da aimukoret naka einono, acilar, kwangin do...ngun nuineras

kesi, "Inyobo, atuboros apaarasia nuka nukaumokin."

75 Abu ecetunganan alimok eong kapaaran kaya, e-ekalimonokinan lo Baptist kokinga kangina, abu kobu neajai eong, Onac Green, kosodi atemar atiar, "Onac Branaham, yen nges ibore idiopet yenetoronitor eong ijo." Ebala ebe, "Itamit ijo ainakin itunga..." Arai kokwap kooteri lo Ramada, nakijaar kede airiamun kokwap kangina. Ebala, "Itamit ijo ainakin itunga aiyuun atur naka ikiyakia, aijar lolo bala kwape ajaatar kotoma atur naka ikiyakia." Ebala, "Abu atur naka ikiyakia kongetakin kede ikiyakia."

Abu eong atema ebe, "Abu kongetakin?"

"Eebo."

Eong ebe, "Ingaibo arai eraban kotoma atur naka ikiyakia?"

Ebala ebe, "Ikiyakia itomon ka luaarei kotoma agoola nakokuju."

Eong ebe, "Apak ngin amamei Paul." Eong ebe, "Ekeneran arai Petero. Kosodi Petero atemar atiar, kapaaran nako Pentekosit, neanyuniata kesi nu kere elosete ngaren, ka Emoyo Lokalaunan iswamai, ebala ebe, 'Erai aisumunet kanukus, ka ikusidwe, ka ngul da luelwaka, kere luipu luenyarauni Ejakait Edeke.' Arai eroko Ngesi enyarai itunga, akepolou ejai Ibore ngipengin ne. Iwori bodo abu atur naka ikiyakia kongetakinor do? Engetakin atur naka ikiyakia apak naengetakina Edeke anyara." Mam abu kolek akekopiira kosodi anyoun alosit.

Eyangaikini Akirot kanu aswam ngin. Erai Akirot. Abu Yesu kolimok Satan ebe, "Iwadikatai." Ianyu? Ikoni nen, "Iwadikatai."

Abu eong atema ebe, "Abu Petero kolimunita ebe mam abuni angetakin. Kere kwape kenyaunia Ejakait, arai Arereng na kanukec. Kwana ibala ijo ebe, "Abu kobwou.' Iwori bo?"

"Emamei ationis naiswamauna?"

Eong ebe, "Mam, ipa, mere adio da. Kolot ngaren." Uh-huh. Cut kanepakanen. Ianyu?

Abala Petero ebe arai ngin kanuka ngitunganan yenanyaraikini Edeke, abuni adumun Arereng ngipengin naka ikiyakia. Erai ngin-ngin Akirot naka Ejakait. Ianyu?

76 Kwana aimukoret naka akuan. Edeke, Akirot, arapiara kotoma akuan naka etunganan. Arai bo ngin inyo? Arapiara Musa kotoma. Ajai Edeke toma Musa, erapiara, ido ajai Ajakut naka Edeke tomake. Etekooro ngesi noi kede Akirot ngin kotomake koipone kangol, kiton nearaar nges arapiar ereeteke. Ido arai ngesi enabi loetodiaritai loabu kopuko Akirot kosodi alimokin kes ebe, "Sirikiswama nu! Kiswama nu! Ido sirikiswama nu! Ianyu?"

77 Kanu ainakin Akekirot neejai atur, abu korapiar elopet kotoma otunganan, arai mam, ti Akirot kitumudakit kiton luenyaraunitai kinga da. Ianyu? Karaida itunga luajaas kinga ngina, mam apedorete atitingikin asesun ngun. Kotoma-kotoma, Anyoun idumuni oni ebe, apotu kotemas atiar, "Kiner Musa, mere Edeke." Itei ijo ibore yeneinakin Epir loka Akim mam etakana noi? Ianyu?

Abala Edeke ebe, "Abuni eong-eong aswam ngun. Etonyoikini Eong kes Enabi." Amen! "Etonyoikini Eong kes idiopet." Kosodi Ngesi abunore cut becebec. "Etonyoikini, ido ebuni Ngol ajaun, araun Akirot."

Ebala ebe, "Arai ekotos aanyun nuerai Akirot..." Ebala, "Kwana, Musa, abu Eong atakanikin ijo kangina, kokiote loanokie." Ebala, "Alosi eong abunore kwap kasodi ainokokin akim moru ngol." Ebala, "Eanyunete ebe iner ijo abeit. Abuni Eong atakanun kane kasodi aitogogongoikin otunga, abuni eong atodiar aijaanakinikon." Ngun kes abu Ngesi kolimok Musa kane, akiro nuipu noi.

78 Koany, abala ebe, "Alosi Eong-alosi Eong aitubusikin ijo kakonyen nuka itunga." Ebala, "Kwana, abu ijo kolimok kes ebe ebu Eong keriamunos kajo kokinga kangina kokiote loanokie; kwana alosi eong abunore kwap, Akim ngipengin, ido alosi eong ainakin itunga aanyun ebe mam ijo abu kingalate kanuikamunito Ngin." Ipedori ijo aitogogong Ngin kede science, karaida, kipuda ijo. Ianyu? "Alosi eong abunore cut kwap kasodi ainakin kes ajenun."

Ido neageunia Ngesi agat, neageunia Yawe agat, apotu itunga kotemas ebe, "Mam! Mam! Mam! Mam icamakini Yawe einer; kitwaki-kitwaki."

Itei ijo, ajai Nges arapiario, aso abu Edeke korapiar kotoma Musa kosodi ainakin Musa Akirot. Kosodi Musa abunore kwap kosodi einer Akirot naka Ejakait, kotoma aimukoret koreeteke. Edolit ngin? Yawe erapiara kotoma ojautene loka enabi, naarai ti cut kaileleba...Kosodi Edeke atemar ebe mam bobo abuni aiyatakin einer kakes koipone kangol. Abuni bon Ngesi einer kakes kotoma onabi. Ngol bon nges eipone loabunio Ngesi einer ageun kapak kangin. Ngol bon nges eipone loabu Ngesi kinerar. Edolit ngin. Emamei bobo cut eceipone. Mam Nges ingalai.

79 Koany, Musa bon ajaatar Akirot. Kwana, amamei a-atukos nabuni, emameete Iparisayon, arai Isadukayon, araibo amamei arai icerionget arai ateker. Arai Musa! Abu kolek etunganan ediopet. Mam Nges epedori alemun aomisio aarei arai auni nuitegelikina. Elemuni Ngesi etunganan ediopet. Ajaatar Musa Akirot, ido Musa bon. Yosua da ber amameotor Ngin. Amamei bobo icetunganan yenajaatar Ngin. Amen. Arai Yosua e-ekapolokiniton ajore; Arai Yosua ekapolokiniton ajore; arai Yosua ekeyuunan, Ekristayot. Konye Musa arai Enabi! Mam Akirot epedori abunere neejai Yosua; ebeit Ngin abunore neejai Musa. Arai ngesi enabi lokapolon loka esawa. Koany, mam Akirot abu kobu neejai Yosua kiton neanyounio Musa. Mam cut, lokapolon. Iswamanaros Edeke kede nginidiopet kotoma apakike. Erai Edeke ediopet. Ianyu? Kwana, Musa bon ajaatar Akirot mere atukos.

80 Koany, abu Edeke ikwenya idiotunganan mam atamakin atupaar Musa toma aimukoret ngin; luitupusete. Ianyu? Aberu, ekiliokit, esasedoti, yenarai ngin kere, arai ayongit Edeke biai, arai ekiliokit, arai itia ayongio ai, arai itiasi kesi ai; abu Ngesi ikwenya ebe, "Kobu Musa bon! Ido arai idiotunganan, karaida itiang, etirori ngol, ibusakinit koarakinai nepenen." Mam itubor ngaren naka aimukoret kangin. Erai aimukoret ngin naebait etunganan ediopet. Erai Aisiraret ngin adiopet. Ianyu? Kotoma oyekalu, alomari ediopetunganan toma irwanatipet ekaru, enyonyokinio kosodete aitemokin alomar toma; mere ayangaun Akirot, konye ainakin aokot. Karaida ber alosit ngaren naka Ngin, ediopet bon. Idiotunganan kere atwani. Ianyu?

81 Etwakete kesi komoyo kwana. Erai na aimukoret nakomoyo. Ianyu? Arai ngin aimukoret naka akuan. Erai na aimukoret nakomoyo. Ianyu? Inyikokinitos kesi alosit ngaren toma kau ngina, ipedori ijo alimokin kes. "Oo, ajeni eong! Ajeni eong ngun, konye eong..."

Abu eong atema ebe, "Kolot ngaren, ejok ngin, inera bon ngin..." Kiitunitos yesi, aitakanet nakawasia ko Misiri arai atwanare, eroko anyoun. Kwangin idupudupoorio araun ekurwon kosodete aitarau apua, ido epote ikadolitok aipudapud ekurwonikec. Konye ibore yenawasia erai atwanare nakomoyo, ainger Akirot.

82 Kwana koany, abu Edeke ikwenya idiotunganan mam atamakin atupaar Musa toma aimukoret naka Akim. Abeit Musa arapiario, ajai nges alomun kinga kanen. Abu Musa koloma toma kwape Musa, abu koloma Opir lo loka Akim; ido nakelomuna ngesi kinga, arapiara ngesi. Naarai, abu ngesi koloma toma Ngina, kinga naka italesioke, italesio luka imakio. Aanyunit ngesi Epir loka Akim, konye kwana elomari ngesi toma Opir loka Akim. Ianyu? Amen! Kosodi ngesi alomun, imukora. Akirot naka Edeke kotoma otunganan, erapiara! Kane abu kobu elomuni kinga, oo, ikatunga, aseseni eong ngin. Abu ikwenya idiotunganan kere mam atamakin ngin, emamei itunganan yenepedori aituput Ngin. Mam iswamai ngin. Ianyu? Karaida esasedoti arai etunganan lokalaunan, loarai ngol kere, cardinal, ekaanyanaran, idiobore kere, yenatami alomar toma aimukoret ngin, atwani. Abu Edeke ikwenya. Mam oni ibuni ajaun kede aituputonoreta.

83 Akekirot epukokinio neejai idiopet. Erai duc kwangin, abuni enabi kede Akirot naka Ejakait, kanginitur, nginipak, anatar Naiwadikaere kere. Ebunenenei Akirot neejai idiopetunganan. Kotoma nginitur, kwape kwangin, karaida kotoma aturio nuka ekanisa, ageun kanasodit kiton nakawasia. Nuce ejaatar akeceboisio, edolit ngin, kaony, konye ejaas esalakinitos awai naka Epir loka Akim. Ianyu? Ejaas bo lolo nusisiauna ne ibiai! Itei ijo, nginitunganan kere ekot araut Musa, kosodi nginitunganan kere...

84 Kiitunitos yesi nuabu Datan ka ngul kotemas kokinga kangina? Apotu kotemas atiar, "Kwana, Musa, kidarek ber ijo kane mot! Iwomiara ijo noi, itei ijo. Kwana, ejaas icetunga ne luenyaraunit Edeke."

Abeit ngin. Ngul, nginidiopet, atupitos ejok bon ebe aderitos kesi, konye neatamia itunganan anyoun kosodi ayangar aibosit naka Edeke nabu Ngesi koinakinite Musa, loasekikinitai sek ido kinyonyokinitete aswam ngin, aitam ayangar ngin, abuni akim kwap kosodi angaar akwap kosodi ailikor kes tomeke cut. Ianyu? Ianyu? Kocoite. Ianyu? Korai Ikristayot yenajokan, yeniyongit Edeke, kiyuunite Akirot. Ianyu? Ikunya awai kama ejai Epir loka Akim. Ikoni bo lolo akwenyaret na ai!

85 Abu ber Edeke kitaanyikina Musa kotoma okiot loanokie, arapiara Edeke kotoma Opir loka Akim. Kwana kopupok ejok noi kwana apak edit. Abu ber Edeke kogeu, nasodit abunore neejai Musa, arapiara Nges. Ajai Edeke toma Opir loka Akim, angopit okau kekiot, itei ijo; kwape bala kau naka imukulen, itei ijo, kokau kede eicolong loka aitim kotem. Ianyu? Arapiara Ngesi. Erapiara duc Ngesi. Ido nakebunio neejai Musa, ajai Ngesi toma Opir loka Akim, erapiara kotoma Opir loka Akim. Konye kane, koingaren naka itunga, abu Edeke kitodia nges kede Epir loka Akim. Ianyu? Abala Musa ebe...

86 Kwana kosesen. Yesi ijaas aisiom? [Kotemari atukos ebe, "Amen."-Ekewa.] Yesi ijaas ainakin aomisiokus alelear kinga? Yesi ipedorete? Ipedorete... "Ngin yenejaas aki, kopup." Ianyu?

Naetakanikinor Edeke Musa, ajai toma Opir loka Akim, neanyaraunia Ngesi ngol toma aijaanakinike. Kosodi Musa abunore kosodi alimokin itunga nuikamunitos ngin. Mam apedorete aiyuun ngin, konye kereka kiswamate ngesi nukapedor ka iboro. Konye, apak na, abu Ngesi kotakan kaidelel, kotoma akiro nuka science kosodi aitodiar aijaanakin naka Musa araut Edeke ngopengol loabu kinarakinis kanges, naarai abu kitakanikin nges kotoma ojautene loka Epir loka Akim kosodi ainokokin emoru akim. Ido abu kobu neejai

Musa kotoma okiot, kinerata da kanges. Eebo.

87 Atakanun naka Edeke nasodit, neejai Musa, kotoma aimukoret naka ekiot loanokie. Koingaren naka itunga, abu Edeke korapiar bobo kosodi aitodiar Musa, kede aimukoret, koipone kalo arapiar elopet kede Akim ngipengin, abu Epir ngopengol loka Akim ijesun kwap. Anyoun-anyoun kapak kangin...Kamakec, aso apedorete bon kesi aipup Akirot naka Edeke. Ianyutu yesi ngin? Akirot bon, apotu kopuputu Ekeporoto. Naarai, arai Musa, kama ejaas kesi, Akirot naajaran. Musa! Itei ijo, abala Musa ebe...Abu Edeke kolimok Musa ebe, "Kolot kwap ngina. Abuni Eong ajaun kajo. Erai Ngesi...Emamei ibore yenelosi abwoikin ijo. ARAI EONG AJAI NGOL."

Abu Musa kobu, kosodi atemar atiar, "Aticepak mam yesi iyuunete nu, aticepak, konye abu Edeke ketaknikin eong kotoma Opir loka Akim kasodi alimokin eong iboro lu."

"Oo, kijaar oni iponesio kere luka iboro esubitos bala elosete ngaren." Kotema Parao atiar, "Inyobo!" Ebalala ecokon Parao ebe, "Eebo, ijaatar ijo icoa yene cudet yene patana. Inyobo, kijaar eong ikacudak ne luepedorete aibelokin emun kiton araun...ebela-ebela kiton araun emun. Kopotu ne, ikacudak." Kosodete ngul abunore ngina kosodete aswam ibore ngipengin.

88 Ajeni Musa. Amamei ibore yenesiriengunit nges. Arai iketuputok idi ajaatar ngul, mam abu kiswama adiotegelikinet. Abu Musa kosalak esipo. Ibore yenisodit yenijeni ijo, apotu koliata kanen ipak edit, ido, kaitebeikin, abu emun loka Musa konyama ngul kere. Ianyu? Inyobo? Bala kwape ikiyakia ngul, mam apedorete aitetemun Ngin. Mam Musa ajeni eipone loalosio Edeke aswam ngin, konye alosi Ngesi aswam.

Kiitu ebe, abala Ngesi ebe ebongunete luka Yambure ka Yane kotoma apaarasia nukawasia, itei ijo, aituputonoreta. "Ido abuni aitapaar Luseuna korai kopedoros," Matayo 24:24. Ianyu? Ibore ngipengin cut becebec, aswam eipone ngopengol loka nukapedor ka nginibore. Kosesen Akirot ngin! Kosesen Akirot ngin! Ebalala etunganan ebe iswamai nukapedor konye oroko ekoto aiyuunit ebe ejaas Idekesio iuni, ido ebe ejaas iponesio lu kere; konyou awai kama ejai eipone kwape kangol. Ijeni ebe ediakara ngin-ngin, itei ijo, emamei ibore kwape kangin. Ianyu? Akirot, nginikirot, nginikirot naelomuni kaituk naka Edeke! Ageun, Akirot adiopet! Kangina, ebe, "Mam ilemari arai aiyatakin akirot adiopet." Itei ijo, ebeit korai Akirot ngipengin. Ianyu?

89 Koany, apotu itunga koanyutu nuapotu kiswamaunos. Aponi korapiarai Musa kwape e...Arai ngesi enabi, ido abu do Edeke kitodia Akekirot kwana, abu kolot kwap ngina. Ido abu ngesi koany aanyuneta ka nukaumokin. Kosodi do, eebo, apotu itunga lu kotiakatiakaunos, ekanisa. Itei ijo, ekanisa akepolou ebe, "luenyaraunitai kinga." Ianyu? Akaulo nakenyaraunere kes kinga naka akwapin kosodete araun itunga, itei ijo, kosodi Edeke aitejenun ebe arai Ngesi Epir loka Akim. Abu kitogogong Aisiraret naka Musa. Ianyu? Arai Ngesi Epir loka Akim. Aticepak epedori kinomunitos aput naka Ngol, aomit eong, arai apotu kesi kojaatatar akameran, naarai ajai kere toma Akim. Konye apotu-apotu kitogogongosi ngun, Edeke kitogogongi ebe adolit Aisiraret ngin. Aapie Aisiraret, nginibore kere aapie, alosi ajaun anyoun kapak kangin. Abu korapia Ekenabi kaneejaas itunga lu luka anyoun.

90 Itunga, aomitos, akaulo naka aanyun ebe abu icebore kiswamaikin nges. Etegelikina do kwana ngesi kede itunga luce kere luka Isirael. Etegelikina ngesi, akeisiraret da etegelikina, etegelikina ngesi kama ejaas isasedotin, etegelikina ngesi kama ejai idiobore. Itei ijo, arai ngesi etunganan loetegelikina. Apotu koanyutu ebe abu icebore kiswamaun. Abu Edeke korapiar kotoma onabiKe, kosodi ainerakin Akekirot nekec. Ngun kes nuabu Ngesi kiswama. Arai Musa Akirot nakajaran neejaas itunga, erapiara kede Epir loka Akim, kinera nuabeit arapiario ekaulo kotoma omukulen luka itunga. Ianyu?

91 Abeit Akirot abunore kama ejai Musa, nasodit ber. Ianyu? Ajaatar Musa Akirot. Edeke nges ewadikat ngun, amamei itunganan yenapedori aijul Ngun, ajai ber Musa aijul Ngun, nasodit. Ngin nges apolou abu ngesi korapiara ereeteke, naarai nges...Yesi isesenete Ngin? [Kotemari atukos ebe, "Amen."-Ekewa.] Ianyu?

Ikoni Ngin neta. [Kolemuni Onac Branham Ebaibulike-Ekewa.] Ipedori oni alemun Ngin, aitacaun Ngin, ka nginibore kere kanen, konye ebeit apukorio. Kanu apukor, ajai Musa araun Edeke mama ejaas itunga.

Ibala ijo ebe, "Emamei ngin ajokis."

Inyobo, abu Ngesi kolimok, abu kolimok karaida Musa, Nges elopet ebe, "Iraun ijo Edeke, ido eraun Aaron enabikon!...?...?" Ianyu? Aso kobuni do Ngesi, itei ijo, ajai Nges arapiar, naarai ejai duc Edeke kau naka aimukoret. Oo, ikatunga! Yesi isesenete Ngin? [Kotemari atukos ebe, "Amen."-Ekewa.] Erapiara Edeke kama ejaas itunga.

Ebalala, "Papa, esialamikit Eong Ijo, ibwaa Ijo Ngin kama ejaas lukacoa ka luka aijen, kosodi apukokin imukerun, ngul luekotos aisisia." Ianyu?

92 Abu Edeke kongop kokau naka aimukoret. Abu Musa imuko ekereet. Arai Musa Akirot nakajaran erapiara kapak kangin. Apotu itunga koanyutu Epir ngol loka Akim, ebalala ebe, "Kwana kisimonikina isio."

Ianyu? "Kiner Musa." Ianyu? Mam iinakini Edeke einer, kenyekikis atwakare." Abu Musa kolot cut alomar toma Opir loka Akim. Ianyu?

Kosodi atemar kwana, ebalas ebe, "Kwana mam Eong-Eong abuni ainerakin kakes bobo koipone kalo. Ainakini Eong kes enabi." Ianyu? Ido ngol nges eipone lo duc keswama Ngesi ngin. Ianyu? Ebalas, "Kwana kojolak kes kolototo." Konye ejai enabi lo ajaut kede Akirot na. Arai erapiara ngesi kede einono, mam Edeke ijukunit nges. Arai erapiara ngesi kede Akirot, ebuni Edeke aitogogong Ngin. Ijuli Edeke Akekirot elopet. Abu Musa kiner Ngun; abu Edeke ijul Ngun. Amen.

Abu Musa kotema atiar, "Abala Ejakait kwangin!" Ido abu Ejakait kiswama cut nuabala Ngesi. Abu kitarau Ngin nadolit.

93 Kwana abu Ngesi kotema atiar, "Kwana, Musa, imisiikinit ijo. Emisiikinitos itunga kwana. Itei ijo, ketodik Eong ijo, ketodia Eong ijo." Arapiara Edeke kotoma onabiKe, einer Akekirot neejaas itunga. Arai Musa Edeke lokajaran neejaas Ngul, Akirot nakajaran naka Edeke kitodiaritai. Ngin nges apolou naerapiarar ekereet. Ianyu?

Ido yesi ijenete ibore ngipengin kama ejai Ikristayot yenikabeit ebe erapiara lolo, kaneejai yenimam iyuunit? Esesenete kesi angor kede itim luaojak ka iboro, ebalas ebe ngin... "Kongolia amojong ngin." Iriunitos angor ikecetim kau kopurian, ebalas ebe, "Kolot ijo amopiira naiuorit, amopiira naibwaikinitai osiep kangina." Itei ijo, erapiara kere. Emudukaka. "Oo," ebalas ebe, "Kijaar eong Ph.D, L..." Mam eong apodo ibore yenijaatar ijo, iroko ijo mam ijeni nuka Akirot. Edolit ngin cut bec. "Oo, ngun, erai ngin ibore yenedit. Eong..." Koyanga ber iboro ludidik nasodit.

94 Dobodo itunga luebalas ebe erapakinitai kesi toma Akonyen nuka Edeke, ido kolimonokinete etalece loka ekanisa? Oo, aitim, otukui! Yeneyatakin ka alemar kamake, ka nginibore kere, koipone loka airupakin akirositikec ikulepek ka aomisiokec, ido mere Akirot naka Edeke, itei ijo, eipone ali loka aimukoret? Luejaatar aimukoret naka erionget. Acila Edeke aimukoret ngin cut angaar idelele!

Abalass ebe, "Emamei ibore kwape kwangin ebe inabin. Emamei ibore kwape kangin, kotoma apaarasia kanu nukawasia, kwape ebe ikiyakia ka inabin. Emamei ibore kwape kangin ebe aitangal naka Edeke. Emamei ibore kwape kangin ebe inabin, bobo. Emamei ibore kwape kangin ebe Marako 16 kitodolikinio. Angetakin atur naka ikiyakia." Aponi korapiarai Ngin kama ejaas itunga. Konye abu Edeke kolom kinga kede Ekemoyo Lokalaunan loka Akim, kosodi acila ibore ngin anyoun kokuju kiton kwa-... [Aiboisit naemamei ibore katepu-Ekewa.] Acila Edeke aimukoret.

95 Musa nges arai aimukoret, Akirot nakajaran naka Edeke erapiara kokau naka akuan naka etunganan. Epir loka Akim ajai toma Musa, inera nuabeit arapiario ekaulo kokau naka imukulen, itei ijo.

Kwana, ebe, Akirot, aponi kitolomunai Akirot, kosodete aiwadik Ngin, kosodete aibwaikin Ngin kau ido eroko erapiaritai, naarai ajai duc Edeke toma Akirot ngin. Amen! Erai Ngesi Akirot, duc. Ajai Ngesi toma Akirot ngin. Ngin nges apolou ainakini Akirot ngin erapiaritai.

96 Oo, onac, inac, yesi ijaas amisiikin Ngin? [Kotemari atukos ebe, "Amen."-Ekewa.] Koany! Mam kereka ijo itei? Arapiara anatar aturio kere, kwape kejaar kotoma kanu abala Edeke, ido eponio apukor kotoma apaarasia nukawasia, Aipuceta ngun Akanykaarei eponio apukor, kosodi Ibore yenileleba aideleleun kotunga, nuapotu kiswamana kapakio kangun kere. Esawa loka Aisiraret naka emalaika loikanyetekaarei, epukorio aiyeiyea kere naka Edeke kotoma Eliya ngol, esawa lo lokawasia; eipone loeraar ebe erengear Kristo kinga naka Ekekanisa, Okoku loka Edeke; eipone loepukorerere Nges kwape OKoku loka etunganan bobo; eipone loebeitor aibwaikin Ekanisa toma ainapeta, ka nginibore kere kanuka apak nakawasia, emamei etal, emamei ediini, Akirot bon ejari kotoma odiopediopen. "Ayangari idiopet, kasodi ajalakini idiopet. Ayangari yen, kasodi ajalakin ngin." Ianyu? Ejai e...Emameete nutupitono, emamei ediini, emameete nueenikinina toma arai idiobore kere; erai etau kede Edeke, ido Nges bon. Ianyu?

97 Koany, erapiara kotoma akuan naka etunganan. Musa kede Akirot ngin, kinera nuabeit ajaun ekaulo kibwaikinitai kau naka imukulen luka itunga. Aso ngol...Kwape kwangin eraar Kristo da Musawok. Kristo nges Musawok. Arai Ngesi Edeke erapiara kotoma akuan naka etunganan, erapiara kotoma otunganane, kotoma akuan. Edolit ngin. Ido Nges ngopengol bian, lolo, ka ikar kere. Arapiaritai Nges kede imukulen luka itunga. Arapiara Ngesi. Ido kotoma apak kana arapiara Ngesi kotoma Otunganan. Ianyu? Kwana koany, "nges ngopengol bian, lolo, ka ikar kere," abu kisumunikite Akekirot neejai atur na. Eroko Ngesi erai Kristo, Akirot naesumunikitai neejai atur na, erapiara kotoma akuan naka etunganan. Akirot nges Edeke.

98 Ainyonyoikinio erai etunganan. Akirot Kristo akepolou "loinyonyokinitoi," itei ijo, "loinyonyokinitoi." Akepolou, arai do Musa Kristo kotoma apaarasiake, arai ngesi loenyonyokinitoi. Arai Yeremia Kristo kotoma apaarasiake, kede atutubet naka Akirot kanuka apak kangin.

Konye neabunio Yesu, abu kobu kwape Ekalakunan Loinyonyokinitoi; ido arai ngol Musa ka kere nuajaas toma Musa, ka Akirot kere, ido Edekeone kere kotoma akuan ajai tomaKe. Ngin nges apolou nabu

aimukoret kere naka oyekalu kocilar, kosodi eicolong loka aitim aideleleun cut ejok, arai Ngesi Loenyonyokinitoi.

99 Koany kwana, aimukoret kotoma akuan naka etunganan, Akirot naesumunikitai naka atur kana ibusakinit ngin da korapiarai. Koany. Imeeban luka okanisa lueminas adiakar ka ikadikannarak mam epedorete aanyun Ngin kanuka aimukoret naka etunganan.

Ngin nges apolou ainakini kes mam eanyunete Nges. "Inyobo, erai Ngesi etunganan. Aibo ebunitor Ngesi? Akaadi anyoin naka eidicane ejaatar Ngesi? Erai bo Ngesi loka okanisa ali?" Akoto eong einer kotoma ngun atibong na, "Erai bo Ngesi loka okanisa ali?" Ianyu? Ido aso, itei ijo, kwana, "Erai bo Ngesi loka okanisa ali, atukos ali-ali? Esomero bo ali esiomit Ngesi? Aibo edumakit Ngesi asiomaniKe? Eebo, eurunitai Etunganan lo, kwape ejaar einono, araibo kwape ejaar kotoma a-akirot nuikamunitos Nges kane, eurunitai Etunganan lo kokinga naka edukone lokalaunan. Inyobo, Nges, abeit cut, erai Ngesi ejokit. Itei ijo, erai Ngesi-erai Ngesi loka ajokit. Eurunitai Nges kokinga naka edukone lokalaunan, ido abu Yosep kodukokin aberu ngin tetere eyuari nges kotoma aibiribirorio, naarai arai ngin aberu naadote. Ido Etunganan ngol abunore kosodi alimonokin isio isasedotin nuebeit aswam?"

100 Ido ajai Edeke ebwoi kangina, epukori Akirot ngin, iworoi, "Ekadeke, kanukiinyo kijalia Eong?" Ikososiso ngupengun luawoenenete kesi koyekalu, luabu Daudi kiswmaikinite kes ikar kau, luikamunitos Kristo. "Akakojo kere kedetakinito akonye. Apotu kicumata Akakanin ka Akakejen." Ido ajaas kesi ebwoete kangina, awoete ngul, ido Etunganan ngopengol etwani komusalaba. Ido nakegetakiniata kosodi e..

Naketwania kosodi Edeke lokotoma Akuj abunore kwap, kwape kabu kiswama komuru Sinai, kede Akim nakalaunan, kosodi aicwear aimukoret naka oyekalu anyoun kokuju kiton kwap, abu kocil ngin. Ido inyobo apedorete kesi aswam? Asesen cut kokinga naka edirisa loka eyekalu, ko Kalvari, ido ajai Edeke nen idelelei, Asubanit.

101 Konye mam kesi esesenete Ngin, lolo da. Acila Edeke kotoma apak kana nakawasia inonosio ngul awai, kosodi ayangaun Akirot kanuka atur kana cut toma aidelel, ido eroko kesi mam ejenete Ngin. Mam kes ejenete Ngin. Epatana noi. Itei ijo, epatana noi. Elwana noi kama ejaas iboro luka akwap.

Abu eong alimonok kapak kaya kotoma atukonokin ace, nuka, "Araut abang." Adiopet kotoma apaarasia kanu akoto eong einer nuikamunitos ngun, "Araut ebang." Irai oni kere ibangiok loka icetunganan, aso-aso abuni eong araut ediopet loka Kristo. Abala Paul ebe nges "aponi kimarakinai araut ebang." Abeit cut, ejai ijo araut. Itei ijo, eyangaikini epeeta kanu aenikinit iboro nepepe. Ianyu? Edolit ngin.

102 Aso koany aimukoret, akuan naka etunganan. Mam, kwana, itunga lueminas adiakar mam apedorete aanyun ngol. Itunga luka einono luediini, mam apedprete aanyun ngol, naarai arai Ngesi etunganan. Inyobo? Abu akuan ngin naka etunganan ibwaa Edeke.

Kwana, arai abu Ngesi korai Epir lokapolon loka Akim loabu kobu kwap, itei ijo, abu Epir lokapolon loka Akim kijesun kwap kosodi aitodikin kes ngun nuarai Ngesi, ebe arai Ngesi Epir lokapolon loka Akim, aticepak tikes kiyuutu ngun; korai ti Yawe airimorit.

Konye itei ijo nuabu Ngesi kiswama, tetere epedori ainac itunga ngul kere luecobe, lukacoa, abu Ngesi kopukor bala kwape kesumunikitor Musa, itei ijo, "Abuni Eong ainerakin kakes kotoma Onabi." Ido arai Ngesi Okoku loka etunganan, Enabi. Ido apotu ice kotoma kakesi komisiikisi Ngin, itutubet idiopet kotoma ngunukwatat kotoma akwap, kes apotu kiyuutu Ngin; luce kere mam apotu kiyuutu. Konye, arai Ngesi, ngopengol.

103 Konye ajai Edeke Lokapedor kere ebwoi kanen idelelei kotoma aileleba, Eicolong loka Aitim! Abu kotwana kobalas Ikedwe obe ebe...Ajaas Ikedwe ngina, kobalas ebe, "Mam isio ikoto Nges! Korwa kede Ngol! Kimuinikisi Nges aimul.

Aitupuset, kokau kangina, neajaar Daudi anyoun ajalakin eyekalu, ekabaka loengeritoi. Abu kolot orot, ido ipak edit, ekesa loamojongit loangwalit eliai korot, mam cut abu kiswama kwape kangesi, abu konyarau nges "ekesa lokesoswai" arai icebore, amuikin aimul koreeteke. Kosodi ekedaran ngol alemun ekileng, ebal, "abuni eong ainakin, "enyekikini kereka eong akou naka ekingok kangol kamake; kosodi amuikin aimul mama ejai ekabakaka?"

Abu Daudi kotema ebe, "Kojalak nges kanukeng, Abu Edeke kolimok nges ngun." Aticepak mam Daudi ajeni nuabu ngesi kolim. Abu kodoka kaju moru, kongoliari kaju, kiworoi.

Ikar akwatakanyaangon anyoun kanen. Ajai Okoku loka Daudi edokari moru ngopengol, kosodi angoliar kaju moru kemonyakini Yerusalem, Ekabaka loengeritoi. Kosodete kesi aimuanakin aimul koreeteKe.

Mam ijo itei? Erai ibore ngipengin. Ianyu ijo Akirot ijusun kwap, etupit cut kobuni kiton kwap lolo?

Engeritos duc itunga luipu, itei ijo, ido eyuunit eong akidiokus.

104 Kwana itei ijo mam kes apedorete aiyuun Ngin. Iyanaanin ngul, mam apedorete aanyun Nges, ajai Ngesi toma oyekaluke loka etunganan. "Inyobo," ebalas ebe, "ekiror loka etunganan kalo erai Yesu; elomunit Ngesi ko Yerusalem."

Kwana, ajaatar kesi ekiror ediopet bon kangina kotoma apaarasiakec. Bala, "John, Jim," ebalas kesi ebe, "John lo Jeffersonville, Jim lo New Albany," arai idiobore kwape kangin, itei ijo.

Ebala ebe, "Erai lo Yesu lo Nasaret. Ecamunitai noi ebe totoKe esirikaalet apotikini." Ianyu? Kosodi do ngun cut becebec kes nueyuunito kesi. Abeit cut! Abalas ebe, kwana, "Ido erai lo Yesu loko Naseret." Itei ijo? "Ingaibo Ngesi?" Itei ijo, mam apedorete amisiiki n Ngun.

105 Konye, inyobo, Akirot naka apak kangin, neajaar Ngesi elimonokini, ebala ebe, "Kongicata Nuiwadikaere. Tomakec iwomitos ebe ijaatar Aijar Namam Edaun, ido Ngul kesi kitejenaritos nuarai Eong. Arai ipedorete aiyuun Eong; kimurwokisi Eong, kwape aimukoret, kiyuutu Akirot do naejai alomun. Iarei kes eraas ajenanut," abu Ngesi kotema atiar, "Enera Eong ido inera Papa kanukang." Amen. Edolit ngin.

Enera Eong nuka Akirot naka apak kana, ido kitogogongi Papa Ngin. Kwana biai ngin erai ejenanut mamakus? [Kotemari atukos ebe, "Amen."-Ekewa.] Erai, itei ijo. Kwangin nges ebeitor aitodolikinio.

106 Koany kotoma Okorinton Lukiareit kwana, e...kotoma Okoritin Lukiareit, esula Lukiuniet, ekokoro loikanyetekape, etogo lomojong loka eyekalu loka Edeke kokau naka imukulen, kama ejaas Iyudayan. Neacilere aimukoret namojong, aroko Ijudayan...emudukaka ajenun Loarai Ngesi, ka Loerai Ngesi da kwana. Ido abu Pentekosit kopuko Loarai Edeke lokabeit ido lokajaran, neatubere aimukoret ngin irwanaarei, kede Edeke, ageun kokuju. Inyobo abu aimukoret kiswama ngun? Inyobo abu kiswama ngin?

Inyobo abunio Aisiraret naka eipone kangol lolo kanu aswam nueswama? Inyobo ainakini ngin ebuni? Inyobo?

107 Ajai icetunganan yenalosi anyarar eong, acepaaran kane pac, akoto epeget keong nuikamunitos aturio nuka ekanisa, ebe, "Ebe ejai Edeke toma okanisaKe lokalaunan," ka iboro kwape kangul. Ido abu eong adum ebe arai alimonokinan ace naberu, kasodi ngin aimurwokin eong. Itei ijo, korai ti korai ekiliokit ti ejok, arai naetegelikina. Konye, aso, konye inyobo ajokis naka alosit ngina akwap ace ngina, kobeite eong ajalakin atukonokin ne tetere eong apedori aswam ngun, itei ijo? Aso abu eong ajalak ngin ajalakin. Emuduk aingarenikini emuduk, ibirokinios kere toma aipany.

108 Aso, aso kwana kotoma atur kana, neacilere aimukoret naka ediini ka naka einono, kama ejai Akirot naka Edeke tetere itodiar Ngin! Yesi isesenete nuapeleikinit eong? Ebala einono ebe, "Iboro ngul kere atuboros." Koloma ber Ngin toma mot. "Atuboros iboro ngul." Konye, kotoma apak nakawasia, acilar aimukoret ngin naka einono awai, ido Epir loka Akim lo ebwoi kane. Ianyu? Ngesi lo ne, itodiarit Akirot kanuka apak kana. Acilar aimukoret.

Kwana, akwapin, eroko kesi mam iyuunito Ngin. Mamace inyo, mam eanyunete Ngin. Mam esesenete Ngin. Mam ejukakinitai kes.

Kiitu, mam aponi kopukokinai Okoku loka etunganan neejai Sodom; arai imalaikan iarei. Edolit ngin.

Konye, na, Edeke elopet kotoma akuan aponi kopukokinai Aburaam, Loseuna. Ido kosesen nuabu Ngesi kiswama kanu apukor. Ido kwana abu Aburaam kojén, neabu Ngesi kojénunia aomisio nuka Sara naajai kauke, ebala ngesi ebe, abu konyara Ngol ebe, "Elohim! Ebulesit..."

109 Koany kwana, tetere epedori aitodiario. Abu kojaatar aimukoret kokujuKe ikar lu kere, neejaas itunga, "Mam epedorio aswam."

Kiitunitos yesi akirot nabu eong alimonok atupuruc naanyounia eong kane irwana nasodit, nuikamunitos Goliato ka Daudi? Abu eong atema ebe, "Kosesen ber ijo ainingosit kokinga kangina, ebalas ebe atuburos apaarasia nuka nukaumokin."

Koseseniata atepun kwape keponiata, kongicakisi nginidiopet, eipone loetakanuna Ngin cut kaidel; arai ejaas ijo aki kanu aipup, itei ijo, akonye kanu asesen.

Inyobo? Abu eong atema ebe, "Ebwoi kanen akwap ngin nakapolon naka ediini kokinga kangina." Konye abu eong atema ebe, "Edeke..." Kotoma Aica kangin, eroko Ngin kinomuna, dimarai irwnatipet bon; mam enomaritere kapak kangin. Arai kokwap kalaije kocilete kangina; mam enomaritai aput naka Ngin. Ianyu? Abu eong atema, "Abu Ngesi kalimok eong ebe aponio aswam ngin; abuni Ngesi aiswamaun anyararet ido abuni apiar akwapin."

Ido karaida neejai Doctor Davis, abala ebe, "Ibuni tape ijo kede asioman naka esomero, itutubitai kiton adiketait naka atukot naikanyetekaarei, ailipanakin ikabakan ka lukapolok, kosodi ageun aisikwarunio

naebuni apiar akwap?

Abu eong atema ebe, "Ngun kes abala Ngesi."

Ido eswamai ngun. Ianyu? Itei ijo, eswamai. Ibore yenikamunit ngin, erai ebe, mam Nges ipuda ediojule. Eswama Ngesi ngin. Itei ijo, adau aswam ngin, ido ijula ngin bon, itei ijo, enyarai LuseunaKe, itei ijo, luka-luka adokena kere nuka aijar. Kwana etodiar.

110 Abu eong atema ebe abu Daudi kobwo kokinga kangina, ikesa yedidi, yenasenyit, koiinite kede ekepur kere ekudokin toma, kede aporocet akanike. Ido inyobo, abu Saul kosesen nges, lokapolon loka atukot naka ijaanakinak, ebal, "Inyobo, ijo, mam ber ijo aitutuorio ada!" Ebal ebe, "Ber eong atam arai apedori eong ainakin ijo Ph.D. arai ece." Abu konapak ngol inapen lu lujiis mamake, ngin...Abu koany ebe mam ebekokina etunganan loka Edeke.

Kotema atiar, "Kolaca abore ngin kamaka." Ebal, "Mam eong ajeni idiobore yenikamunit ngin." Ebal, "Kinye eong aloma toma koipone kalo ajenia eong, iboro luabu eong etijio engatuny, iboro luabu eong etijio adubu." Arai ngesi eipone loka etunganan loka ekitui. Ebal ebe, "Ber eong aloma toma koipone kalo."

Kosodi Goliat atemar atiar, "Ijukunete kereka yesi ekingok ejie keong?" Ebal, "alemuni eong ijo kangeset naka akwaraka kasodi aikajakun akonikuan kuju ngina kasodi aijaikin ikweny konyamata."

Kotema Daudi atiar, "Ibuni ijo neajai kwape Epilistiat, ka eliru ka akwara, ido abunokini ijo Kokiror loka Ejakait Edeke loka Isirael." Kosesen enabi, Daudi, abu kotema, "Lolo atubor eong akonikou kokeperikon." Amen! Oo, ikatunga! Ajeni ngesi ibore yenajaatar, Loeyuunit ngesi, ido esinyikokina kaileleba ebe epedori Ngol airic ngun nuabu ngesi kititingik Ngol. Ianyu? Aso abu kiswamaun kwape kwangin.

Alimunet namojong ebe, "Atuboros apaarasia nuka nukaumokin," atiaikin arwatatin kwap! Eroko Yawe ebwoi kaidelal naileleba, aitodiar Akirotoke, Naepukoritai. Edolit ngin.

111 Koany.

Ekanisa loka Imo da ketumudaki kama ejai aimukoret, akaulo naka acilarere kosodi aitakanun Edeke, arapiaret naka Ediini. Koipone ali? Koipone kalo aimukor Akirok kotoma otunganan bobo. Erai cut ngin bec nuabu Isirael kokurwok aanyun. Korai tikorai ebe arai Emalaika ece arai icebore, ti Isirael iyuunit Ngol. Konye kwape araar ebe mam apedori araun Emalaika, ajai araut etunganan. Amen!

Mam Edeke epedori aibil Akekirot. Kotoma apaarasia nukawasia ebeit korai ibore ngipengin bobo. Ianyu? Inyobo abu kitumudak Isirael? Etunganan ngol. "Irai Ijo Etunganan imarakina bon ebe Edeke." Ngun ainakini ngul earete Nges, ido, lolo, naarai abu Aisiraret kobu kotoma otunganan ido mere Imalaikan. Ianyu? Mam Edeke epedori aijulakin eiponeKe, aijulkin Akirotoke. Abala Ngesi ebe mam ejulanakin. Ianyu? Komisiik, esumunikitai! Ido itumudikitai Imo da lolo kwape Isirael, naarai (inyobo?) aimukoret. Edeke erapiara kotoma otunganan, abu kitumudak Isirael.

112 Koany, abu Yesu kobwo kosodi atemar, "Eebo, ekonikiror erai-erai-erai Simon, kosodi ekiror loka papakon arai Yona."

Abu kotema ebe, "Ejakait Edeke! Ianyu? Pilip..."

Ebal ebe, "Koipone ali kijenunia Ijo?"

Kotema atiar, "Koany etunganan loka Isirael, loemamei aimod!"

Kotema atiar, "Rabi, iworu ijenunia Ijo eong?"

Abu kotema atiar, "Eroko Pilip kenyaunia ijo, nakijaar ijo kwap naka ekitoi, abu Eong ijo."

Kotema atiar, "Ekesisianakinan irai Ijo Okoku loka Edeke. Irai Ijo Ekabaka loka Isirael."

Eebo, ajaas ngul ebwoete kangina, ebalas, "Erai Ngol Ebelesebul." Ianyu? Inyobo abu Ngin kiswama? Apukor akonye nuka idiopet, ka aitumudak yenice. "Inyobo apotu Isasedotin kotemasi? "Inyobo, erai Ekesa Ngol Ebelesebul!"

113 Abu aberu kotema atiar, "Ajani eong ebe ebunit Mesia, loenyaritai Loinyonyokinitono. Itei ijo, ebuni Loinyonyokinitono. Mam oni kijaunar kede inabin...Ekoto Ijo korai Enabi. Konye ebuni Loinyonyokinitono abunore. Imoot oni Nges. Araas nu apaarasia nukawasia nuka Imo...arai kanuka Iyudayan." Ebal, "Erai na apak nakawasia." Itei ijo, Isamariat ka Iyudayat da amootos Mesia. Ianyu? Ebal, "Na nges apak naka Nges atakanun. Ijeni, ebe, kebu Ngesi, ebuni aswam iboro lu. Elimokini isio iboro lu."

Kotema Yesu atiar, "Nges Eong."

Ngun kes duc iswamai Eijiri. Epukori akonye nuka ice, epukokini ice Abeit, kitumudaki luce; ejaatar

akiro aarei. Ice eyangarete Okoku loka etunganan kosodete asesen cut toma naka Ngol, kosodete amudukakar; ice eyangarete Ngol kosodete alosit kede Ngol, itegelikina.

114 Kwape aponi kiswamaere kotoma nginitur, Edekeone imukora kotoma akuan naka etunganan. Komisiik, abu Ngesi korapiar. Araas inabin Edekeone, erapiara. Araas kesi Akirot naka Edeke (biai ngin edolit?) erapiara kotoma akuan naka etungana. Aso, mam apotu kimisiikisi karaida Musawok, itei ijo, Yesu.

Arapiara kokau naka imukulen luka itunga kotoma oyekalu lomojong, arai Akirot, arai Edeke itodiara kotoma amor.

115 Kwana, alosi eong aitam anyoun nepetai kotoma adakikan akaisaarei kwana, arai apedori eong, aitarauun ngin atutubet naka esawa etuboro kosawan ikany. Komisiik, arai kimisiik ijo, apukono eong acepapulai kane, itei ijo, kanu ainyekikin...ti eong enyekik aitub e...aitojaar ngin noi. Ajeni eong ebe imwaka yesi, kopasite.

116 Kokau naka eyekalu lomojong, kotoma aimukoret, arai ngin kokau kangina? Inyobo engadit aimukoret? Oo, aleluia! Inyobo engadit aimukoret? Angadit Akirot. Aimukoret, imukulen lumojong luka itunga, ebwaitai, aibwait Akirot kama ejaas akecekye, nuka akuan. Kokau kangina, da, arai imugatin luka aitodikin. Kokau kangina, da, arai Aibuses naka Edeke. Konye arapiaritari Ngin kere kama ejaas kesi. Arapiara kere. Abuses kere naka Edeke ajai cut kau naka imukulen kangul luka itunga, edolit ngin, arapiara kere kama ejaas akonye nuka akuan.

Ikoni nepene lolo, da. Enyaritai ebe "atukos naka lukalaunak luibelibelos, luikeripikitos," konye mam kes ejenete ibore yenibwaa kokau kangina. Ngun kes mam kes ejenete. Ianyu?

117 Ido neabu Edeke, kotoma aitim, kocilia aimukoret kanu kes aanyun, emukora kesi noi kaneajaas inonosiokec ngul...aroko ngin erapiara kaneajaas kesi, karaida kiton lolo.

Kwape kwangin lolo! Aibuses, Apedor naka Emoyo Lokalaunan, Aibuses naka Edeke naebuni neejai ekeyuunan, kwana apeleikinit eong eyuunan ngol lokabeit, idupori ngin aswamisio nuka Edeke ka aiyuun alomun tomake, kanu aiyuun Akirot naka Edeke, erapiara ngun kere kama ejaas akonyecec. Ebalas ebe, "Atuboros iboro ngul." Itei ijo, eroko kesi ejarete kokau naka aimukoret.

Mam bobo yesi ijaas kau naka aimukoret kangin bobo, Ludidik, idelelei Edeke kaileleba mamakus.

118 Kapaaran kaya, Onac Fred Sothmann, Onac Tom Simpson...Mam eong ajeni arai edolunit ngesi ne arai mam. Luipu kotoma kaoni kijai ngina okanisa lo Baptist, kosodi ejaanakinan alimun icebore yenasubit bala ajok noi. Apotu kere atemas, "Amen!" Abu nginitunganan kotoma okanisa korio ekemorosing kuju kosodi angoliar kau. Ianyu? Ianyu? Ianyuni oni idis noi luaponitos kokau naka Aibuses naka Edeke kangina, ijani ijo, ido kipou asubitos bala iyalama adumun ngin. Kipou, atemas, kakiro ace, "Eyalama, Ejakait!" Ianyu? Ido, nakeswamata ngun, arapiara ikesa ngul noi apotu kokienatar ngin. Mam ajenete apolou naka Ngin kere. Ianyu? Eroko kesi erapiara. Aso, ejaas ice toma kosodi ice kinga. Ido kwangin...Konye idelelei Edeke kaileleba mamawok, erapiara. Kwape kwangin kwana!

119 Kosodi do neabu Edeke, kotoma aitimike, kocilara aimukoret, aponi Nges kisideleleunai. Konye, emukoro kesi noi kotoma oinonosiokec, aroko Ngesi erapiara mamakec.

Kwape kwangin kwana! Abuses ngin kere, ingadad, ingadiatai kanuwok kotoma Kristo, Akirot, Loerai Eyekaluwok.

Oo, kwana, alosi eong adidulokin toma kana mot. Kitimoi eong kanuka aipupuka atupuruc na, konye, oo, abu eong-abu eong akoto ainakin nu adaun aojau noi...eong...iwenuwenuna noi kotomaka. Ianyu?

120 Komisiik, Aibuses kere naejai neejai Edeke ejai toma Akirot. Arerengusio kere nuejaas neejai Edeke ejaas toma Akirot. Ibwaitai, kama ejai yenimam iyuunit, kede inonosio. Ianyu ijo nuapeleikinit eong? Konye ejaas kere toma Kristo. Kere nuarai Edeke, abu Ngesi kolacun Elopel, "kenos," kosodi abunore toma Kristo; ido oni, kotoma Kristo, ijai kau naka aimukoret.

"Eebo, ajai eong toma Kristo," ibala ijo. Ido kiyunite ebe ejaas Idekesio iuni? Kibatasai Kokiror loka "Papa, Okoku, ka Emoyo Lokalaunan"? Kiyuunite inonosio kere ka iboro luiyuunit ijo, luka imakio? Mam, iroko ijo ijai kau naka aimukoret. Ianyu? Kolom toma aimukoret. Nges, Kristo, nges Akirot.

Eipone ali? Mam eong eyuunit aitangal naka Edeke. Mam eong eyuunit nukaumokin nu ka aiboro kwape kangul."

Eebo, itei ijo, mam ijo-ijo ijai toma, toma naka aimukoret. Eamei ibore yenijeni ijo nuikmunitos Ngin. Ianyu? Kristo nges Akirot! Ido nakijaar oni toma Akirot, ijai do oni toma Kristo. Ido eipone ali apedoria eong ajaut toma Kristo, kangerite Kristo? Arai Nges nges abala ebe, "Mam iyatakinio Akirot adiopet da arai alemar awai kotoma." Eipone ali ipedoria ijo alemar kotoma, arai aiyatakin toma, do? Itei ijo, itoduni ngin aimukoret nairapiarit ijo. Ianyu?

121 Oni kotomaKe! Kasodete oni, kwape kijaar tomaKe, iroko oni irapiara neejaas luka idiinin ka luesiomaritos noi luka akwap. Itei ijo, Aibusesuwok nakijaar ka ainumunum, iroko oni isalakinit irapiara neejaas lukokinga. Eomitos ebe irai oni "luka ikerep, ibangiok," bobo. Ianyu? Ianyu? Edolit ngin. Konye oni lukijai toma ne, toma Kristo, kibatisaikinitai tomaKe, (Ikorinton Lusodit 12), tomaKe, irai ikamorak luka AibusesuKe. Ianyu? Konye mere kinga; iroko ijo iseseni toma, kongerite Ngin. Ianyu?

Aso kwana isukunyikinitai oni tomaKe, araut ikamorak luka ngun kere nuerai Ngesi. Isukunyikinitai oni tomaKe, naibwaitai kama ejaas lumam iyuunito, kede aimukoret naka akuan naka etunganan. Ianyu? Ejenete kes Aibuses ngin, esiomete nuka Ngin, erai Akirot kotoma kane, "Aibuses naka Edeke" ka iboro kwape kangul, erai akirot mamakec. Mamawok erai aitodiaret! Ianyu? Mam bobo erai akirot; erai ibore ilopet! Amen!

Kotema Edeke atiar, "Kojaun aica." Arai ngin akirot. Konye kwana erai aica. Mam bobo erai akirot; erai aica. Itei ijo nuapeleikinit eong?

122 kwana mam bobo erai Akirot naiwadikatai bon mamawok, erai ibore ilopet. Ijai oni tomaKe. Kwana ijai oni ainumunum. Kwana kiseseni oni Nges. Kwana itei oni Nges, Akirot, Akirot itodiar. Ibwaitai, kokinga kangina, naarai (inyobo?) imukoritai kotoma akuan naka etunganan. Ianyu?

Oo, ebalas ebe, "Atukos ngin naka itunga, osomero bo ali elosito kesi? Asioman ali kijaatar yesi? Aibo, elomunitos bo kesi akaibo? Atukos bo ali-ali-ali elomunitotor kesi?" Ianyu? Huh! Itei ijo, mam kes emisiikinito Ngin.

Abu ediopetunganan kolimok ece etunganan, kapaaran kaya, ebe, "Ebeit ijo ajaut toma orionget kanu araut Ekrstayot."

Kotema atiar, "Arai eong Ekristayot; mam eong ajai neejai edio kakesi." Ebala, "kwana inyobodo iwomoomoi ijo kanuikamunitos ngun?" Arai loasiomarit noi. Ebala "Kitodikinai eong idiinin luiswamaete ngin." Ianyu? Eebo. Ianyu? Eroko erapiara.

123 Ijai oni toma naka Kristo. Kwana, kwape kolo, ikeyuunak kere lukabeit eanyunete Nges, Akirot naka aisumunet naka apak kana, kitodiaritai kaidel. Erai ngin akirot naapolon arai ipedori ijo aanyun. Ianyu? Ianyu? Ikeyuunak kere lukabeit, luejaas toma Akirot, esesenete Edeke kaidel. Ecilara aimukoret, ebwoi Edeke kidelelei neijai ijo, kitodiara. Ianyu? Edeke, kitodiara, kopukoro.

Kanu apedor aswam nu, ibusakinit aimukoret namojong naka einono loka ediini kocilarai bobo. Kanu cut abeit apedor aanyun naerai Ngin, ejai ijo alomun kinga kotoma akidingos naka iboro kangul. Ianyu? Mam ijo ibuni aswam ngun; inyikokinete airiinkin aimukoret ngarenekon, nginipak, "Oo, emamei ibore kotoma Ngin." Konye kane iwadikatai Ngin, ido kane ejakai aitodiar Ngin, itei ijo. Ianyu?

124 Kwana, dobodo arai kenger itunganan aanyun akolong, kobala ebe, "Oo, kangina, ajeni eong abala Edeke ebe, "Kojaun aica," konye emamei ibore kwape kangin. Ajai eong alosit kwap agoola naka okwap. Anger eong-eong aanyun ngin"? Emunaara ekesa ngol akou. Ejai ibore yenerono kanges.

Ejai icebore yenerono kede ekiliokit ngol arai aberu ngin, epedorit asesin aisumunet naka Edeke ido, asesin Ngin itodiara, kosodi ainger aiyuun Ngin naarai iriuni ediini aimukoret kwap. Itei ijo, erapiara!

125 Kanu apedor aswam nu, ibusakinit aimukoretewok naka einono loka ediini kocilai, kede Emoyo loka Edeke loka Akim ka Ekileng, loerai Akirotoke. Duc Akekirot nges Ekekileng. Ianyu? Kosodi Ngesi alemun Ekekileng apak ngin, ileleba Akim, kosodi acilar aimukoret anyoun kokuju kiton kwap. Iswamai Ngesi ibore ngipengin kede Ekileng ngopengol lolo! Mere "etaleka, eitaboka loka isaan, atikasimuka." Konye Ekileng loka Ejakait, itei ijo, etiaini aimukoret kwap, kosodi ijo aanyun Edeke ebwoi kidelelei, kitodiara kotoma AkirotoKe. Erai bo lolo aideleleun na nakaibuses biai kanu asesin! Ianyu? Eebo. Emoyo Lokalaunan loka Edeke ka Akim, Ekekileng, ecilari ngin. Ecilari Akirot aimukoret naka ediini.

126 Eebo, arai bon kitema ijo ebe, "Akirot," ido komam Akirot iswamai? Inyobo ajokis naka Ekileng ajaut ne, ido kobala ebe, "Mam epedori aicil"? Ibalai ijo ebe, "Uh," ido komam epedori aicil?

Konye kiperik ijo Ekileng ngol loka Edeke kaju ngina kosodi asesin ngin ecila, itingitai ngin-ngin kede akan nainyonyokinitai najukunitai aswam ngun. Itei ijo, ecilari ngin cut kiton apukor, ido Ngesi ngol nen. Kanen kitoduni Edeke etakani idelelei, Yawe lokapolon. Erai ngin Akekirot kitodiario, atutubet naesumunikitai neejai apak na. Yesi ianyutu Ngin? Ianyu? Neejaar Ekileng, loisumunikinitai kanuka lolo, kotoma apak kana, loebait nges araut, kosodi Edeke alemun Ekekileng kosodi aicil aimukoret naka ediini kosodi airiun ngin kau, kosodi atakanun Elopit kosodii aitodiar ebe ejai Ngesi, eroko erai Epir ngopengol loka Akim. Komisiik ebe, erai ngin Akirot kitodiaritai kanuka aisumunet naka lolo.

127 Iseseni oni Ngol kwape abu Petero nakebalar ebe, "Ejakait, kilosi mam ejai ingai, akaulo naka aanyun Nu?" aibo kilosi? Ekanisa ali kilomari, kourikitete isio neejai Ediopet? Ianyu? Inyobo ti...Ediini ti ali bobo kiloma ijo akaulo naka ajenun Abeit na, itei ijo, nakengeritotor kesi (nginidiopet) Ngin? Nginidiopet

kakwesi! Mam eong adumunit ediopet loetemari arai aswam idiobore kanuka Ngin. Eebo. Edolit ngin.

128 Abu eong etegea isapaalin lu kokwap kalailo, nearaatatar ikanisan akaisaongon kotoma aiboisit adiopet kes etemonokinete; neadolio eong ngina, amameotor eong edio. Ngolidiopet kakesi abala ebe, "Iyuunit ngesi ayuara Namam Edaun." Abu ngin koinak luikisila elomarete kinga. Ebalas ediopet ebe, "Ibatisai ngesi Kokiror loka Yesu." Koinakini ngin luce kere kangul alomar kinga, itei ijo. Aso, abu ediopet kotoma kakesi kotema ebe, "Iyuunit ngesi aur naka emun. Emameotor emun aur! Abu ngin koinak..."

Abala Ebaibuli ebe, "Ebwaikini asurup kiding Aur naka aberu ka aur naka emun." Ianyu? Itei ijo nen?

Ngin, a-aimukoret, ekajar awai naka Akiro. Ianyu? Edolit ngin. Epukokinitai idwe ludidik. Ikajaritai kaju. Esesenete kesi Ngin. Ido abuni eong araun, kwape alimunitor eong acepaaran...Edolit ngin. Kwangin ebuni do ajaun, kwape kalimunitere sek, "Kiany ijo," nakelemarere aimukoret na awai naka Akiro, alemar inonosio awai naka Akiro, kwape kalimunitor sek Yesu, "Kiany ijo Eong, kiany ijo Papa." Ianyu? Edeke kede Akekirot erai ipe. Biai kimisiikisi yesi kwana? Nakitodiarere Akiro, inyobo Ngin? Ianyu?

129 Abala Yesu ebe, "Kingicata Nuiwadikaere, iwomitos yesi ebe ijaatar A-...Kiyuutu Edeke, Eong da kiyuunai. Arai mam Eong eswamai aswamasio nuka Papa, kwangin mam do kiyuunete Eong. Konye arai eswamai Eong aswamasio, Eong ka Papaka irai Ipe. Kiny ijo Eong, kiany ijo Papa."

Ido kiany ijo Akiro kitodiaro, kiany ijo Papa Edeke, naarai Akiro nges Papa. Akiro nges Edeke. Ido Akiro itodiaritai, nges Edeke Elopel elemuni Akekirot Obe kosodi aitodiar Ngin kakidingos naka ikeyuunak. Emamei ibore yeneinakini Ngin ajar kidimarai ikeyuunak, ikeyuunak bon. Mam erai...Mam Ngin ebuni...

130 Ipedori ijo alemun akimait kosodi airakin toma-toma alupok nuitegelikina, mam ebuni apoloor. Konye, inyo, ekoto kojaatar eiponece loka ebolia kotoma alupok kanu aitopoloun akimait. Ido arai emamei-erai... arai mam ebolia kotoma alupok-arai mam elomuni kaneejai ebolia ngol, mam ebuni cut apoloor. Aso mamace needoi Akiro, arai mam edoi toma otau loibecokina...

Abala Yesu kwangin. "Apotu ice kodooto ariri naka erot, angangam, kosodete ikweny luka apak abunore kosodete anyamar." Kosodi bobo Ngesi atemar, "Apotu ice kodooto akukwa ka isugugur, luapotu kopoloutu kosodete arasakin aradakin," inonosio, idiinin, aiyalongongo naka akwap abu koridak Ngin. Konye abu kotema ebe, "Apotu ice kodooto alupok nupusuk kosodete aira akwatat," ebalas, "erai ngin Ajakanut naka Edeke."

Erai kwape kwangin, itei ijo, mam ice epote aiyuun cut.

Ice iyuunete ipak edit, kwape ikiyakia. Atupitos Nges, luipu kakesi, apotu akaisakanykaarei koputa Nges adaun ikar, kanu ajenun; nepetai ekaru arai ikar iarei; kanu ajenun, kiton nakejenuniata icebore kotomaKe, ice...bala kaape eceipone loajatar Ngesi acepedori kanu aswam iboro lu, arai bala kwape imageger luka ipoo, ecludan loka eceipone, nuapedorit Ngesi aswam kanu aitolomun iboro lu, eipone loapedoritor Ngesi ajenun nuajaas otauon luka itunga ka nuaomoomoete kesi. Kosodete kesi ajenun awasiake ebe abala Ngesi ebe "abunit kotoma Akuj," arai "Ngesi Akiro alopet obe." Ido nakeswamata ngun, arai ngin nalangir noi kanukec. Apotu kotemasi, "Emamei itunganan yenedepori amisiikin Nu." Kosodete konyoutu kamaKeng. Ngun kes luapotu kodooto okukwa.

131 Inyakuni bobo neejai ibore ngipengin, kotoma nginitukos, ejaatar ikeyuunak lukesoswai, lumam iyuunito, ka ikeyuunak. Erai duc kwangin kotoma nginitukos. Idumuni ijo kes apak kere. Ice kotoma kakesi esubitos bala eraas ikeyuunak, ngol nges lokaronon kakere. Ido ejaatar kesi ngul lumam cut abeit eraas ikeyuunak; mam ngol ebuni aitapas ijo, abuni anyoun alosit kosodi aijangijang akekou. Konye luka luisoswaikinitos, ebalas ebe eraas kesi ikeyuunak, ngol nges eipone kalo, ngol nges eipone kalo ebeit ijo angicakinit, nges ikeyuunak ngul luka esoswai. Kosodi do ejaas ikeyuunak lukabeit. Itei ijo iuni ngul kanen?

Ajaas lumam eyuunito. Katipet nakelimunio Ngesi ebe, "Ainyam akuan naka Okoku loka etunganan," oo, etunganan, arai ngesi ngol!

Luce araas ikeyuunak lukesoswai. Apotu kosalakisi kiton, bala kwape abu Yuda Iscariot kiswama, cut kiton angeset.

Konye do ikeyuunak lukabeit, mam apedorete aitetemun Ngin, konye apotu kiyuutu Ngin, kwape kwangin. Apotu kolototo cut ngaren.

132 Aimukoret, einono loka lumam iyuunitos, elemar awai, ianyuni ijo Edeke. Kelemar awai aimukoret naka einono, ianyuni ijo ebe eroko Edeke erai Edeke loka Akekirot. Eroko Ngesi ericit Akekirot. Erai Ngesi-erai Ngesi Edeke, Ekewadikan loka Akekirot.

Ingaditai ngin kokau naka aimukoret naka imukulen, kama ejaas ice. Eebo, edolit ngin. Mama ejaas ngul lumam epedorete alosit kau naka aimukoret, eroko Ngesi ejai kau naka aimukoret naka imukulen.

133 Komisiik. Kasodete do, oni, karaunos do oni atutubet naka Ngol, bon ebe ejai Kristo tomakon, kwape araar Kristo loka Edeke. Naarai ajai Edeke tomaKe, abu ngin kitarau Nges Edeke. Ido kwape ejaar Kristo tomakon, amun naka Aibuses, iraun ijo atutubet naka Kristo. "Ngin yeneyuuni Eong, aswamisiso nueswamai Eong iswamai ngesi da." Ianyu? Iraun ijo atutubet naka Kristo bon ebe ibwaa Kristo kotomakon. Kwangin erapiara do Ngesi kaneejai yenimam iyuunit, konye ijeni ijo ebe ejai Ngesi tomakon. Irapiarit ijo Kristo loejai juwai naka aimukoret, emukule. Kwangin do oni...naar-..Juswai, kanuka aimukoret kana, aimukoret bobo kotoma akuan naka etunganan, ibwait Edeke (Akirot) kama ejai yenimam iyuunit.

134 Kwape kiwadikaterere, itei ijo, "Iwadikatai ebe, iraa yesi ibaluan luiwadikatai," abala Ebaibuli. Kwana, inyobo ebalua? Erai "akirot naiwadikatai." Ido iraa yesi (luiwadikatai." Kakiro ace, osiom Ngin kwanata, "Yesi," abala Ngin ebe, "iraa yesi ibaluan, arai ebe, "iraa yesi Akirot, naiwadikatai, kitodiaritai," emamei idiobore yenedepedorio aiyatakin tomaKe. Mam ijo ipedori atemar, "Arai eong ebalua loiwadikatai," ido kojari eiponece loka icebore kidimarai yenedaunit Lo aiwadik, [Ibapi Onac Branham Ebaibulike-Ekewa.] naarai emamei ibore yenedepedorio aiyatakin arai alemar awai.

135 Kwape ejaar Doctor Lee Vayle aiwadik eitabo loejenara lo, akoto eong yesi aanyun ngol akaulo naka ipak yenedit. Ejai Onac Vayle ne, ejai aiboisit ace nenice. Aanyunit eong nges kokinga. Mam eong aomit arai epedori ngesi alomun toma. Konye ejai ngesi aiwadik eitabo kangina, ido-ido erai loepol ajoki noi, loka Atur naka Laodikia. Ido akoto eong yesi...Ebuni alomun kotoma apapulai eyapie noi. Aso, kijai asiomar ngol irwan nakawasia kwana. Ido ajai ngesi aiwadik, ido kipou ajaas aimor Ngin kotoma kangina, itei ijo, nepetai...

136 Nginitungana kere ebunenenei duc neajai eong, kobala ebe, "Onac Branham, agirokineta ngun akanyaareei nuabu eporoto kogat, kosodi Ngesi atemar, "Sirikiwadik Ngin, itei ijo, konye kipucak Ngin," ebalua "epote ngun araut agirokineta akanyaareei nueponio apukor kotoma apaarasia nukawasia, itei ijo, agirokineta akanyaareei nuepote alimokin oni?" Kwana, mam kereka ngin esubit bala ejok noi? Ianyu? Konye kongic nuinera ijo nakilimunia ijo ngun.

Abala ebe, "Koany ebe kiwadikai ijo Ngin." Ianyu? Agirokineta nu akanyaareei apotu kogatutu ikeceporotoi, itei ijo, kosodi Ngesi atemar, "Mam iwadikai ngun, itei ijo, konye ibusakinit kipucakinai toma Otabo kiton apaarasia nukawasia."

137 Kwana ajai lem icetunganan, ejaas lem ice elimonokinete eong, ido abalas luesiomitos akiro nuka ediini ebe, "Onac, Branham, arai Ejakait Edeke..." Ebalua ebe, "Arai-arai...Kede aijenekon, nainaki ijo Ejakait kanuka itung kalu," alimuni nu kaiyapaara, ebe, "ibecokina do ijo ti a-aiwadik Ebaibuli ijo ilopet, Akirotokon, arai kitodiara Edeke."

Abu eong atema ebe, "Epedori ngin korai abeit." Itei ijo, atamit ngesi aikamun eong. Ianyu? Abu eong atema ebe, "Konye itei ijo, mam eong apedori aswam ngun."

Ebalua ebe, "Inyobo mam ijo kipedoria? Ijaatar ijo nginibore kere yenipudai."

Abu eong atema ebe, "Konye, koany ber ijo, mam epedorio aiyatakin adiopekirot arai alemar awai." Ianyu?

Kosodi ngesi atemar, "Eebo, aso, agirokineta ngun akanyaareei, itei ijo," ebalua, "Mam kereka agirokineta ngun akanyaareei nuaduonoros, mam kereka ngin ebuni araut Apukokinio naepukokinio ecetunganan?"

Abu eong atema ebe, "Mam, lokapolon, ebuni ngin araut aiyatakin icebore neejai Ngin arai alemar Icebore kama ejai Ngin."

Epukoro kere kotoma Kangina, ido apotu aipuceta akanyaareei kopukosi apukokinio naka nuarai Ngin. Ngun kes nuarai ngin. Itei ijo, eroko ejai toma Akirot. Itei ijo, mam ijo ipedori alemar kinga naka Akirot kangin. Mam epedori ajalakin Akirot. Ido mam Emoyo loka Edeke epedori ajalakin Akirot ngin; kitumudaki ice, kosodi apukor akonye nuka luce. Ebuni duc aswam ngun.

138 Iraas yesi ibaluan luiwadikatai, luesiomete itunga kere." Arai, irai ijo...Eong ejuli Ngun, kibelok lailo, itei ijo, ibelok ber Ijo Ngin lailo, "Iraas yesi ibaluan luiwadikatai," naarai mam ijo ipedori aiyatakin idiobore tomaKe, "luesomete itunga kere; Akirot naitodiaritai naka Edeke," kotoma akiro ace.

Kosodi Petero ka Yokana, kanu aitodun ngin, nakelosioto kuju ngina, apotu komisiikisi ebe mam asiomitos ido mam asisiatos, amameotor kesi asioman adio, konye apotu komisiikisi ebe ajaas ka Yesu. Ianyu? Abangaka ido komam isisiatos, konye araas kesi ibaluan luwadikatai, itei ijo, apotu kosiomutu ebe ajaas ngul ka Yesu. Naarai, ajai Yesu aitodianar kama ejaas kesi, Kristo erapiara kotoma awatekec; itodiara, kitajarunitai.

139 Kwape ajaar Ngesi toma Musa. Neajaar Akirot toma Musa, arai ngesi Edeke kotoma akuan. Neajaar Ngol toma Yesu, arai Edeke kotoma akuan. Ianyu? Ibore bon yenabu Ngesi kismama nges aijulakin

anapito mere Akekirot mere eipone. Erai Ngesi ngopengol bian, lolo, ka ikar kere. Abu bon Ngesi kijulak Ekejautene. Abu kijulakin anyoun kaneejai Musa kiton Daudi; anyoun kama ejai Daudi, Yosep; cut kiton neadolokina Ngesi toma aileleba naka Edekeone kotoma akuan. Ianyu?

Eroko erai Edeke ngopengol! Amen. Amen. Amuno eong ebe elomari ngin toma. Ianyu? Erai Edeke ngopengol, konye bon elemuni Ngesi aimukoret ace. Itei ijo, enapakini ngesi aimukoret ace.

140 Abu kiswama ngun kama ejaas ikesikwarunak, abu konap aimukoret, kolem aimukoret. Kiton, awasia, abu kobu kwap kotoma atur naka Lutheran, cut kiton atur nace, kosodi awasia adololokin toma Angetakinet. Naperoko ebuno enyouni bobo enabi. Inyobo iswamauni, elingakini ageikin Akirot, aitodun kau ngina, apukor nuedaunitai aswam, nuedeuna, ebe ebuni Ekanisa ajaun komamei...mere komamei amisiikin. Kosodi do nakengetakinotor nu, kwangin do, kwape abalar Yokana ebe, "Ibusakinit eong aitidisiar, ibusakinit Nges kopolor," kosodi kere kotoma kakere kobuni do tomaKe. Kitodiarere do Nges kaileleba kama ejai Luther, Wesley, ka atur naka Pentekosit, ido kolosi kiton kwap, kiton kwap, itodiaritai Ngesi cut kaileleba, itei ijo, abu kobu kwape aitodiarere naka Edeke epukor: Ianyu ijo Nges (Kwana, komisiik.) kitodolikitai kotoma aisumuneteKe naka apak kana, kwape ajaatar ngul.

141 Kwana arai Musa Akirot kapak kangin, naarai aponi Akirot koinakinai neajai ngesi kanuka apak kangin; Musa. Arai Yosep Akirot kotoma apaarasiake, kitodiarite Kristo cut bec. Itei ijo, ngolidiopet kakesi arai Akirot.

Ido nakebunio Yesu, arai Ngesi Akirot kotoma aileleba, naarai ainapetait kere naka alakunio aperi kotomaKe. Ainapetait kere naka alakunio mam aperi kotoma Musa, mam aperi kotoma Yosep, mam aperi kotoma Eliya. Itei ijo, araas bon ngul atutubet naka Akirot, edodiaritos neejai Ngin. Ianyu? Kwana koany, kidarite akoniwomisiioit; kobuni Ngin kane, kwape alimunitor eong. Itei ijo, mam ainapetait kere ajai toma ngul. Adodiaritos ngul neajai Ngin.

142 Kanuka ngun, akaulo naka Ngol, Aileleba kere, mam bobo oni ipedori adodiar neejai icebore kere. Edodiarit Ngin kere kau neejai Ngesi, Akirot. [Kolemuni Onac Branham Ebaibulike-Ekewa.] Erai na Apukokinio naengetakina; emamei ibore epedorio aiyatakin arai alemar kotomaKe. Apukokinio naengetakina nges ngin. Kere ngun, araas etoribeKe loka abunore; konye nakebunio, arai Ngesi Loetekooro. Iburanian 1, "Abu Edeke kolo kinerata ka lukapapa kotoma onabin," abu Edeke kiner kotoma aimukonoreta, inabin, "konye kotoma apaarasia nukawasia kotoma OkokuKe, Yesu Kristo." Ikoni nen. Aponi kopukoroi kokinga kangina ko Kalvari, Okoku loka Edeke, epukoritai.

143 Komisiik, "kitajarunitai." Ido, lolo, nakitodiarere Akirot kotoma otunga luitwasamao, aimukonoreta, erai cut becebec Akirot itodolikinio kotoma apak kangin, naebonguni neejai Edeke. Kwape kibatisaikinere tomaKe, kwape ejaar kotoma Okorinton Lusodit 12, iraun do oni luitodiar ka Nges!

144 Abu eong alimunitite atutubet naka esawa, konye biai eong eyatak ber ngaren mot? [Kotemari atukos ebe, "Amen.-Ekewa.] Ianyu? Koany, mam cut eong apedori atwaniar na kotoma kane. Koany, aitodiar kede Nges!

145 Kwana komisiik. Imwaasi ai itunga luka America ejaas ne? Ikeutu akusikanin kuju. Eebo, irai ijo itunganan yenika America, akepolou itodiara do ijo kede akwap na. Nuerai akwap na kere, ibusakinit ijo korai. Biai ngin erai abeit? Irai ijo aibusesuke kere ido irai ijo nuka ileicike kere. Itodiara ijo kede ngin. Irai ijo itunganan yenika America, aso icamunit ijo America. Aleluia!

Ajai eong kede George Washington naketubio Delaware. Etodiara eong kede nges. Edolit ngin. Ajai eong kede Abraham Lincoln kotoma oiner lo Gettysburg. Ajai eong abwoi kangina. Ajai eong kede isirikaale ko Guam, yesi isap, nakikeunatar yesi emedera ngol. Ajai eong ngina. Arai eong etunganan loka America; etodiara eong kede ngin. Amen. Kwana, kanu araut etunganan loka America, nueraas ileicike kere kotoma ojje, ebwokit eong ngun, naarai arai eong etunganan loka America. Eebo.

146 Ido kwape Ekristayot, etodiara eong kede Nges. Amen! Abu eong ajai ka Noa nealomaria toma ataker. Abu eong ajai ka Musa naelomunia kinga nako Misiri. Amen! Abu eong ajai ka Eliya Moru Karamel. Eebo, lokapolon! Aibuses kojai neejai Edeke! Abu eong ajai kanges nakeswama ngun. Ajai eong cut abeit ka Nges, abu eong etodiar kotoma atwanareKe kalaije ko Calvari neabu eong atwania kaneejaas iboro luka akwap, neejai akuanaka ka inonosio kere. Abu eong etodiar kede Nges. Abu eong etodiar kede Nges kotoma atupuruc naka Epasika nakejarunia okatwak. Abu eong etodiar kede Nges kapaaran nako Pentekosit, neabunio Emoyo Lokalaunan kwap bala ekwam loekusi noi kagogong. Abu eong etodiar kede Nges. Kere nuarai Ngesi arai eong, kere nuarai eong abu Ngesi korai; amen, kanuka atwannare ka Nges kitodiar do ka Nges. Nuerai Ngesi arai eong. Amen!

147 Nuerai akwap na arai eong. Apoga eong araut ngun. Akapakina eong aibwok ileic. Akapakina eong aibwok amorosit kanu araut etunganan loka America. Edolit ngin. Ido erwanaikit eong ngin irwanaarei kanuka Yesu Kristo! Kere nuabu Ngesi korai arai eong da, aminakit eong aitodiara kede Nges.

Ikiyokia ngul, nakebonguniata, aomitos...akienatere, kosodete anyara idiobore kere, aomitos kwape

aibuses naepol kanu aibwokit amorosit naka Ekekiror.

Eyalama eong lolo araut idiopet kakesi, araut loetodiara kede Akirot, naerai Kristo. Etodiara kaNges! Araut luibatisaikinitai tomaKe, kiraun do luitodara; luitodiara kotoma aputoKe, luitodiara kede Akekilot, naerai Nges. Arai ajai eong toma Kristo, arai do eong Akekilot; naerai erai Ngesi Akirot, ido nuerai Ngesi arai eong da. Amen! Imisiikisi yesi Ngin? [Kotemari atukos ebe "Amen."-Ekewa.] Eebo.

148 Akirot itodiara, arai epukoro kotoma Apukokinio kangin kotoma kangina, aso inyobodo ibwaikini ngin eong? Arai erai Ngesi Aibuses ngin naka Edeke, arai eong atutubet naka Ngin. Amen! Oo! Amen! Edolit ngin. Akirot alopet epukoro, epukor alopet.

Koomoom! Aiyeyea naka Edeke kitejenunio mamawok kotoma apak kana, Ekiyakia ngopengol lokotoma Akuj loaponi kitejenunai kotoma apaarsiakec; koany, Epir ngopengol loka Akim loabu Musa; Epir ngopengol loka Akim loajai toma Musa loabu iwadik Ebaibuli; Epir ngopengol loabu kiriamunos ka Paul korotoke elosi laiye Damasiko.

Ido Paul nges abu kiwadik Aitutuket Nakitetet. Kiitu, Matayo, Marako, Luka, ka Yokana, apotu bon kesi kiwadikata nuapotu koanyutu; konye Paul ajaatar Apukokinio. Abu iriu Ngin kinga, naerai abu kiriamuna kede Epir loka Akim, nges elopet. Kosodi aoomoom, kwape ngin...

149 Kangina, Yosep, ngul kere apotu kiwadikata nualosete ngaren, ngitunganan kere ewadikai kokau kotoma apak kangin. Konye nakebunio Musa, ajaatar ngol Apukokinio. Eriamuna ngol kede Epir loka Akim, ido Aponi kopukokinai Musa eipone loajaar Ageun. Abu kiwadik iitabon iwongon lusodit luka Obaibuli, Musa abu kiswama ngun. Biai ngin edolit? Naerai abu ngesi kiriamunos kede Edeke kotoma ojautene loka Epir loka Akim, arapiara kotoma Opir loka Akim.

Nakeriamunotor Paul ka Nges korot...Apotu bon ikesisiak kiwadikata nuapotu koanyutu Nges iswamai, konye Musa ajaatar Apukokinio; abu kolot kwap laiye toma Misiri adaun ikar iuni kosodi aisisia, kosodi aanyun ebe Edeke loka Aitutuket Namojong nges Yesu loka Nakitetet, Apukokinio! "Mam eong abu amengerik aitapoet nakotoma Akuj." Edolit ngin. Eebpo!

Ido koomoom ber ijo nuka Ngol! Epir ngopengol loka Akim loabu kobunok itunga ngul luewadikaete Ebaibuli, Epir ngopengol loka Akim nges loejai ne, lolo, ijuli Ebaibuli. Amen! Eipone lokisialamikitor oni Nges kanuka ngun! Ngopengol! Ikoni bo lolo aisinapikinio ngin ai! Ikoni bo lolo aitodiar ngin ai! Eyalama eong noi araut loetodiara kotoma ngun, mam eong ajeni nuebeit aswam! Ejok do eong aitodiara kotoma Ngun adepar kede Baptist, Methodist, Presbyterian, Lutheran, ka luce kere. Aitodiara kotoma Akirot kangin neeperio Aibuses ngin naka Edeke ka Apukokinio!

150 Epir loka Akim etakani kaidelel kakidingosiwok, etodia ebe edolit Aisiraret ngin, kwape abu kiswama Komoru Sinai. Kiitu, eroko aisiraret nakabeit kolomunia, abu Musa kolimonok kosodi aingarenikin ngul alomun kinga nako Misiri; konye kangina, eroko epesikina kwap aicorakineta akulepek (aponi kitolomunai aipuceta), abu Edeke kijesun kwap ngaren naka itunga kosodi aitogogongoor ebe ejukunitai Musa kama ejai Ngesi, (biai ngin edolit?) kotoma Opir loka Akim loabala Musa ebe aanyunit ngesi kotoma okiot loanokie kosodi ainerakin kanges.

Oo, kotoma apaarasia kanu nukawasia, kanu aanyun Epir ngopengol loka Akim kakidigosiwok, kinera Akirot ngipengin; mere ngun bon, konye aijul Ngin da ka aitodiar Ngin, ka aitogogong Ngin, ebe erai Abeit.

151 Koany, Epir ngopengol loka Akim loejukakinitai Musa ka Paul, leowadikai Ebaibuli, kwana nges ijukunitai apukor Ngol. Asianut naka Edeke, Edeke lomam ijulanakin, aitodolikin aisumunet naka Matayo 28, "Koany, ajai Eong kayesi apaarasia kere"; aitodolikin Yokana Eijiri 14:12, "Aswamisio nueswamai Eong, iswamaete yesi da"; aitodolikin Luka Eijiri 17:28-29, "Kotoma apaarasia nukawasia eponio apukor Okoku loka etunganan," itei ijo, itei ijo; Malaki 4, "Koany, ejukakini yesi Eliya enabi, loebuni ainyakakin aiyuun naka itunga neejai Akirot nasodit." Ianyu? Eipone loabu na...Ianyu? Oo, ikatunga!

152 Abu Ngesi kotwana, kanu akopukokin mamawok. Kwana atwakata oni da neejaas awatewok, kanu apukokin Nges neejaas luce. Atwakata neejaas idiinin, kanu apukokin Nges neejaas luce.

153 Koany, ajaatar eyekalu lomojong tomake Aibuses naka Edeke, ka Aica naka Abuses naka Edeke kotoma Akirot. Akirot nges Ikinyomit; abu Ngin koyangau imugatin luka aitodun neejaas ikeyuunak bon. Ajaas aokot da neejai aitutuket; ido Aokot nges akipi, akipi nuitajarete icokat, akimait, ikinyomit, yenerai Akirot.

Bala kwape abalar Yesu ebe, "Kwape abu Musa ikajakina emun loka aisinit," kosodi bobo Ngesi atemar, "Komina Edeke akwapin kwanata abu koinak Okokuke loteluna; ngin yeniyuuni Nges kinyek atwanare." Abu Musa kinom atiida kamodingot, kanu aitajar itunga luajaas amudiar arai aitolomun akipi. Abu Edeke kinom Yesu, kanu aitolomun Emoyo kotomaKe, kanuka itunga luejaas amudiar. Apotu Aokot kolomutu kamaKe, nueraas, "Akipi nuka ailotario kanuka Akirot." Nueraas, Akipi kes eyangaunete Aijar neejai Ikinyomit. Ido abu kitolom Aibuses naka Edeke; abu kocaik neejai Akirot, nabu kitolom amugati loka

aitodikin. Ido emugati loka aitodikin arai bon kanuka itunga lusena. Uh-huh. Biai ngin edolit? [Kotemari atukos ebe, "Amen."-Ekewa.]

154 Kwana alomar toma aimukoret, kotoma aimukoret, kotoma Akonyeneke, neejai Akirot (mere etal), Akirot; kotoma kangina asesen Abuses naka Edeke, Shekina, Apedor, Emoyo Lokalaunan ecaikini Akirot, aitolomun aisumunet, itodunit ebe ijai ijo kau naka aimukoret. Amen!

Atub eong aimukoret naecilil neemam Aibuses adaunor, (Uh!)

Aleluia, aleluia; ajai eong Akonyen nuka Ekabaka.

Atub eong aimukoret naecilil neemam Aibuses adaunor,

Ajai eong Akonyen nuka Ekabaka.

155 Imukulen lumojong luka itunga, idiinin, atiaikin kwap. Atubor eong kotoma ngul, aloma toma Abuses naka Edeke, ido aseseni eong Akirot naka Edeke. Aseseni eong Epir loka Akim elosi. Aseseni eong Akirot itodiaritai. Nuabala Ngesi ebe abuni aswam kotoma apaarasia nukawasia, aseseni eong ngin epoloi. Aseseni eong idwe enyamete Emugati ngol loka Shekina loelomunit kama ejai ationore naka Akirot, luyuuunitos Ngin. Amen! Eumokina bo lolo esawa lokijari oni kotoma biai! Itei ijo, ajai Aibuses naka Shekina toma Akirot; ido kokwap kangina ajai Emugati. Ido ajaas Aokot, ebwasitai, naeinakin Ngin akipi. Emoyo nges einakini Aijar. Kosodi...

Imwaasi ba ai esiomitos, epupitos atepu naka aisiraret naenyaritai Awosian? Eebo. Luipu kayesi ipupitos. Itei ijo kanen, eyangaikini...

Ibusakinit Akirot kopolo. Kanuka apolo, ekoto Ngin kojai toma alup nukajokak. Ianyu? Ido einakini Edeke aisumunet, kosodi ngin atiror etau, mam epedori akurwokin.

156 Abu Noa kidar adaun ikar akwatat akaisarei. Abu Aburaam idar adaun ikar akaisarei ka lukany, idarit ikoku. Abala Edeke kwangin, ido adaunit ngin. Ianyu? Inyobo ngin? Ajai Akirot ngina icokicokio kede aiyuun, aiyuun Ngin, abu kitolom araito. Abu kitolom okoku; abu kitolom edou; abu kitolom aokot; abu kitolom abekot nabu kopotu.

Abala enabi ebe, "Epotuuni abekot." Komam abunokin konye inyo nginipese kere abu kolot kosodi aitemokin ikenapen luka imukeru okapakina. Eebo, enabi lo Isaia arai enabi loetodiaritai, loetogogongit Edeke. Kosodi Ejakait atemar, "Epotuni abekot. Alosi eong ainakin kes aanyunet nakotoma Akuj, aanyunet nakapolon; epotuni abekot."

157 Kangina, ngul kere, ikeyuunak ngul, bala kwape kayesi kere. Ido apotu kopuputu enabi ngol inera ngun, nginipese kere...Ngolikit abu kotema ebe, "Elosi ngin araun akokuka. Eebo, ipa." Nginitunganan abu kolot kosodi ayangaun imuk luka idwe ka iboro luedakere idwe ka nginibore kere, akapanakin, naarai ajenete kesi ebe alosi ngin adumun apotun. Abu atur kotubor, kosodete kesi aoomoom ebe, "Enabi ngol loetodiaritai, loetogogongit Edeke, eipone ali tikelimokina ngesi oni ibore yenibucara? Ibusakinit ajaun kwangin!"

Arai ikar akwatakanykauni ekaulo, kosodi abu ngin kouru ikoko. "Edaunos akuj ka akwapin, konye Akakirok mam edaun."

158 "Ido ebuni aitodolikin kotoma apaarasia nukawasia," ebalala Edeke. Itei ijo, oni lu ne, Aica kotoma Akirot. Kwape kijulakina aica naka akolong ikinyomit anyoun aibuses kiton aibuses, oni da kipou aputokinos-kiputokin noi kwape kaNgesi kwape kijaria Akonyeneke; bala kwape kaNgesi, kwape kiputoorio Akesima naisirerengitai kwape kilosio kaNges.

Kosesen nuiswamai akolong. Kiraik ijo ikinyomit, inyobo iswamaun? Ebosiari ikinyomit. Toma naka ikinyomit ejai aijar. Elomuni aijar kosodi aitolomun atorom. Kwana, mam ngin eputosi kede ibore yenisodit.

Ngol nges Luther. Arai atorom. Eebo.

Abu atorom kolot ngaren ido, ibore yenisodit yenijeni ijo, abu kitolom aliliget. Itei ijo, arai ngin aisikwarunio naka Wesley; mam aputos kede nace ya.

Kwangin kobuni do aisikwarunio nako Pentekosit, itei ijo, abu koyangau aibatisao naka Emoyo Lokalaunan. Eebo.

Inyobo abu kiswamaun? Adumunete oni elos kotoma akiot. Kogeuni amunaar. Ibore yen, ibore ngin, mam eputosi kede Akirot. Mam eputosi kede Ngin kere. Mam erai bala kwape Ikinyomit yenageunet yenabu koloma toma.

159 Konye eroko Edeke ejai kanu aswam ngin-ngin koipone kangopekangol. Koany, nuiswamai ngin? Awasia ebongori cut kiton araun Ikinyomit yenisodit bobo. Nealomuna Ngesi toma kotoma ojaautene loka Martin Luther; neabu kolomuna kotoma ojaautene loka John Wesley; neabu kolomuna kotoma ajautene loka Pentekosit; ebeit bobo Nges apukor bala kwape Ikinyomit ngipengin yenabu koloma toma, Okoku loka etunganan. Abu Ngesi kopukor kwape Okoku loka Edeke, kotoma atur naka atorom kaceda, konye

kotoma atur kana nakawasia ebeit Nges apukor kwape Okoku loka etunganan bobo. Kimisiikis yesi ngin? [Kobongokini atukos ebe, "Amen."-Ekewa.] Eebo, kwape kageunet, inyongunitai!

160 Ido epolooor bo atorom ngin araun inyo? Epoloi apak kere. Epoloi atorom, eroko erauna bala kwape ikinyomit yenageunet. Mam karaida aisiraret naka Luther; mam, kopote do a-aisiranareta nuce, Finney, Sankey, Knox, Calvin, cut kiton kwap, emamei adio kakesi. Araas kesi aisiranareta konye, inyobo, mam apotu kodumunitos Apukokinio naeleleba naka Ngin naarai mam ber arai apak. Mam ijo ipedori aibwaikin akiot toma omudunga koroko apak naka alomun. Ianyu? Kosodi do, awasia, kobonguni do bobo Ikinyomit yenageunet yenabu koloma alupok.

161 Itei ijo, etupit Edeke esube cut becebec. Itei ijo, aurunitai Nges erai imerekek, ngin nges apolou aurikinere Nges kinga kotoma atuba. Mam imerekekin eurinikini ojam. Itei ijo, aponi Ngesi kingarenikiai Kalvari. Imerekek, amerekekin ingarenikini aingarenikin. Edolit ngin. Apotu akinei kingarenikis kes aiboisit naka aario, ijenete yesi ngun, togo loka aario. Akinei ingarenikini kes, konye ebeit kes aingarenikini. Huh! Edolit ngin. Aso aponi kingarenikinai Nges aario, itei ijo, naarai arai Ngesi Imerekek.

Nginibore kere etodiarit Ngesi kotoma osube. Ngin nges apolou aponi kourunere Ngesi kolap lokiuniet arai lokiwongonet, mere Olap Lokitomonet ka luarei; mam Nges apedori, ejaas ipuutin akaisaarei luka akako kangina kotoma apak kangin naka ekaru. Mam, mam arai edeke lokolong konye arai Ngesi Okoku loka Edeke. Ianyu? Edeke loka Iromayon lokolong nges arai akaisaarei ka lukany naka Elap Lokitomonet ka luarei, ketub akolong aiboisioke kotoma kangina ido ajaatar kesi aiboisio nuka airiamunun nuka Iromayon, kosodete anyara apaaran naka aurio naka edeke lokolong, kosodete aitarauun ngin naka Okoku loka Edeke. Mam, mam. Arai Ngesi Okoku loka edeke. Akepaaran naka aurio aupasi kede esube loce kere. Becebec.

Kwana komisiik bobo kwana kwape kilosio oni ngaren, kideikina oni apak naedit.

162 Kwana kaitekooro. Kedau atorom aiswamaun; kedau aliliget aiswamaun; akaulo naka ikinyomit adolokin toma aboolet; akepolou ejai do adoloki toma aitekoro, abongor neejai ikinyomit bobo.

Ido, kiitu, ekoto ikinyomit kojaatar aijar. Ianyu? Arai mam, mam ebuni aijar. Ianyu? Emamei edio kotoma kangul lojai kinga naka aisiranareta kangun loebuni Ajarun. Ekoto kitajarunitete neejai Ngin. Konye, kiitu, Aijar ngipengin najai neejai atorom ejai toma okinyomit da. Ejai bon ngin ationore abongor kau, itei ijo. abu Ngesi kopukor kwape, (inyobo?) Okoku loka etunganan, ikinyomit yenabu koloma toma alupok. Yesi imisiikis aisiraret? [Kotemari atukos ebe, "Amen."-Ekewa.]

Apotu Iyananin kotemas Nges atiar, "Ikoto isio aanyun Yesu."

Abu kotema atiar, "Arai mam ikinyomit yenemudunga edoi toma alupok." Ianyu? Eebo.

163 Kwana abu bo Ngesi kotupak apukor kwape ingai? Kotoma ojautene loitegelikina; atorom ka aliliget, kaceda, ka akwi kere ka nginibore kere. Abu do Ngesi kopukor kwape (inyo?) Emoyo ngopengol, konye kotoma ojautene loitegelikina. Ianyu? Konye inyobo ibore yenewasia yeniswamaikin emudunga ngol? Ebonguni bobo cut kiton araun ikinyomit yenageunet. Biai ngin edolit? [Kotemari atukos ebe, "Amen."-Ekewa.]

Kosodi do aijaanakiniKe abunore, kama ejaas aisikwarununeta ngun, abongor neejai Akirot nakageunet bobo. Ebuni Akirot neejai enabi. Ido esumunikit Ngesi ngin, kotoma Malaki 4, "Ido kanu ainyakar Aiyuun naka itunga kau neejai ikinyomit yenageunet." Ibore yenabu koloma alupok ejai ne erai ibore ngipengin. Alomu ikinyomit kotoma kane. Elomuni kwape Okoku loka Edeke, kwana epukor Ngin kane kwape Okoku loka etunganan, kosodi Ngin apukor kwape Okoku loka etunganan, kotoma Oicolong. Itei ijo, Odwe ngul iuni, cut bec. Oo, ikatunga, bobo bala kwape yenageunet!

164 Kwana kanuka aijaanakin naitekoro naka Nges elopet; mere ecetunganan, mere ecediini, kwape keswamatar ngul anatar atur kere kangina, itei ijo; konye Nges elopet itodiar, itodiar Ngesi elopet neejai aisumunet, ainakin Luka Eijiri 17:28, Malaki 4, kaiceda, Iburanian 13:8, aibecokin cut ejok. Kotoma apak kangin, apak bo ani ebeit ngin araut? Neejaar Ikinyomit yenika Aburaam emoot aisumunet naka Okoku. Ido aitupuseta kere ibusakinit aitodolikini. Kosodi Edeke elopet atakanun kotoma ojautene loka etunganan, neejai ikinyomit yenika Aburaam yenakuan, eroko amudiario, ido abala Yesu ebe abuni araun ibore ngipengin neejai Ikinyomit yen eroko Okoku loka aisumunet ebongunio.

165 Koany aimukoret namojong naebwait Aibuses. Imukulen lumojong luka itunga, amamei aibuses tetere ipudakin ngin; karaida akuanaKe. Ngin nges apolou nabalatar itunga ebe, "Ekesa loamojongit loegwegweuna ikeperin koipone kangol?" Nepetai loka ikar akaisauni lukapolou, ido kojaas akoruo, ido okwangak Akemasiribun da, ido amameete nuipu nuabeit asesen. Abala Ebaibuli ebe, "Amamei aibuses tetere iseseni Nges." Mam aputos bala kwape Ekabaka, imukulen lumojong luka itunga, konye, oo, inyobo ibore ajai toma!

Ido atukos naka "lukalaunak luibelibelos" Iboiete nepepe kotoma aduketait naemwana koipone kalo,

enyaratos kesi kwangin, amamei aibuses nabeit asesen, konye inyobo ejai toma! Aomit eong ebe erapiara kama ejaas itaun luipu, ianyu ijo. Ianyu ijo? Eebo.

166 Kokinga mam Ngin arai ibore, konye kere ajaas toma. Kijaun ijo tomaKe, kwangin ianyuni do ijo Ngin. Eipone ali kilomaria ijo tomaKe; aijang akanin, alomar? Mam. Kiurikinio tomaKe. Atwanare, alemar emukulekon lomojong loka etunganan, itei ijo, akonijar namojong, alomar toma nakitetet. Ianyu? Aijal emukule lomojong loka etunganan.

Mam Aica naka Edeke...Kopupokisi ijaanakinak! Ijaanakinak, akoto eong yesi apupokin Nu. Kiloma ijo toma...Alosi eong aitapatan nu cut ejok noi, tetere yesi cut imisiikinete Ngin. Kiloma ijo toma naka aimukoret, kwape naka Aibuses naka Edeke, Aica naka Shekina mam elemuni Akirot naka Edeke kosodi apukokin oni Yesu araut "ekadwaran," mam, kwape kiswamata idiinin lolo, "aikerepikit, lokalaunan loibelibelo, Ebelesebul." Aibuses naka Edeke mam epukori Ngesi koipone kangol.

Konye Aibuses naka Edeke itotioni Ikinyomit yenisumunikitai kanuka esawa kangol, yenika Akirot, aitodun ebe eroko Ngesi as alit erai Apecelit naka Aditot. Itolomuni Ikinyomit ngin, Apecelit naka Aditot, Emugati loka Aijar, Alpa ka Omega, Ngesi ngopengol bian, lolo, ka ikar kere. Erai Ngesi adutakineta naka Ikeyuunak. Epukokini Aibuses naka Edeke, neejai ikeyuunan, erai Ngesi ngopengol bian, lolo, ka ikar kere.

167 Mere, "Apaarasia nu, atubor Ngesi, ido abu Ngesi kotwana ido angetakinis kere." Aso opapero, arai iyuunit ijo ngun, arai iyuunit ijo ngun, mam do ijo kitiroritor Aibuses naka Edeke. Eipone ali epedoria Aibuses naka Edeke apukor Nges kotoma otunga iuni? Ianyu? Eipone ali cut epedoria Aibuses naka Edeke apukor Nges kwape loibatisai, itunga, kokiror loka "Papa, Okoku, ka Emoyo Lokalaunan," komamei itunganan kotoma Obaibuli yenibatisatere koipone kangol? Eipone ali epedoria Aibuses naka Edeke aitidisiar Nges kiton araut ekiyokia, korai Ngesi ngopengol bian, lolo, ka ikar kere? Ianyu?

Aibuses naka Edeke itodiari Nges. Itolomuni Akirot naka aisumunet, cut kiton neijai ijo. Ngin nges apolou ainakini Nges erapiari ereet loka Musa, naarai tomake ajai Akirot. Abu Ngesi korapia Yesu, kwape Etunganan loeyapaara, kanu ariebor kes kotoma aanyun Yawe. Ido erapiara Ngesi lolo da, kotoma oboro luka apua luitwasamao, kede Aibuses naka Edeke. Esubit kokinga bala atukos naka lukalaunan luibelibelos, imukulen lumojong luka itunga, konye tomake ibwait aibuses naka Edeke.

Ido itotioni Ngin emugati loka aitodikin loinyami oni, kasodete airenge imotokan kotoma akwap kanuka, akwat nuka amairon, itei ijo. Erai inyamata luka ikeyuunak. Erai bon kanuka ikeyuunak. Kiitu, emugati loka aitodikin arai bon kanuka ikeyuunak, itei ijo, Ikinyomit yenika emugati loka aitodikin. Koany. Inyobo iswamai ngin? Aibuses ngin naka Edeke, kama ejai emugati loka aitodikin, nges edarit Ngol komam emunaar.

168 Kiitu, emuna luabuni kotoma Akuj, ebwaikinitai toma Aibuses naka Edeke, anyoun kama ejai atur adiopet kiton neejai ace. Kokinga, ajaatar ikur kotomake, kuare, komunaar. Biai ngin erai abeit? [Kotemari atukos ebe, "Amen."-Ekewa.]

Kinga naka Aibuses naka Edeke, "Atuboros apaarasia nuka nukapedor. Itei ijo, eraas kere aikerepikinit." Konye kotoma...

169 Koany, apotu kolemutu icok loka aturot naka akolong kinga kotoma odula koMisiri luebwaikinitai toma ngina kotoma apaarasia nuka Yosep, ikar akwataongon, aapikin, kau. Abu Yosep kibwaikite ngul toma odula. Apotu kiraikisi ngul. Apotu kojara. Inyobo? Ajaatar aijar.

170 Inyobo Aibuses naka Edeke lolo? Ebelar adepar aimukoret, aanyun Ingabo Edeke loebwoi koingarenekon, aanyun Ingaibo Edeke loebwoi kane koingarenewok, Epir loka Akim. Erapiara Ngesi kotoma akuan naka etunganan. Konye inyobo iswamai Aibuses naka Edeke, inyobo abu ngin kiswama? Ikinyomit yenika emugati loka aitodikin, Akirot naebait oni aijar kotoma kotoma apak kana, kede aisumuneta kanu, Aibuses naka Edeke nges itotioni Emugati loka aitodikin, einakini Ngin aitodolikin, einakini Ngin araun Emugati neejai ikeyuunan; naaperi kotoma apapulai nuka Ebaibuli, okaru kiton okaru, Akirot kanuka atur kana.

Kaneejaas idiinin, erai amoru naituguikinan. Mama ejaas idiinin, iguikinos kanuka Ngin. Anatar ikar kere, Luther, Wesley, Martin Luther, ka kere, Sankey, Finney, John Smith, Knox, ngul kere apotu kiguinikinos kama ejai Ngin.

171 Konye inyobo ngin ebeit aiswamao kotoma apaarasia nukawasia? Inyobo ebeit, "apukor"? "Aitolomun!" Inyobo ebeit Malaki 4 aswam? Aibelokin itunga ainyakar kama ejai amoru naituguikinan, atiaikin kwap inonosio, kosodi apukor Emugati kede Aibuses naka Edeke. Kosesen Ngin etioni kosodi aitolomun cut becebec nuabala ebe abuni aswam, oo, ikatunga, Emugati kanuka atur kana. Kama ejai ediini, erai amoru naituguikinan, "atukos naka luka ikerep." Konye, oni luiyuunit!

172 Konye kwape kisumunikitor Apukokinio 10, "Iyeiyea kere naka Edeke, nuebwaa kotoma apapulai anatar ikar ngul, abuni ationore, aitolomunio kotoma atur naka Aisiraret naka emalaika loikanyetekaarei."

Biai ngin erai abeit? [Kotemari atukos ebe, "Amen."-Ekewa.]

Inyobo abu Ngesi kolim, ekaru kede atutubet kau, cut kiton ikar iarei kwana? "Kolot laiye Tucson; ejaun kide nako Tucson, aduor nakapolon," ido inyobo abuni aiswamaun, "aponio apukor Aipuceta," Aipuceta nuepukorete iboro lu. Abongun cut bec kwape alimunitor Ngesi.

Inyobo ngin? Itodunit ebe mam Ngin epedori araut etunganan. Ibecokin cut ejok, cut kaitebeikin kwape kepedoria kere, nginipak kere. Inyobo ngin? Erai akan naka Edeke, itei ijo, kakoyenewok. Ido naarai erai kotoma atukos naedit, erapiara kotoma akuan naka etunganan, erapiara kama ejaas akwapin nakokinga. Ejai Ngesi apukokin neejaas idwe kwape kalu epedorete aisia. Ianyu? Edoli ngin.

173 Kangini, itei ijo, kanginiwaragan kotoma Obaibuli, kanginitupuset kotoma Obaibuli, ketodiar cut koingarenawok. Edeke ngopengol, kotoma Opir loka Akim, loewadikai Ebaibuli, kotoma Aitutuket Namojong ka Aitutuket Nakitetet da, ejai cut nepene kitodiari Ngin, aitodun cut bec nuarai ngin, aijul cut nukokau, ka itogogong cut ejok ebe ngol nges ejule.

"Kijaar oni eijule!" Aso do aanyutu ngin iswamaun. Itei ijo, ikoni nen, aanyutu ber ngin kitodiario.

Aitodiar, abala Yesu ebe, "Arai mam Eong eswamai aswamasio nuka Papa, mam iyuunete Eong." Itei ijo, ekoto kitogogongooroi.

Konye kwana-kwana, mam kitogogongooritai bala kwape Yesu, aponi kibwaikinai aboko kuju akouKe kosodete ainom Nges kuju akou, kobalas ebe, "Arai irai Ijo Enabi, kolimokinai ingai kinom Ijo." "Ido arai kirai Ijo Okoku loka Edeke, kibelok atap." Itei ijo, erai ngin ajokit. "Arai irai Ijo Okoku loka Edeke, kosomun kotoma a-..."

174 Apeleikinit eong, Apukokinio naebait Nges aswam, nges Ngin. Konye kwana, kwape kepukorere Apukokinio 10, aiyeiyea naka Edeke kitodiario, kitejenunio, kwape kesumunikitor Eitabo loka Aipuceta Akanykaarei.

Kwana kibwaik akoniyuun tomaKe Loerai Akiro...Naarai, kotoma Apukokinio 10 ebalas ebe...

Arai, Apukokinio 19, atemas. Ewadikat eong ne, Apukokinio 10, kanu alosit neejai ngin; konye mam erai 10, erai 19. Kebu Ngesi, elosio Nges anyara ebe, "Akirot naka Edeke," kibwanenit abalait nakwangan, ido epote ikatupitok lukotoma Akuj ajaut kauKe.

Kotiaikisi aigalisit naka ediini naka asioman! Kotiaikisi aigalisit naka einono loka ediini! Kotiaikisi aimukonoreta ngun nuigaliorito Nges kamakus! Kotiaikisi aigalisio ngun nuka epoget, yesi angor. Iraas yesi-yesi adwe nuka Ekabaka; kismamata bala ngin, kojarata ngin. Kotiaikisi nginigalisit kere, mamace nuebala ph.D. ka LL.D. Arai engolopasi kwede Ebaibuli, kotubor kotoma aigalisit kangin!

Naarai, kitubun oni kotoma aigalisit naecilil. Kijai do oni kowai je kwana, kowai je. Ido ibuni ijo aanyun, arai bon ibuni ijo aswam ngun, atiaikin inonosio ngul ka iboro, kosodi abunore neejai Ngesi, ibuni aanyun Nges ebwoi, Ekapikoron Lokapedor, Akiro naka aisumunet kanuka atur kana, kitodiaritai. Kianyuni ijo Edeke Lokapedor epukorio, aanyun Nges cut kakidingosiwok kane, epukorio, Edeke Lokapedor, mam kipikorete inonosio.

175 Aponi kotamai aibwaa Nges kokau kangina; apotu kismamata ngun adaun ikar, konye abu apak naka aisumunet kodol. Abu Edeke kitonyou Musa apak adiopet, kosodi ngol alacakin idwe kama ejaas iboro ngul. Ido eroko Ngesi...Mam Nges epedorio aipikor. "Edaunos Akuj ka akwapin, konye Akakiro mam edaun." Ngesi ngopengol bian, lolo, ka ikar kere.

Ebalas ebe, "Mam epedorio aswam." Konye aponi kismamai. Aso, nakeswamaere, apotu kotemas ebe, "Erai ajokit."

Konye mam ngin ijulakini Akiro naka Edeke, mot da. Eroko esalit erai "Edeke," loebait aiyuun, "Ekapikoron loka Lokapedor; Ngesi ngopengol bian, lolo, ka ikar kere," kanuka esubeKe, kanuka Akekirot, Iburanian 13:8.

176 Kotoma agolokin, kotoma alimun nu, naarai erai adagikan akany alomar isawan itomon ka luaarei, alimun nuta bon. Kijaar eong nepetai apapulai ace atomon, atomon ka luaarei. Adumakini eong ngin acepak, aticepak atibong na.

Koany, komiisik nu. Ajai agwelario apak adiopet, kosodete kesi alemun arigirigi namojong. Kiiraritor yesi ngin irwanapu. Aririgiri namojong; kosodi ekagweleran atemar atiar, "Inyobo einakinio eong kanuka ngin?" aticepak mam eong apedori atetemun na ejok, kwape kiwadikaterere. Ayangaiki ikar luipu, noi noi, konye ebunenenei toma aomisioka. Kosodete kesi alemun arigirigi namojong, mam alai noi noi; asubit bala mam ajok noi, nginibore kere. Mam nges apedori adumun karaida loengngisi ngin. Awasia, aomit eong bala abu ngesi kodum loengngisi kanuka edola, arai icebore kwape kwangin.

177 Ido ajai ediopet loabwoi kangina lomam aomit ebe abeit agwelar kanuka isirigin kangul, aso abu kolot kosodi alemun ngin. Abu kosodi aiting ngin kotoma akaninike, kosodi alemun arametait kosodi aramakin, kosodi aitolomun aruo. Ido nakeswama ngun, abu nginitunganan kere kogeu aimony. Mam apupunitotor eipone loka emusik kwape kangol kotoma aijarakec.

Abu ekagwelasan kotema atiar, "Inyobo ainakinio eong?"

"Ilukumin iarei!" "Ilukumin ikany!" "Ilukumin itomon!" Ianyu? Arai bo ngin inyo? Abu akan naka lokapolon kopuko nuarapiaritai kotoma acuma namojong.

Kwape kwangin kwana! Eitabo, isanyakak, akienare, ecwei, aboliare. Konye adolu apak nadumuniata kesi ekagwelasan loka ediini, Atukos naka Aimorumoron naka Ikanisan luka Akwap kere. Ejaas kesi agwelar Ngol bala kwape loemamei yenepodokinit. Ejai agwelarario naerai naka ediini ebunit.

178 Konye, kiitu, ejai ibore toma Oitabo lomojong yenesumunikit ebe abuni ajaun akan naesekikinitai, nainyonyokinitai naebuni kapak adiopet, naebuni ailarun Ngol kosodi aiswamaikn Akivot naka Eitabo kalo, kotoma otau loesikikinitai, kanuka aswam naeswamaunitere, apukor aisumunet naejai tomaKe. Epedori Ngin kosubite, oo, bala atukos naka lukalaunak luibelibelos, arai icebore; konye eyanagaikini akan naka Ejakait, Akivot kotomaKe, kanu apukor Akivot ngin, kosodi araun naedeparit lokalaunan loibelibelo. Mam erai atukos naka luka ikerep. Elomun akan naejai arametait tomake.

Kelipa.

179 Papa lokotoma Akuj, kanuka aiyuun, apak na, aseseni eong Ejakait loka Eitabo lomojong, ebe esiecakisi kesi kanuka inonosio. Apotu kisiecata Ngin kanuka ediinin. Apotu kotamata alemar Ngin awai. Kwana etamitos agwelar Ngin kanuka Atukos naka Akwap kere naka itunga, naka ikanisan, naka communism, lumam iyunitos ebe ejai Edeke. Ejai agwelarario elosi ngaren, Ejakait.

Edeke, ikuny ngaren! Abeit cut, ibuni Ijo aikunyun. Kijukakinai isio enabi ngol, Ejakait, loelemuni arametait, loelemuni Akivot na kosodi aitogogongoor ebe Yesu Kristo ngopengol bian, lolo, ka ikar kere. Luipu, Ejakait, epote agwelar aijarakec, epote acakar awai ikecenonosio, epote atiaikin aigalisio. Ekotosi kesi Ngin, Ejakait. Epote ainakin idiobore kere, idiobore, koinak kes Yesu.

Ejakait, aomit eong kitogogongik Ijo Ngin nekec kwana. Eponitos kesi kotoma nginiboisit kere. Itwasamaete kesi iborokec lujaret. Iswamaete kesi nginibore kere, kanu aitam abunore toma atukonokin, aswam nuepedorete kere, naarai adumutu ibore yeneka etiai loepol noi. Ibore luce kere edisiak. Kisirereng kes, Papa.

180 Eperete kotoma olutaari kalo, atupuruc na, Ejakait, eperete itaabalana. Aticepak ice kotoma kakesi ebeit anyoun lolo, eroko aijaanakin naka aitangal atibong na. Wu Edeka Lomam Edaun, kongalia kwap. Ajeni eong ijai Ijo ne, irapiara Ijo. Ido ajai eong aijukar aigalisio nu, Ejakait, nuenyaritai "Itaabalana," ka "igoen ludidik," "imuk luka idwe" kanuka idwe ludidik. Ido ajai eong aijukar kes kwape aanyununeta nuerapiara, ebe alimonokin Akivotokon atupuruc na, ido, kwape ekeyuunan, edokokini eong akakanin mamakec, akakuan, kwape aanyunet ebe eyuunit eong Ngin. Ido, kanuka aiyuun, nginidiopet kotoma aduketait kana ejai aswam ngun, Ejakait. Kongaleutu lukadekak.

181 Ipedori Ijo aramakin Akivot kane, Ejakait, kwape abu ekaraman loka arigirigi kiswamaikinia arigirigi, iswamaik kwangin, Ejakait. Koinak ngin abolia aruo nakabeit, arametait kotoma akan naka Ejakait, kasodete do isio aanyun Nges ebwoi kotoma aidelel naileleba.

Eipone loaomitotor itunga ngul kapak kangin, neemam kes apedoritotor ainakin idiobore, neemam kes apedoritotor ainakin idiobore kanuka arigirigi namojong. Mam kes akotosi ngin. Mam apedorete ajaut kede ngin kotogoikec. Konye nakelemunere ngol loapedorit amisiikinit ngin ejok, kwangin apotu kogwelasi idiobore kere yenajaatar, kanu adumun ngin. Ajiosi ido kopegasi kanuikamunitos ngin. Kiyapite do apak noi kotoma apak kangin.

182 Kwape kwangin ejaunor apak naekutakinere Arupepe naka Ejakait, edumuni apak edaun. Ngul lukesesenio kosodete akienar, luapotu kobwoata kangina koingaren naka aimukoret nangaara kosodete aanyun Akivot naka Edeke itodiara (epote luce elulu kanuka Ngin, konye, kwape abu Ijo kolimunitor, "Edumuni apak iyapit noi do"), apotu kolomasi toma Opucit loka Edukone; kosodete ajalakin ngul aiboisit naejai aimony, elulu, ka airiamanakin ikel.

Kingarak nginitunganan kere aiyuun, atupuruc na, Papa; abelar kotoma nginigalisit kere naka ebit, kanginigalisit naka amamus aiyuun, kosodete aanyun Ekapikoron Lokapedor epukorio koingaren naka ikeyuunak. Naarai, "Koany, ajai Eong kayes apakio kere, kiton osangeta luka akwap. Ipak edit ido mam akwapin bobo aanyunete Eong, konye yesi ianyunete Eong." Kitodun kakidingosikosi, Ejakait, kwape lem kiswamaenena Ijo. Kosalak ikoni nepenen kiton nekitakanunia isio kaidelal koingareneKon, nakijulakinere adoketait naka araut Edeke kosodi Ijo araun Okoku loka etunganan bobo, ka Okoku loka Daudi. Koinakinai ngin, Ejakait, Kokiror loka Yesu Kristo.

Kwape kituluritor akwesiwok kwap, kere kotoma ailip.

183 Mam eong ajeni lolo arai ejai ice ne yen...toma arai kinga. Emamei eipone loka anyaraun itunga otem kuju lailo, naarai emamei aiboisit. Mam eong ajeni, kede etau kere, ijo iyuunit na araut Abeit? Ijo iyuunit ebe kotoma apak kana nakijaria oni, kede eigur lo kere ka atur naka science kwape ajaar kotoma apaarasia nuka Noa, kotoma apaarasia nuka Musa, apaarasia nuka Yesu, ebe ebwoi kakidingosikosi lolo, Edeke, Papa lokapolon look kere luiurikinitai tomaKe?

184 Epir loka Akim loetakani loitogogongooritai kede science, ikar luipu kau, kwape itelepat, abu kenerata keong kasodi alimokin eong ebe abuni eong ajaun cut ne, nuapote aiswamaun. Alimokinit eong yesi nuikamunitos ngin, kosodi Ngin...Apak adiopet kalaije kocilet, eroko aijaanakin na egeunia, aisikwarunio nasodit, abu Ngesi kotakan kotoma apak, abu kitodiar kosodi ainakin ayakian. Ikar lu kere engadit eong ngin kotauka, korapiarite Kristo, Epir ngopengol loka Akim ijuli Akirot, kwape kesumunikitere. Ijai oni toma apak nakawasia, Abongun naka Ejakait. Ido arai kidumun ijo elopet bon kokinga naka aimukoret kangin, naerai atwanare asalit kinga, ijo kanuka aiyuun, atupuruc na, ibuni atemar ebe, "Kanuka aingarakinio naka Edeke. Ido kanuka aigangeKon, Ejakait, akoto eong abelar toma aigalisit ngin. Akoto eong alomun toma neijai Ijo, kanu aanyun Akirot naileleba naka Edeke"?

185 Mam itamakini araut Musa. Mam itamakini araut Aaron. Mam. Koraun lopekirai ijo, konye koraun Ekristayot.

Yesi, kede akosikwes kituluritete kwap, ikeunete akusikanin neejai Edeke, kosodete atemar, "Ejakait Edeke, kingarakinai eong alomar toma naka aimukoret"? Kisirereng Edeke yes. Erai ngin, kosesen ber ijo akanin!

Kinga, kiitu, aticepa mam eong aanyuni akonikan. Mam erai-mam erai naepol ajokis noi eong angoliar ngin, ejaas ace da; erai, Edeke. Bon ngin, kaneajai eong, einakini eong aanyun ebe a-ado Ikinyomit nenice, ido, konye Edeke nges eseseni etau elopet.

Arai ejaas ice luipu lumam apotu ikeutu akecekanin, okotosi aikeunio kwana, ikeutu akusikanin kuju kosodete aiitunio kotoma ailip. Ikeutu akusikanin kuju. Kisirereng Edeke Yes. Ejok ngin. Kisirereng Edeke yes.

186 Papa, ilipi lolo ebe lu, Ejakait, lumam ber etuboro toma naka aigalisit kangin. Ebwoete kokinga kangina bala Isirael; esesenete. Iyuunito, konye mam kesi ebellarar toma naka Na ber, kanu aanyun Aica ngin naka Shekina, kotoma omoyo ka akuan, kiton adolokin adoketait naka akongu naka acuma naka akamera ainyikokinit ainomanar aput ngin; isabiitin iarei kau, abu ikam Ngin bobo. Ijai Ijo apukor, Ejakait, Edeke Lokapedor neejai ikeyuunan; eroko erapiara kaneejai yenimam iyuunit, konye epukorio kama ejai ikeyuunan.

Kobelaros kesi toma, lolo, Ejakait, aanyun ajokisiKe nakaumokin ka Aibuses. Kijulakinis ikecetaun eroko ber ebongunia okanisa lo atibong na. Kilelebunos kesi kere kede Emoyokon, Ajakutukon. Kolem Ejakait aiyuun naejaatar kesi, kisiarak ngin toma Akirot; kobong bobo aruo ngin ebe, "Isekikinitai ijo eroko epesikina apetetait naka akwap, kanu aiyuun Na. Kiyu, Ikakoku, kosodi aitajarun."

187 Papa Edeke, kititingikini kes Akaninikon kwana, kwape kimisiikina ebe emameete nuipu nuipedori isio aswam. Ejaas kere Kajo kwana, Papa. Ainakini eong kes mamaKon. Kokiror loka Yesu Kristo, Okokukon. Amen.

Amina eong Nges, a...
Naarai...kageu amin eong
Kosodi aitac akaitajario
Kokitoi lo Kalvari.

Yesi iminas Nges? [Kotemari atukos ebe, "Amen."-Ekewa.]

Eumokina, eumokina, Yesu mamaka,
Ekapuron akiro, Ekabala loka ainapakin, Edeke Lokapedor nges Ngesi;
Ejai Ngesi aitajar eong, ayuarit eong kama ejai adiakar kere ka ileic,
Eumokina Ekalakunanika, kituritete Ekekiror!
Eoliorit eong, kwana abong eong, alacakina kama ejai etubokinio,
Einakini Yesu alacakinio ka aitajario naileleba;
Aitajar eong, ayuarit eong kama ejai adiakar kere ka ileic,
Eumokina Ekalakunanika, kitutete Ekekiror!
Eumokina, eumokina, Yesu mamaka,
Ekapuron akiro, Ekabala loka ainapakin, Edeke Lokapedor nges Ngesi;
Ejai Ngesi aitajar eong, ayuarit eong kama ejai adiakar kere ka ileic,
Eumokina Ekalakunanika, kituritete Ekekiror!

188 Imwaasi bo ai esesenete Nges ebwoi, Ekapikoron Lokapedor, Akirot enapit akuan, kepukorio

koingarenewok; Alpa, Omega; Ngol loajai, Loejai, loebunit; Alias ka Aur naka Daudi; arai Ngesi Okoku loka etunganan, Okoku loka Edeke, Okoku loka etunganan, ido ebuni araun Okoku loka Daudi? Yesi iyuunito Ngin kede ikusitauon kere? [Kotemari atukos ebe, "Amen."-Ekewa.] Epukor elopet kotoma nginitur, ayangaun neejai ikeyuunan, erapiara Ngesi elopet kotoma akuan kama ejai lomam iyuunit. Engopit Ngesi kokau naka aimukoret. Kocila Edeke kanginimukoret, kasodete oni aanyun oni Nges kwape ejaar!

Yesu ebili ngolirikot,
 Abu Yesu kobil ngolirikot,
 Oo, abu Yesu kobil ngolirikot,
 Nealacakina Ngesi ijo!
 Kowai kaje loka Yorodan,
 Kotoma omanikor loejijim loka Eden
 Neelilibia Ekitoi loka Aijar,
 Ejai aiyengun kanuka.
 Yesu ebil...

Ijo mam ikoto aitub Yorodan kwana? Biai mam aojau naepol adaun kotoma amoding? Kalotot laiye toma aisumuneta!

Abu Yesu kobil ngolirikot

Abu Yesu kobil ngolirikot

Oo, neabu kolacakina ijo!

Ekeutu awokokanin kwana.

Abuni eong aiturit Nges apaarasia kere,
 Abuni eong aiturit Nges apaarasia kere,
 Abuni eong aiturit Nges apaarasia kere,
 Naarai Nges alacakini eong!

189 Amen! Biai mam ngin einakini ijo aipup ejok? [Kotemari atukos ebe, "Amen."-Ekewa.] Oo, eipone loeumokinar! Eipone loeumokinar, biai mam kereka Nges eumokina? Eyoganakinos idiopet kayenice kwana, kobala ebe:

Abu Yesu kobil...-ngolirikot,
 Abu Yesu kobil ngolirikot,
 Oo, abu Yesu kobil ngolirikot, (Kisirereng Edeke ijo, onac.)
 Oo, ido elacakini Ngesi ijo!
 Abuni eong aiturit Nges, (Edeke Lokapedor)
 Eong...(Nges ngopengol bian, lolo, ka ikar kere," abu bon Ngesi ijulak Ekejautene.)...
 kituretete Nges,
 Abuni eong aiturit Nges apaarasia kere,
 Naarai abu Ngesi (kolema italesio kere awai kamaka) abu kalacak eong...(aiyuun Akekirot).

190 Oo, ijo mam ipupi arigirigi naka Ejakait eruo, kotoma Akivot kana? Nges ngopengol bian, lolo!

Abuni eong aiturit Nges apaarasia kere,
 Abuni eong aiturit Nges apaarasia kere,
 Eong...(Nges, Akivot!)...aima Nges apaarasia kere,

(Inyobo abu Ngesi kismama?)

Naarai abu Ngesi kalacak (kau naka aigalisit) eong!

Kituretete Edeke! Amina eong Nges. Ijo mam imina Nges? [Kotemari atukos ebe, "Amen."-Ekewa.] Mam kereka na erai ibore yenikotoma Akuj? ["Amen."] Amina eong ajokisio nuka Akivot, itei ijo, Emoyo Lokalaunan kotoma ajijim ngin, koipone loiyapaara. A-aminakit eong Ngin. Oo, koomoom ber ijo!

Kowai kaje lo Yorodan, (Aapiarit eong ngina kwana)
 Kotoma ajijim...(komam atwanare) loka Eden,...(Inyobo adumuni eong kangina?)
 Neejai Ekitoi loka...(loajai komanikor lo Eden) elibilibi,
 Ejai aiyengun kanuka.
 Yesi ikotosi alosit? Ebili Ngesi ngolirikot.
 AbuYesu kobil (kangininono) ngolirikot,
 Abu Yesu kobil ngolirikot (idiinin kere, italesio kere),
 ...kobil ngolirikot,
 Oo, neabu kolacakina ijo!

191 Kitiretete Edeke! Amina eong Nges. Nges ainakina Isaia ebala ebe, "Erai Ngesi Ekapuron akiro, Ekabaka loka ainapakin, Edeke Lokapedorosio, Papa Lomam Edaun, Lokaumokin!"

Eumokina, eumokina, Yesu mamaka,

Ekapuron akiro, Ekabaka loka ainapakin, Edeke Lokapedorosio nges Ngesi;
Oo, aitajar eong, ayuarit eong kama ejai adiakar ka ileic,
Eumokina, Ekalakunanika, kituritete Ekekiror!

Oo, ikatunga! Etirori ngin ekatau. Eipone loeumokinar Ngesi! Alimokini eong ijo, emamei esange loka Nu. Ngin, abu eong alom toma Kanu ikar akaisauni kau, apupi koipone kalo. Ido arai ketitingiki Ngesi, kapak adiopet alosi eong agolokin akakonye, abuni eong anyoun koiponece. Amen!

Eumokina, eumokina, Yesu mamaka,
Erai Ngesi Ekapuron akiro, Ekabakaka loka ainapakin, Edeke Lokapedorosio nges
Ngesi;
Ejai Ngesi aitajar eong, eyuarit eong kama ejai adiakar ka ileic,
Eumokina, Ekalakunanika, kituritete Ekekiror!

192 Apedori eong aiboi kane angetakin apaaran kere, kotoma Ngun. Abala Paul ebe, "Arai awo eong kotoma Omoyo." Uh-huh. "Arai alimonok eong, alimonokini kotoma Omoyo. Arai kalot, alosi kotoma Omoyo. Arai kener, enera kotoma Omoyo." Kiswamai nginibore kere kanuka Akirot ka Emoyo. Eebo, lokapolon. Amen! Erai kere Abeit naka Edeke.

Aseseni eong Nges, Edeke Lokapedorosio kere, epukoritai. Aseseni eong iriari awai italesio, idiinin; iriari awai abuonokin, ainapeta nuka asioman, ka nginibore kere; kobuni ngaren, aibwo kanen. Iwomit ijo ebe epedorete italesio aipikor Nges? Iwomit ijo ebe epedorete idiinin aipikor Nges? Iwomit ijo ebe epedori Aimorumun naka akwap kere aipikor Nges? Abu kipiko nginibore kere, kobil ngolirikot kere, abu kocil okatwak kiton angaar; abu kocila awai aipucet, abu koloma aiboisit Nakalaunan kakere; abu kopukokin oni, kwape Akirot, Ngesi ngopengol bian, lolo, ka ikar kere. Amen. Amina eong Nges.

193 Kwana kiton nekiriamunor akidingos naka apaaran kana, ikoto oni aswam idiopebore, nges atemar:
Kouparos kede Ekiror loka Yesu,
Ikoku yenika aiturur ka ican;
Ebuni ainakin ijo aiyalama ka ainapakin,
Oo, kouparos kede Ngol neilos ijo kere.
Ekiror loketiai, eipone loejijimar!
Amun naka akwap ka aiyalama naka Akuj;
Ekiror loketiai...(Eebo, adau eong adumun kes da.)...Oo eipone loejijimar!
Amun naka akwap ka...(...?...)

Arai ketam Satan acodun ijo, ebe mam ijo iseseni ibore yenikabeit, kododia nges neejai Akirot kwape abu Yesu kiswama. Ianyu? Ianyu? Amen!

Kikukokin Kokiror loka Yesu,
Aibirokib kwape akejeneKe,
Ibuni aisiboikin Nges kwape Ekabaka loka ikabakan,
Kengetakin alisitewok.
Ekiror loketia, Ekiror loketiai!
Amun naka akwap ka aiyalama naka Akuj;
Ekiror loketiai, eipone loejijimar!
Amun naka akwap ka ayalama naka Akuj.

194 Ebuni Billy ajaun toma, nepetai isawan itomon ka luaarei, ekoranari akaadin nuka ailipakinio neejaas ngul luekotosi alomun toma okokoro loka ailipakinio. Aomit eong ejok oni aswam ngun. Mam ebeit ti, konye, kwape kiraar atukos naepol, ejok oni aswam ngin, itei ijo.

Kwana kiitunite Nges! Kidarite Nges duc kotoma aomisiokon, kotoma otaukon. Neilosi ijo kere, itei ijo, kidarite Yesu kotoma aomisiokon.

Kouparos ka Ekiror loka (kwana kopupok) Yesu,
Kwape ebuku kama ejai ngolimal kere; (inyobo iswamaun?)
Kilukutu ijo acoduneta, (inyobodo ibusakinit ijo aswam?)
Kiyengak Ekiror ngol kotoma ailip.
Ekiror loketia, Ekiror loketiai, Oo, eipone loejijimar!
Amun naka akwap ka aiyalama naka Akuj;
Ekiror loketiai, eipone loejijimar!
Amun naka akwap ka ayalama naka Akuj.

Ketulurwoto awokokwes kwap kwana. Abuni eong ailip ecokon arai epedori ngesi abunore kosodi aitwar esipan. Onac Neville, kisirereng Edeke ijo, Onac Neville.



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7